

# *MENDRIKA NY FILAZANTSARA*

## *VE NY FIAINANAREO?*

 Ndao isika hijanona hitsangana vetylity monja, raha manondrika ny lohantsika isika ankehitriny ka mijery ny Tompo. Raha misy fangatahana hampahafantarina an'Andriamanitra, tianareo fotsiny ve izao ankehitriny izao amin'ity fotoana ity ny hanangana ny tanganareo Aminy, tahaka an'izao, sy hihazona ao am-ponareo an'izay tianareo.

<sup>2</sup> Rainay An-danitra, mankasitraka izahay noho ny andro hafa anankiray. Ary ankehitriny dia manomboka isaina izany; ho lasa tantara izany. Efa lasa sahady ireo favoriana tamin'ity maraina ity. Ireo Teny izay voalaza dia efa eny amin'ny habakabaka, ao amin'ny horonam-peo, ary hihaona amin'Izany izahay indray andro any. Izany dia na ho tsara na ho ratsy. Ary izahay—izahay dia mino fa tsara Izany, satria dia ny Teninao Izany.

<sup>3</sup> Ankehitriny, mivavaka izahay mba Hanekena o ho anay, izao hariva izao, ireo fangatahana izay angatahanay. Miaraka amin'ny tanganay, atsanganay, mangataka an'ireo fangatahana ireo. Ianao no nahafantatra an'izay nilainay, sy izay angatahanay. Noho izany dia mivavaka izahay mba Hamalianao anay, Tompo, sy hanomezanao an'ireo fanirian'ny fonay, izany dia, raha afaka ny hampiasa azy izahay hanomezam-boninahitra Anao. Ekeo izany, Tompo.

<sup>4</sup> Sitrano ireo marary eto afovoanay. Esory ny fahotana rehetra sy ny tsy finoana. Omeo anay ny Anao...ny ampahany avy amin'ireo Fitahianao indray, izao hariva izao, Tompo, raha misaintsaina ny Teninao izahay, ary ny fotoana izay iainanay. Mivory miaraka izahay, Ray, tsy ho an'ny antony hafa afa-tsy ny hiezaka hianatra hoe ahoana no hiainana tsaratsara kokoa, sy hiaina Akaikinao kokoa. Fa hitanay ny andro fa manatona, ary tsy maintsy mivory miaraka matetika izahay, ka mandray an'ireo toro-hevitra avy Amino. Ekeo izany, Ray, amin'ny Anaran'i Jesosy. Amena.

Misaotra anareo. Afaka mipetraka ianareo.

<sup>5</sup> Fantattro fa tena mafana be tokoa, ary hipoka araka ny maha-izy azy ny toerana rehetra. Ary tena miala tsiny izahay fa izahay dia tsy manana ny...fampangatsiahan-drivotra mihitsy. Ary izaho...Angamba izany dia ho...Misy zavatra anankiroa izay tiako hatao ho an'ny fiangonana, vantanay vao afaka mamerina indray an'ilay fomba izay tiako aho, raha mamerina an'ireo favoriana araka ny fanao aho. Mila pi—piano iray aho, izay mipetraka eto amin'ity ilany ity, mba hijeren'ilay mpitendry

piano mankany amin'ny fiangonana. Mila orga anankiray aho eto amin'ity sisiny ity; ary fampangatsiahan-drivotra anankiray. Avy eo dia tiako ho toy izany ilay izy. Noho izany isika dia... Hatoky ny Tompo isika, ary mahafantatra fa hanaiky an'izany ho antsika Izy.

<sup>6</sup> Mino aho, izy ireo no nilaza tamiko, fa Rahalahy Hickerson no naka fotsiny an'ity avy tao amin'ilay magazina. Napetrany teo ambonin'ny biraoko tao aoriana tao ilay izy. Izany dia ilay antokon'Anjely izay tao amin'ilay magazina izay noresahana. Hitanareo ve ilay endrika piramida? Jereo ity Anankiray eto amin'ity ilany ity, ilay elattra maranitra, tonga miaraka amin'ny Tratrany mivoaka tahaka an'izao, eto amin'ny ilany ankavanako. Araka ny noresahako avy teto amin'ity polipitra ity mihitsy, volana sy volana sy volana maro lasa izay, hitanareo, ity Izy eto. Ary ny *Look* maga-... Na, ny *Life* magazina no manana Azy, ny-ny laharan'ny Mey, Mey ny faha-17, mino aho fa izay ilay izy. Marina ve izany? Mey ny faha-17, laharana. Rtoa. Wood no niteny tamiko androany fa maro no niantso azy ary nanontany. Izany dia ao amin'ny laharan'ny Mey, Mey ny faha-17.

<sup>7</sup> Rahona iray mahagaga ilay izy. Ilay rahona dia enina amby roapolo maily ny haavony ary telopolo maily ny sakany. Ary izany ilay nolazaintsika teto. Teo amin'izany no nidinan'ilay Anjelin'ny Tompo sy nanozongozonany an'ilay toerana. Ary ny rehetra... Naneno mafy ilay izy...

<sup>8</sup> Fantattro fa nisy lehilahy anankiray, raha... Ataoko fa, Rahalahy Sothmann, nahita azy aho vao haingana teo, any ho any. Eto izy. Nitsangana izy... Hia. Eto aoriana *eto* mihitsy. Nitsangana teo akaiky teo izy rehefa nitranga izany. Ataoko fa tsy lavitra azy loatra aho. Hitako fotsiny izy, niezaka ny nikopakopaka azy aho. Saingy fotsiny, izaho no nanana an'ireo masolaviny. Fa, ireo—ireo biby, tao amin'izay nihazanay, dia... Dia tsy teo amin'io havoana io. Ankehitriny dia nandeha teo amin'ilay havoana hafa izany. Nahita azy ireo aho, ny andro talohan'io, ary nilaza tamin'izy ireo hoe aiza no tokony haleha. Nandeha *teto* aho, mba, raha avy amin'ity lèlana ity izy ireo, dia hanao tifi-danitra fotsiny aho ary handroaka an'izy ireo hiverina amin'itsy lèlana itsy, mba hahafahan'izy ireo mahazo an'ireo—an'ireo—an'ireo bibiny. Noho izany, dia lambodia ilay izy.

<sup>9</sup> Ary noho izany dia nandeha teo aho, tamin'ity ilany ity, ary tsy tany izy ireo. Tsy tany amin'ilay ilany koa aza izy ireo. Nahita an-dRahalahy Fred nandeha aho, fa tsy tao izy ireo. Niverina izy, ary Rahalahy Norman no nandeha teny amin'ilay havoana. Ary nihodina aho, nidina tao amin'ilay hantsana kely dia niakatra, izaho irery ihany, teo amin'ny maily iray sy sasany tao amin'ny faritra tena mikitoantoana. Dia nipetraka aho ary njery ny manodidina fotsiny. Tamin'ny misandratr'andro izany.

Ary izaho nanendaka an'ireny, ilay antsointsika eto hoe, manaram-poana. Izany dia zavatra tahaka ny tsipolitra anankiray. Nendahako izy ireny hiala amin'ny tongotry ny patalohako, tena tahaka an'ilay nahitako ny tenako nanao azy mihitsy rehefa niteny taminareo teto aho mikasika an'ilay fahitana, enim-bolana, teo ho eo, talohan'ny nitrangany. Hoy aho hoe, "Hafahafa ity. Jereo fa tena eto amin'ny avaratra indrindra an'i Tucson aho, somary avaratra atsinanana. Manao . . .

"Tucson," tsarovy, fa hoy aho hoe, "atsimo andrefana kely."

Ary hoy aho hoe, "Hafahafa ity." Nijery an'ilay tsipolitra aho, tahaka an'izao, nanala azy ireny avy teo amin'ny . . . maro tamin'izy ireo, avy tamin'ny tongotry ny patalohako. Raha mbola tsy tany mihitsy ianareo, dia faritra an-efitra anankiray izany. Tsy tahaka an'ity izany, mihitsy. Saiky in-droapolo mazava lavitra; ary tsy misy hazo sy ny sisa tahaka an'izay misy eto. Raketa sy fasika fotsiny izany.

<sup>10</sup> Noho izany izaho—izaho dia njery an'ilay izy fotsiny, tahaka an'izao. Nakariko fotsiny ny masoko. Ary saiky, ataoko hoe, antsasaky ny maily avy teo amiko, dia nahita ny loha manontolo an'ny . . . ilay andiana lambodia, nandry, nivoaka avy tao amin'ilay tendroney, izay nihinanan'izy ireo mololo. Dia nieritreritra aho hoe, "Ankehitriny, raha mba afaka mitondra an-dRahalahy Fred sy Rahalahy Norman ho eny fotsiny aho, io mihitsy ilay toerana."

<sup>11</sup> Ary ny hariva talohan'io, dia goavana be loatra ilay Fanahy Masina tao amin'ilay toby, ka niteny tamiko an'ireo zavatra izay nitranga sy niseho Izy. Tsy maintsy nifoha aho ary nanalavitra ny tobiko.

Ary avy eo, ny ampitso maraina, dia niakatra teo aho. Ary nanomboka aho . . . Hoy aho hoe, "Ankehitriny, raha afaka mahatratra an-dRahalahy Fred aho, ho tratrako eo akaikin'ity tendrombohitra ity izy," izay teo amin'ny—ny maily iray tamin'ity lèlana ity. Izaho tsy maintsy nandeha teo amin'ny—teo amin'ny maily roa teo, na mety, haka azy, angamba telo. Niverina tamin'ity lèlana ity, nidina an'ilay antsointsika hoe lamosin-kisoa, niakatra tahaka an'izao, teny ambonin'ireo tendrombohitra mikitoantoana, misamatsamaka, ary nidina tamin'ity lèlana ity, nanivaka dia niampita, ary nidina tamin'ity lèlana ity ary naka azy. Avy eo dia tsy maintsy nandeha avy hatrany tany amin'ny fanambanin'ilay havoana izy, mba haka an-dRahalahy Norman, izay angamba tany amin'ny efatra na dimy maily tany, avy eo dia niverina. Ary nandeha aho mba hametraka ilay—ilay silaka Kleenex kely izay nahantoko teo ambonin'ny silaky ny—ny anjavidy iray teo, mba hahafahako mampitodika ny tenako amin'ny hoe iza no tendro hivoahana rehefa miverina aho.

<sup>12</sup> Ary niakatra teo amin'ny tendro kely iray aho izay nisy vatolampy nisamatsamaka be dia be, ary teo no nisy di-dian-diera iray nidina tamin'ilay ilany hafa, teo amin'ny, oh, efapolo, dimampolo yard tany ambanin'ilay havoana misy hantsana. Izany dia teo amin'ny, oh, misandratr'andro teo, ataoko hoe tamin'ny valo, na tamin'ny sivy. Nihevitra zavatra tahaka an'izany ve ianao, Rahalahy Fred, angamba tamin'ny sivy, tahaka an'izany? Nihazakazaka tamin'ity ilany ity aho, haingana, mba hanao an'izay tsy ahitan'ireo lambodia ahy. Lambodia lahy izy ireo, fantatrareo, ary mora matahotra izy ireo.

<sup>13</sup> Koa izaho—izaho dia nandeha teo amin'ilay havoana tamin'ity lèlana ity, ary nanapaka, nanomboka, niakatra an'ilay havoana. Ary nihazakazaka fotsiny aho, tamin'ilay kely, ilay antsointsika hoe, fijaikon'alika. Ary tampoka teo, dia naneno daholo ilay faritra manontolo. Tsy mbola nahare fipoahana mafy tahaka an'izany aho! Nanozongozona mihitsy, ary nikodiadia ireo vatolampy. Tsapako toy ny hoe izaho—izaho dia tsy maintsy nitsambikina tany amin'ny dian-tongotra dimy niala tamin'ny tany, sahala amin'izany. Ilay izy tena—tena nampangovitra ahy. Nieritreritra aho hoe, “Oh, oadray!” Nihevitra aho fa voatifitra aho. Hoe nisy olona iray... Nanao satroka mainty anankiray aho. Nihevitra aho fa izy ireo dia nieritreritra fa lambodia anankiray niakatra ny tendrombohitra aho, ka nisy olona nitifitra ahy. Tena mafy ilay izy, teo amiko mihitsy, tahaka an'izany. Avy eo, tampoka teo, nisy Zavatra nanao hoe, “Miandràndrà.” Teo ilay Izy. Avy eo dia niteny tamiko Izy hoe, “Izany dia ny fanokafana an'ireo Tombokase Fito ireo. Miverena any an-trano.” Koa dia, tonga teto aho.

<sup>14</sup> Nihaona tamin-dRahalahy Fred sy Rahalahy Norman aho, teo amin'ny adiny iray taty aoriane, rehefa nahita azy ireo aho. Taitaitra izy ireo ary niresaka mikasika an'ilay izy. Io ilay izy. Ary ny siansa no milaza fa tsy mety ho an'ny—ho an'ny karazana za—zavona iray na zavatra iray ny mahatratra an'io haavo io, fanala, entona. Hitanareo? Izany dia tsy maintsy fotsiny ho... Tsy hahafantatra aho. Izaho—izaho...

<sup>15</sup> Isika, rehefa mandeha any am-pitan-dranomasina isika, dia mandeha any amin'ny sivy arivo dian-tongotra any. Any ambonin'ireo oram-baratra izany. Izany dia manakaiky ny efatra maily eo ho eo. Ary atao hoe, ndao ataontsika hoe, angamba dimy ambin'ny folo maily any izany hany ka tsy mety hahita entona intsony ianareo. Fa ity dia enina amby roapolo maily, ary nihantona teto indray andro manontolo. Hitanareo? Tsy fantatr'izy ireo hoe inona ilay Izy. Saingy, misaotra ny Tompo, fa isika dia mahafantatra.

Misaotra anao, Rahalahy Hickerson. Ho tehiriziko eo ambonin'ny biraoko ao izy. Ary rehefa manoratra an'ilay boky isika, nahoana, dia afaka mahazo azy isika.

<sup>16</sup> Nahazo naoty kely iray aho eto izay nomena ahy. Mino aho fa nisy fitomboana eo amin'ny isantsika hatramin'ny naha-teto ahy farany. Ataoko fa ny anarany dia—dia . . . fara-faharatsiny, ny anaran'ny rainy, David West. Ary manana zaza kely izy ireo eto izay tian'izy ireo hatolotra ny Tompo. Marina ve izany? Izao hariva izao ve ilay izy, sa Alarobia hariva ilay izy? Tsy fantattro. Izany dia . . . Izao hariva izao? Tsara izany. Eny, ahoana ny amin'ny . . . Ianao no David, sa tsy izany? Izay ilay noeritreretiko fa ianao no izy. Eny àry. Ahoana raha entina miakatra ilay zaza kely?

Raha sitraky ny anabavintsika ny ho tonga eto amin'ity piano ity, ary hanome antsika ny hira hoe *Ento Izy Ireo*. Ny pasitera, raha sitrany, miakara eto, ary hanolotra an'ilay zazalahy kely ho an'ny Tompo isika. Ankehitriny, hiezaka ny hanao an'ilay izy araka ny Soratra isika.

<sup>17</sup> Ity no zafikelinao, Rahalahy West. Toa ohatry ny hoe tsy mety ilay izy, sa tsy izany? Ranabavy West, ahoana ny hevitrao ny amin'izany? Ilay izy ve . . . Fantatralo ve izay eritreretiko, na izany aza? Fantatralo, izaho dia raiibe, ihany koa.

Mampahatsiahy ahy an-dRahalahy Demas Shakarian izany. Nitsangana teo anoloan'ny vondron'olona marobe izy. Afangarony daholo ny zavatra rehetra tahaka ny ataoko, fantatrareo. Nitsangana teo izy. Hoy izy hoe, “Fantatralo,” hoy izy, “Izaho—izaho no niteny tamin’i Rose, nahatsapa aho,” ny vadiny izany, hoy izy, “nahatsapa niha-antitra be aho hatramin’ny naha-renibe ahy.” Hoy izy hoe, “Tsia. Ny tiako ho lazaina dia hoe rai- . . .” Fantatralo, izaho . . .

<sup>18</sup> Tsy irery ianao, Rahalahy West. Misy maro amin’izy ireo no eto. Ary tsara izany. Mihevitra aho fa tena mankasitraka tokoa an’ireo zafikelintsika isika. Ity dia tsy . . . Manantena aho fa tsy ho diso ilay izy. Fa isika dia afaka hanana fotoana betsaka miaraka amin’izy ireny, mino aho, noho ny nataontsika tamin’ireo—ireo zanatsika. Nanontaniako an’izany ny vadiko, indray andro. Hoy aho, “Azo antoka. Tianao vetivety izy ireo, averinao any amin’ny reniny izy ireo, dia lasa.”

<sup>19</sup> Eny, manana zafikely anankiray kely aho ery aoriana ery. Hoy izy hoe, “Papa, mitoria teny. Papa, mitoria teny.” Ary nalaïn’izy ireo ny rakitra tamin’ny Alahady hariva lasa teo, ary napetrany teo ambony latabatra izany. Nentin’izy ireo niditra izy, tery aoriana tery, ary—ary nandre ahy tamin’ny alàlan’ny fanamafisam-peo izy. Hoy izy hoe, “Papa, mitoria teny. Papa, mitoria teny.”

Dia hoy i Billy hoe, “Eny, ery *ambony* ery.”

Hoy izy hoe, “Tsia.” Ary dia niongana teo amin’ny gorodona daholo ilay rakitra. Izy—izy te-ho tonga teto, fantatrareo. Ary izy dia miantsoantso ahy foana, fantatrareo, mahita ahy ao amin’ny favoriana anankiray. Miantsoantso izy hoe, “Papa, mitoria teny.”

Tena niantsoantso mafy. Koa dia fantattro fa mahafatifaty izy ireo.

Hono ho'aho, manontany tena aho raha mba afaka mindrana ny sasany amin'ilay volo? Tsy mbola ilainy izao ankehitriny izao izany. Izaho no mila. Iza ilay anarany? [Hoy i Ranabavy West hoe, "David Jonathan."—Mpand.] David Jonathan. Tsy anarana tsara tarehy anankiray ve izany? Eny, manantena aho fa ny fiainany dia hitovy amin'ireo izay mitovy anarana aminy. Davida, ilay mpanjaka, Davida; izay, Kristy no hipetraka eo amin'ny sezà fiandrianany; ary Jonatana ihany koa, ilay sakaiza malala. Izaho—izaho dia miteny aminareo, fa namana kely mahafinaritra izy ireo. Mankasitraka azy ireo isika, betsaka tokoa. Izaho... Mifoha izy. Ary izy dia afaka—izy dia afaka miantsoantso "amena" tsara tahaka ny sasany amin'izy ireo, fantatrareo, noho izany dia tsy hanelingelina antsika mihitsy izany. Hanolotra azy ho an'ny Tompo isika.

Heveriko fa tena mamy tokoa, ny manana mpivady tanora iray, izay nametrahan'Andriamanitra zaza kely anankiray tahaka an'ity ho eo amin'ny fikarakarany, ka tonga hanome azy ho an'ny Tompo. Ary rehefa manao an'izany ianareo, dia izany no maneho fa ianareo dia tsy...fa ianareo dia mamerina amin'Andriamanitra izay nomen'Andriamanitra anareo. Andriamanitra hitahy azy.

Ankehitriny, raha hihazona azy ianareo, mino aho fa ilay reny no afaka hihazona azy tsaratsara kely kokoa noho izaho. Ary ahoana isika raha hametraka fotsiny ny tnantsika eo aminy? Ianareo ve no tokony hanao an'izany? Satria, matahotra aho sao hanjera azy, tsy hoe hanjera azy, fa ny hamolaka azy na zavatra hafa, fantatrareo. Ary izaho dia matahotra foana ny hamolaka azy ireny, fantatrareo. Ny—ny...

Meda no nilaza, iry aoriana iry... Heveriko fa izao no asa anankiray eto amin'ny lampihazo izay somary itsiriritany ahy, fantatrareo. Izy te-hihazona an'ilay...

Eny, jereo aty, hijery ahy izy. Zaza tsara anankiray izy. Eny, tomoko. Angamba ho vitako ny hihazona azy. Manontany tena aho. Oh, ranabavy, aza... Antenaiko fa tsy ho lavo izy. Eto, tsy mahafatifaty ve ilay izy? Mahafatifaty ilay izy? Manao ahoana ianao? Eny, ankehitriny, mamy.

Ndao isika hanondrika ny lohantsika.

Tompo Jesosy, taona maro lasa izay, rehefa teraka tao amin'ny endrika Lehilahy iray antsoina hoe Kristy ny Kristianisma, ilay Mesia voahosotra, Jesosy no Anarany. Nitondra an'ireo zanany kely teo Aminy ny olona, mba Hahafahany mametraka ny Tnany teo amin'izy ireo ary mitso-drano azy ireo. Dia hoy Izy hoe, "Avelao ny ankizy madinika hanatona Ahy, ary aza rarna izy ireo, fa an'ny toa azy ny

Fanjakan'ny Lanitra.” Ity mpivady kely mahafatifaty ity, ireo raibe sy renibenay ary izy ireo dia mpanaraka mahatoky ny Teny.

Tompo Jesosy, mitondra aho, ary manolotra ho Anao, izao hariva izao, izaho sy ny pasitera, an’ity David Jonathan West kely mahafatifaty ity. Omeko Anao izy, avy amin’ny reniny sy ny dadany. Atolotro Anao izy, Tompo, hahazo fahasalamana, tanjaka, andro lava ho an’ny asa, hanome voninahitra an’Andriamanitra Tsitoha, Izay nitondra azy tao amin’ity izao tontolo izao ity. Enga anie ireo fitahian’Andriamanitra hitoetra eo aminy. Enga anie ny Fanahy Masina hitoetra eo amin’ilay zaza. Raha mbola misy ny ampitso anankiray, enga anie izy hitondra ny Filazantsara izay ankamamian’ireo raiamandreniny sy ireo raibe sy renibenay amin’izao andro izao. Ekeo izany, Tompo. Ankehitriny, amin’ny Anaran’i Jesosy Kristy, no anolorako Anao an’ity zaza ity, ao amin’ny fanolorana anankiray ho an’ny fiainany. Amena.

Mino aho fa te-haka sary an’ilay zaza kely izy ireo. [Nipika ny fakan-tsary iray—Mpand.] Izaho dia nitroatra, ihany koa.

Andriamanitra hitahy anao, ranabavy. Enga anie ianareo tena hitia sy hankamamy ny Tompo Jesosy, ary ilay zaza kely ho voataiza ao amin’ny fananaran’Andriamanitra, ka hanana zazalahy kely mahafinaritra. Azoko antoka. Homba anareo anie Andriamanitra.

Mino aho fa nalatsany ilay fitsentsefana keliny? Hitan’izy ireo ve ilay izy? Oh, oadray!

Ankehitriny ndao isika hihira an’ilay hira kely hoe, *Ento Izy Ireo*. Ny rehetra, miaraka ankehitriny, ho an’ilay zaza kely. Eny àry, ranabavy.

Ento izy ireo, ento izy ireo,  
Ento eo amin’i Jesosy ireo zazakely.

<sup>20</sup> Tsy mahafantatra tànana tsaratsara kokoa hametrahana azy ireo aho. Ary ianareo? Ireo tànan’ny Tompo Jesosy!

<sup>21</sup> Ankehitriny, fantattro fa mafana ery. Te-hiteny amin’ny mpiandraikitra aho, ny rahalahiko, Doc, na ny hafa, mba hikarakara an’izany. Ny sasany amin’ireo anabavy dia lasa naloto ny zipony tamin’ilay—tamin’ilay menaka izay eo amin’ny seza. Firy no manana an’izany eo amin’izy ireo? Fantattro, fa ao ny vadiko, ny zanakovavy anankiroa, Betty Collins kely, Rtoa. Beeler, ny sasany amin’izy ireo. Ilay izy dia zavatra anankiray, menaka eo amboniny eo. Raha mba afaka mijery an’ilay izy ianao, Doc, raha vitanao. Ilay izy dia, mino aho, ilay izy dia eo amin’izay... Ilay izy dia menaka na loko, na zavatra iray, eo amin’izay niasan’izy ireo miakatra sy midina mihitsy, ireo seza. Ary sa tsy izany? [Hoy Rahalahy Edgar “Doc” Branham hoe, “Tsy misy menaka eo amin’izy ireo, mba ho esorina.”—Mpand.] Eny, izaho—izaho tsy mahafantatra hoe inona ilay izy, raha izany. Zavatra anankiray izay izaho fotsiny... Izay notenenina

tamiko, dia nilaza aho fa hoteneniko ilay izy amin'i—amin'i Doc. Eny àry.

Ankehitriny, amin'ny Alarobia hariva favoriam-bavaka. Misy hafa ve? Efa nolazainareo? Efa nanao ny filazanao ianao, Rahalahy Neville? Vita ny filazana rehetra.

<sup>22</sup> Ankehitriny, raha sitraky ny Tompo, amin'ny Alahady maraina manaraka, dia te-hiresaka aho ny amin'ny lohahevitra mikasika ny fiampangana an'ity taranaka ity noho ny fanomboana an'i Kristy. Hoy ianareeo hoe, “Tsy nahavita an'izany ity taranaka ity.” Ho hitantsika raha nahavita izy, na tsia, araka ny Teny. Ankehitriny, amin'ny Alahady maraina manaraka, raha sitraky ny Tompo. Raha, ankehitriny, raha—raha—raha misy zavatra mitranga . . .

<sup>23</sup> Izaho dia tokony ho any Houston amin'io herinandro io, ihany koa, ao amin'ny fihaonam-be anankiray, ary izany dia hitazona ahy hatramin'ny Alahady, noho izany dia tsy fantattro na ho afaka aho na tsia. Fa mbola manana Alahady maro isika hanararaotana, mialohan'izany, na izany aza. Avy eo dia handeha ho any Chicago izahay ho an'ny fihaonam-be, na favoriana any Chicago, ny herinandro farany amin'ity volana ity. Ary avy eo dia tsy maintsy hitondra ny fianakaviana hiverina any Arizona aho, satria—satria tapitra ny fialan-tsasatr'izy ireo ka tsy maintsy hiverina any an-tsekoly ireo ankizy.

<sup>24</sup> Ankehitriny, firy no faly tamin'ny famakiana ny Teny, sy ireo fitahian'ny Tompo? [Hoy ny fiangonana hoe, “Amena.”—Mpand.] Isika rehefa dia faly, tena betsaka tokoa.

<sup>25</sup> Ankehitriny, mafana ny andro, ary fantattro fa ny sasamy aminareo dia hiverina hody any an-trano izao hariva izao. Fantattro fa Rahalahy Rodney sy Charlie, ary ny sisa, dia tsy maintsy hamily fiara amin'ny lâlan-davitra. Ary andraso iray minitra, eo am-pialan-tsasatra ianareo, sa tsy izany? Eny, reko fa handeha hanjono ianareo.

“Ny Tompo dia tsy mametra fotoana ho an’ny lehilahy anankiray rehefa manjono izy. Tsy ho antitra mihitsy ianareo raha manjono.” Noho izany, ankehitriny, ianareo zazavavy ireo mandehana miaraka amin'izy ireo. Hitanareo? Ary ho avy aho dia hiaraka aminareo, raha vitako. Ary fantatrateo, “Ilay Tompo tsara,” hoy izy ireo, “dia tsy mametra fotoana ho an’ny lehilahy anankiray rehefa manjono any izy.” Manaova betsaka an'izany rehefa ianareo—rehefa ianareo mahatsapa iny fa voakorontana tanteraka ianareo. Izany no zavatra tsara indrindra hakana aina, izay hany hitako teo amin'ny fiainako, dia ny mandeha manjono.

<sup>26</sup> Nahazo karatra kely anankiray aho, indray mandeha, avy tamin'Atoa. Troutman. Ary misy olona mba mahatadidy an'Atoa. Troutman ve, ilay orin'asa mpanao gilasy any New Albany? Manana karatra kely izy izay eo amboninny dia misy, manao hoe, “Any am-panjonoana.” Ary nanohy, manao hoe, “Ny lehilahy

iray izay manana... Ny lehilahy rehetra, ireo rahalahiny, any am-panjonoana. Miaraka amin'ny t  nana anankiray manampy, ho vonona foana izy ireo, any am-panjonoana." Nanana zavatra teo amin'ny valo na folo samihafa teo izy ireo. Avy eo rehefa tonga teo amin'ilay farany, dia nanao hoe, "Ny olona dia akaiky kokoa an'Andriamanitra rehefa any am-panjonoana izy." Noho izany dia heveriko fa toa marina izany. "Ny manan-karena sy ny mahantre dia mitovy, any am-panjonoana." Hitanareo? "T  nana anankiray manampy, vonona foana izy, any am-panjonoana." Ary ny zavatra rehetra dia saiky, "Any am-panjonoana."

<sup>27</sup> Eny, hilaza aminareo fanjonoana hafa anankiray izay nataoko nandritr'ireo telo amby telopolo taona farany aho, dia nanjono an'ireo fanahin'ny olona. Enga anie ny Tompo hanampy antsika mba hahazo ny tsirairay izay mety ho hitantsika.

<sup>28</sup> Ankehitriny, izao hariva izao, raisim-peo izao. Ankehitriny, izao maraina izao, (raha eto i Jim, na mandray feo), izaho—izaho dia mieritreritra, ny amin'ny horonam-peo, nisy olona izay nisarika ny fifantohako ny amin'izany, hoy aho hoe, "Ny fifindrana faharoa." Tsy *faharoa* no tiako nolazaina. Ilay izy dia, "Fifindrana fahatelo."

Ilay Fanahy Masina izay tao amin'ny endrika Andry Afo, Andriamanitra nidina tao amin'ny fanehoana, no nitondra ny fifindrana voalohany, ary—ary ao amin'ny... nitondra ny Isiraela nivoaka avy tao Egypta.

Ny fifindrana faharoa dia Kristy nitondra ny Fianganana nivoaka avy tao amin'ny Jodaismma.

Ary, *Ny Fifindrana Fahatelo*, dia rehefa ilay Andry Afo io ihany no maka ny Ampakarina avy ao amin'ny fianganana. Hitanareo? Mivoaka avy ao amin'ilay ara-nofo; mivoaka avy ao amin'ilay ara-panahy; ary ilay Ara-panahy mivoaka avy ao amin'ilay ara-panahy. Ireo anankitelo, hitanareo, ilay Ara-panahy mivoaka avy ao amin'ny fianganana, raha ny marina. Dia manana an'ireo anankitelo isika, ireo taona anankitelo an'izany.

<sup>29</sup> Ankehitriny, izao hariva izao, dia namiry aho ny hanao horonam-peo hafa anankiray, ary izany dia nantsoina hoe: *Mendrika Ny Filazantsara Ve Ny Fiainanareo?* Angamba mety tsy dia ho lava loatra. Eny, Soratra vitsivitsy fotsiny sy naoty no ananako eto, saingy tiantsika aloha ny hamaky ny Tenin'Andriamanitra. Alohan'ny hanaovantsika an'izany, dia hanondrika fotsiny ny fontsika ho Azy isika vetivety fotsiny.

<sup>30</sup> Tompo Jesosy, ny lehilahy rehetra, ara-batana, na vehivavy, na ankizy, dia afaka mamadibadika an'ireo pejin'ity Baiboly ity, fa tsy misy anankiray izay afaka manambara Azy afatsy Ianao. Mivavaka aho, Tompo, amin'ny fandraisana an'ity lahatsoratra ity araka ny nametrahana azy tao am-poko mba halefa manerana ny firenena, ho an'ireo olona, mba hahafantaran'izy ireo hoe karazana fiainana inona no takiana

amin'izy ireo mba hiainana. Fa, maro no nanontany ahy hoe, "Ny Fiainana Kristiana ve dia fiainana iray ho an'ny asam-piagonana? Fanampiana ny mahantra ve izany, ireo mila zavatra? Sa mambra maharitra anankiray izany? Fifikirana mahatoky amin'ny fiagonana ve izany?" ary fanontaniana tahaka an'izany. Ray, enga anie ho tonga ilay valiny marina izao hariva izao, amin'ny alàlan'ireto teny ireto, raha manao fiezahana iray izahay mba—mba hitondra azy ireo ho an'ny olona. Amin'ny Anaran'i Jesosy Kristy, no angatahanay an'izany. Amena.

<sup>31</sup> Ankehitriny avadiho ny Baibolinareo, ao amin'ny Bokin'i Masindahy Lioka, ary hanomboka eo amin'ny toko faha-14 isika ary ny andininy faha-16, hamaky Soratra vitsivitsy ho an'ny fototra anankiray, ho an'ny lamban-tsary anankiray, ho an'ity izay ho ezahantsika tsinjaraina mandritry ny telopolo na efapolo minitra ity. Ankehitriny, ny andininy faha-16 an'ny toko faha-14 an'i Masindahy Lioka.

*Fa hoy izy taminy, Nisy olona anankiray nanao fanasana lehibe, ka nanasa olona maro:*

*Ary naniraka an'ireo mpanompony izy tamin'ny fotoana fisakafoana hilaza amin'ireo izay efa nasaina hoe, Avia; fa—fa efa vonona ny zavatra rehetra ankehitriny.*

*Fa izy rehetra dia nitovy saina mba hanao fialana. Hoy ny voalohany taminy, izaho...efa nividy tany, ary tsy maintsy mila mandeha aho mba hijery azy: miangavy anao aho ekeo ny fandavako.*

*Ary hoy ny anankiray hoe, efa nividy omby dimy aho, ka handeha hamantatra azy ireo: miangavy anao aho ekeo ny fandavako.*

*...ny anankiray hoe, efa nampaka-bady aho, ...noho izay dia tsy afaka mankany aho.*

*Koa tonga ilay mpanompo, ary naneho tamin'ny tompony an'izany zavatra rehetra izany. Koa dia tezitra ny tompon-trano ka nanao tamin'ilay mpanompony hoe,...*

Mariho, ilay izy tsy hoe ireo mpanompo. "Ilay mpanompo."

*...Mandehana haingana ho eny amin'ny lalambe sy sakeli-dàlana, ary ireo tanàna, ka ampidiro ny malahelo, sy ny kilemaina, sy ny mandringa, ary ny jamba.*

*Ary hoy ilay mpanompo hoe, Tompo, efa natao izany araka ny efa nandidianao, ary mbola misy efitra.*

*...hoy ny tombo tamin'ilay mpanompo hoe, Mandehana ho eny amin'ny arabe sy ny sisim-boly, ka tereo izy ireo hiditra, mba ho feno ny tranoko.*

*Fa lazaiko aminareo, Fa tsy hisy na dia anankiray amin'ireo olona izay nasaina ireo aza hanandrana ny sakafoko.*

<sup>32</sup> Ankehitriny, efa voamarikareo ve, fa nisy sintona anankitelo teo, na fihodinana anankitelo, an'izany? Rehefa nivoaka izy ireo, voalohany, ka niantso an'ireo izay tao...na ireo izay nasaina ho tonga, nefo tsy nanao an'izany izy ireo. Noho izany dia nivoaka ny asam-pitoriana anankiray ho an'ny fanasitranana, nivoaka mba hahazo an'ilay jamba sy mandringa. Nefa dia mbola nisy efitra foana, noho izany dia nivoaka izy ary nanery an'ireo tsara, ratsy, ary nihatakataka; hidiran'izy ireo.

<sup>33</sup> Ankehitriny, mamaky fanoharana anankiray ny amin'izany ianareo, zavatra anankiray milahatra amin'izany, ao amin'ny Matio 22:1 hatramin'ny 10, raha tianareo ny hamaky an'izany, rehefa avy eo. Fa izaho—izaho dia nisintonia an'ity lohahevitra ity avy tao: *Mendrika Ny Filazantsara Ve Ny Fiainanareo?*

<sup>34</sup> Ankehitriny, Jesosy eto no milaza...Ny olona dia miezaka foana manao fialana, tsy handraisana ny Tenin'Andriamanitra ho Fanasany. Na dia efa nopofoina mafy tamin'izy ireo aza izany, hoe izany no—izany no Sakafony sy Fanasany, fa ny olona dia manao fialana tsy mitsahatra. Ary raha mamaky an'i Masindahy Matio 22 ianareo, dia hahita ianareo fa ireo fialana dia natao teo, ihany koa. Ary—ary miezaka izy ireo...

<sup>35</sup> Niverina tao amin'ireo taona rehetra izany. Niverina tao amin'ny taona, nilaza fa lehilahy iray no manasa azy ireo, ary—ary nanana tanim-boaloboka anankiray. Ary hitantsika izany fanoharana izany. Ary hoe ahoana no nanirahany an'ireo mpanompony hanangona avy ao amin'io tanim-boaloboka io. Tonga ny mpanompo voalohany, inona no nataon'izy ireo? Noroahan'izy ireo izy. Tonga ny mpanompo manaraka, notorahan'izy ireo vato koa izy. Ary noroahan'izy ireo ny mpanompo tsirairay; ireo lehilahy tsy mifaditrovana. Ilay mpanjaka no naniraka, farany, ny zanany. Ary rehefa tonga ilay zanany, dia hitantsika, fa, "Hoy izy ireo hoe, 'Ity no mpandova. Hovonointsika izy, dia isika no banana ny zavatra rehetra.'" Avy eo dia hoy Jesosy tamin'izy ireo hoe, "Ilay mpanjaka dia naniraka ary nandripaka an'ireo mpamono olona ireo, sy nandoro ny tananany."

<sup>36</sup> Ankehitriny, hitantsika, fa rehefa manome fanasana iray ho an'ny olona anankiray Andriamanitra, sy hanao zavatra, na handray an'ilay fanasana izay Nomeny azy, ka nolaviny izany, dia tsy misy na inona na inona tavela intsony, rehefa avy nahifikifika ny famindram-po, afa-tsy ny fitsarana. Rehefa mihoatra an'ireo fetran'ny famindram-po ianareo, dia zavatra anankiray ihany sisa no tavela, ary izany dia ny fitsarana. Ary hitantsika fa izany no nataon'io lehilahy io tao amin'ny taona

rehetra. Izany dia niseho, saiky isaky ny taona tsirairay, ao amin'ny Baiboly.

<sup>37</sup> Rehefa naniraka an'i Noa Andriamanitra, ilay Mpanompony, dia nanao lâlana iray ivoahana ho an'ny olona izay maniry ny—ny ho vonjena. Saingy ny olona dia nihamohy fotsiny sy namingavinga an'i Noa. Fa Andriamanitra nanao ny lâlana, saingy izy ireo nanao fialana. Ilay izy dia tsy nifanaraka tamin'ilay—tamin'ilay fisainana moderiny. Ilay izy tsy... Tsy izany ilay fomba ilân'izy ireo azy, noho izany dia nanao fialana izy ireo tamin'ny andron'i Noa.

<sup>38</sup> Nanao fialana izy ireo tamin'ny andron'i Mosesy. Nanao fialana izy ireo tamin'ny andron'i Elia. Nanao fialana izy ireo tamin'ny andron'i Kristy. Ary manao fialana izy ireo amin'izao andro izao.

<sup>39</sup> Ankehitriny, Izy no miresaka mivantana amin'Isiraely, ireo izay nantsoina ho amin'ilay fanasana, izay tiako hampiarina ihany koa amin'ireo olona amin'izao andro izao, ny fiangonana, izay nasaina ho tonga ao amin'ilay fanasana, nefo tsy nanao an'ilay izy, ilay fanasana ara-panahy an'ny Tompo. Nefo tsy nataon'izy ireo ilay izy. Tsy tian'izy ireo ny hanao an'ilay izy. Nanana zavatra hafa hatao izy ireo. Nahita fialana izy ireo.

<sup>40</sup> Ankehitriny, raha Isiraely, roa arivo taona lasa izay, no nanaiky an'ilay fanasana izay nomena azy ireo, dia tsy tahaka an'izay naha-izy azy izy ireo amin'izao andro izao. Roa arivo taona lasa izay, no nandavan'Isiraely an'ilay fanasana ho tonga ao amin'ilay sakafon'ny mpanambady, fa nolaviny ilay izy ary niditra tao amin'ny fitsarana. Fa, araka ny nolazain'i Jesosy, notorahan'izy ireo vato sy novonoiny ireo mpaminany izay nirahina ho azy ireo, tamin'ny alàlan'ny fanaovana fialana, ankehitriny, ireo fialana izay ataon'izy ireo isan'andro.

<sup>41</sup> Hitantsika, tamin'ny andron'i Jesosy, fa Izy dia tsy—Izy dia tsy nifandray tamin'ny anankiray tamin'izy ireo. Hoy izy ireo hoe, "Oviana no nahazoan'ity Lehilahy ity an'izany fahalalana izany? Avy tamin'ny sekoly inona Izy? Tsy Ity ve no Zanak'ilay mpandrafitra? Tsy Maria ve no iantsoana ny Reniny? Tsy Rahalahiny ve, Josesy sy Jakoba, sy ny sisa? Ary tsy eto amintsika ve ireo Anabaviny? Koa taiza no nahazoan'ity Lehilahy ity an'izany fahefana izany hanaovana an'io?" Hitanareo? Amin'ny teny hafa dia hoe, tsy nifandray tamin'izy ireo Izy. Noho izany dia hoy izy ireo hoe, "Belzeboba Izy. Samaritana Izy. Manana devoly Izy, ary adala Izy. Izy dia—Izy dia... Izy dia Lehilahy iray izay manana fanahy ratsy, izay niaraka tamin'ny fivavahana, ka nitarika Azy ho lasa adala. Izany ilay izy. Eo Izy tahaka ny olon-dia anankiray. Aza miraharaha Azy mihitsy." Ary fantatsika izay nitranga tamin'Isiraely. Ary nikiakiaka izy ireo. Tena nanana antoka tanteraka izy ireo fa diso io Lehilahy io, hany ka, oh, rehefa nanameloka Azy izy ireo, hoy izy hoe—hoy

izy hoe, "Aoka ny Ràny ho aminay sy ny zanakay." Ary teo Izany nanomboka tamin'io.

<sup>42</sup> Niezaka ny niteny tamin'izy ireo Jesosy hoe ireo fialan'izy ireo no namono an'ireo mpaminany, sy namono an'ireo marina izay tonga. Ireo fanekem-pinoana izay nomen'ireo olona azy ireo no nekeny, raha tokony nandray ny Tenin'Andriamanitra. Ary, tamin'ny fanaovana an'izany, dia nanao ny Tenin'Andriamanitra ho tsy misy fiantraikany.

<sup>43</sup> Ankehitriny, na ianareo tsy maintsy miteny, ao amin'ity, hoe *Ity* no sitrapon'Andriamanitra sy fanirian'Andriamanitra, na zavatra anankiray hafa izay azonareo aseho, izay tsaratsara kokoa noho Ity. Ankehitriny, tsy maintsy maka ny anankiray ianareo na ilay iray hafa. Tsy afaka manompo an'Andriamanitra sy mamôna ianareo. Ary tsy maintsy miteny ianareo hoe, "Ity no Fahamarinana," na "Izany no ampanahany Fahamarinana," na "Tsy ny Fahamarinana rehetra Izany," na "Tsy voatambatra miaraka tsara Izany," na "Tsy voadika tsara Izany."

Ary ny Baiboly no milaza, hoe, "Ny Tenin'Andriamanitra dia tsy fandikana manokana." Tsy misy olon-kafa natao hametraka fandikana anankiray eo Aminy, Izy dia nosoratana mihitsy tamin'ny fomba izay itiavan'Andriamanitra nandikana Azy. Izay Lazainy fotsiny hoe, Izao, dia izay no natao haha-izy azy. Raiso fotsiny Izy amin'ny fomba izay nilazana Azy, ny fomba izay nanoratana Azy Eto.

<sup>44</sup> Ankehitriny, ny fanekem-pinoan'izy ireo no nekeny. Nataon'izy ireo tsy nisy fiantraikany taminy ireo teny fikasan'Andriamanitra. Nandalovan'izy ireo Izany. Nialan'izy ireo lavitra Izany.

<sup>45</sup> Ankehitriny, raha nanaiky an'ireo Fitahiana pentekotista i Rosia, dimy amby fitopolo taona lasa izay, rehefa nirotsaka tao Rosia ny Fanahy Masina, dia tsy ho kaominista izy ireo amin'izao andro izao. Ankehitriny, dimy amby fitopolo taona lasa izay, dia nanana fifohazana lehibe anankiray izy ireo tao Rosia. Tonga teo anivon'izy ireo Andriamanitra, ary nanana fifohazana lehibe izy ireo, hatrany Siberia. Fa inona no nataon'izy ireo? Nolavin'izy ireo Izany. Ary amin'izao andro izao, dia vita ilay firenena, ary ireo fiangonana dia tsy afaka manana fiangonana, raha tsy mahazo alâlana ihany. Ary voaheloka ao amin'ny fitsarana izy ireo. Nifatratra tao amin'io faharomotan'ny kaominisma io; nivaro-tena ho an'ny devoly.

<sup>46</sup> Dimampolo taona lasa izay, dia nirotsaka tao Angleterre ny Fanahy Masina. Taorian'izay indrindra dia tonga i George Jeffreys, sy F.F. Bosworth, sy Charles Price, Smith Wigglesworth, ireo mpiadin'ny finoana lehibe, dimampolo taona lasa izay, ary nanolotra ny fifohazan'ny Fanahy Masina ho an'i Angleterre. Fa inona no nataon'izy ireo? Nesoiny izy ireo, nampidirin'izy ireo tany am-ponja, niantso azy ireo hoe lasa adala, nihevitra fa very

saina izy ireo. Tsy navelan'ny fiangonana hihaino azy ireo ny olona. Fa nanasitrana ny marary izy ireo, ary nandroaka devoly, sy nanao asa lehibe. Ary satria io Angleterre io, amin'ny maha-firenena iray azy, dia nandà ny Filazantsara, ny—ny fahotany dia fantatra nanerana an'izao tontolo rehetra izao. Saiky tsy nisy fi—firenena tena nihemotra teto amin'izao tontolo rehetra izao, na dia ampidirina aza i Roma sy Frantsa, noho i Angleterre. Izy no renin'ny fihemorana. Teo amin'ilay nisy an'i Finney sy ny maro tamin'ireo lehilahy mahery nitory teny mihitsy, tao amin'ny—ny Haymarket, ary Charles G. Finney, sy Wesley, sy ny sisa, nefà dia nihodinan Izany.

<sup>47</sup> Ary ankehitriny, tamin'ny herinandro lasa aza, na roa, tao amin'ny gazety, dia hitanareo fa ireo lehilahy maheriny aza dia lasa tena nalemy teo amin'ny—teo amin'ny taovampananahan'ny vehivavy, hany ka tafiditra ireo mpitsikilo. Ary mbola maro tamin'izy ireo no hitan'ireo lehibeny. Ireo magazina no nanaparitaka an'izany. Ireo fahotan'izy ireo mahamenatra, ao amin'ny governemant'an'izy ireo mihitsy, no nanely ny anaranana fahafaham-barakan'izy ireo nanerana an'izao tontolo izao. Nahoana? Nandà ny Fahamarinana izy. Nanao ny fialany izy, ary vita izy. Voafafa tanteraka Angleterre, amin'Andriamanitra, efa ela izay. Raha . . .

<sup>48</sup> Amerika, dimy ambin'ny folo taona lasa izay, rehefa nitohy avy tao amin'ny pentekosta ilay fifohazana lehibe an'ny fanasitrana, namakivaky an'ilay firenena, ary nisy fifohazana iray tao amin'ilay renivohitra, Washington, DC. Ireo filoha, filoha-lefitra, olona malaza, governora; nisy zavatra lehibe niseho, ireo governora sy—sy ireo olona dia sitrana. Ohatra, ilay lehilahy Kongresista Upshaw izay kilemaina iray nandrity—nandrity ny enina amby enimpolo taona, nefà dia afaka manatodika ny tarehiny izy ireo milaza fa tsy izany ilay izy. Tena teo anoloan'izy ireo mihitsy izany, saingy nihodinan'izy ireo Izany.

<sup>49</sup> Ary, izao hariva izao, izany no antony mahatonga an'ity firenena ity mijanona. Voaheloka izy. Tsy misy fanantenana ho azy, mihitsy. Niampita an'ilay tsipika eo anelanelan'ny fitsarana sy ny famindram-po izy. Ary nifidy an'ilay ananany eto izy, mba hifehy ny firenena. Ary lo izy, hatrany amin'ny tsoka. Lo ireo politikany. Ireo fitondran-tenany dia ambany noho ny zavatra izay azoko eritreretina. Ary ny rafi-pivavahany dia lo noho ny fitondran-tena. Izy dia lasa, eo am-panaovana an'izany, izy dia nampikambana ny tenany ankehitriny, ireo fiangonana rehetra ireo, sy eran'ny firenena, ao amin'ilay fiombonamben'ny fiangonana, ary nandray ny mariky ny bibi-dia. Zavatra toy ny ahoana! Nahoana? Nanome azy ireo an'ilay fanararaotra Kristy hoe, “Tongava ao amin'ilay Fanasako,” ilay fanasan'ny pentekosta, izay midika hoe “dimampolo.”

<sup>50</sup> Rehefa nararaka tao Rosia ny Fanahy Masina, dia nantsoina ho an'ny fanasan'ny pentekosta izy ireo, fanasana ara-panahy, nefà dia nihodinan'izy ireo Izany. Angleterre, niraraka teo amin'izy ireo ny Fanahy Masina, nefà dia nihodinan'izy ireo Izany. Amerika, niraraka teo amin'izy ireo ny Fanahy Masina, nefà dia nihodinan'izy ireo Izany.

<sup>51</sup> Nanasa in-telo Izy. In-telo, no naniraka Izy, nefà tsy nohenoin'izy ireo ilay fanasana. Ayy eo dia naniraka indray Izy, ka hoy Izy hoe, "Mandehana ary tereo ireo olona ireo ho avy. Tsy maintsy ho velarina ilay latababtra. Vonona ilay latababtra. Mbola nisy efitra foana." Ary mino aho, fa, angamba, angamba ao anatin'ny volana vitsy manaraka, na zavatra tahaka an'izany, na taona iray, na inona ilay izy na inona, dia handefa fanairana anankiray hafa manerana ny firenena Andriamanitra, satria mbola misy olona any ivelany any, any ho any, izay Voa iray voafidy mialoha, izay tsy maintsy hilatsahan'io Hazavana io, any ho any, any ho any amin'izao tontolo izao. Ilay firenena, izy tenany, no vita.

<sup>52</sup> Nijery tao amin'ny *Life* magazine an'ity herinandro ity aho; tany, eny, tany Little Rock, indray andro, na, raha ny marina, Hot Springs. Ary tao no nahitako, mino aho fa governoran'ny firenen'i New York ilay izy, niaraka tamin'ny karazana mpampiseho vatana iray tany Honolulu, nandihy niaraka taminy. Ankehitriny... Ary teo, teo ambanin'izany, dia nisy lehilahy malaza iray. Oh, henatra toy ny ahoana! Jereo ny firenentsika amin'izao andro izao. Jereo ny toeran'ny—ny firenentsika. Jereo hoe lasa aiza izy, toy ny inona ny filentehany moramora.

<sup>53</sup> Jereo ireo rafitra ara-pivavahana antsika amin'izao andro izao. Ahoana no nahatonga an'ireo fiangonana tafiditra ao amin'ilay toerana izay misy azy ireo ankehitriny? Izany dia satria nanary sy nandà an'ilay Hafatr'Andriamanitra izy ireo, ilay fanasana mba ho tonga ao amin'ilay sakafô. Afaka miantsvo ve ianareo hoe fiainana iray tahaka an'izany dia mendrika ny Filazantsara? Afaka miantsvo ve ianareo hoe fiainana iray, ny mametraka sy mamela an'ireo—an'ireo olony hanao an'ireo zavatra ireo, hifoka sigara?

<sup>54</sup> Indray andro, teto, fiangonana anankiray, vondrontarika kely anankiray no nilalao tao amin'ny saha, ary ny zanaka lahin'ny zaodahiko no mpanipy ho an'ny anankiray amin'ireo tarika. Ary noho izany dia tao izy nanipy, ary nisy vondrom-piangonana iray nilalao. Ary teo ilay pasitera, niaraka tamin'ireo tanora kely teo ireo tao amin'ilay toerana, nilalao. Ary nifoka sigara tsy nitsahatra ilay pasitera, avy amin'ny fiangonana iray tena akaikintsika eto mihitsy. Ary azonareo eritreretina ve ny lehilahy iray... Fa na dia ny olona nipetraka teo amin'ilay mpanatrika aza dia nahatsikaritra an'ilay izy.

Saingy tonga teo amin'izay tsy niraharahan'izy ireo an'ilay izy intsony izany.

<sup>55</sup> Fianganana malaza iray, fianganana Batista iray, izay fantattro, no mamela ny fianganana hivoaka avy ao amin'ny sekoly Alahady, mihoatra ny dimy ambin'ny folo minitira, mba hahafahan'ilay pasitera sy izy rehetra mijoro any ivelany sy mifoka, alohan'ny hiverenan'izy ireo amin'ilay andraikiry ny Tompo. John Smith, ny mpanorina an'ilay fianganana, dia nivavaka mafy, mba handefasan'Andriamanitra fifohazana iray, mandra-pahatongan'ireo masonry mivonto hikimpy ny alina, ka ny vadiny no tsy maintsy nitarika azy teo amin'ny latabatra ary namahana azy niaraka tamin'ny sotro iray. Raha... Hivoaka avy ao amin'ny fasana io lehilahy io raha fantany fa tonga teo amin'izany toerana izany ilay fianganana. Inona izany? Nasaina ho tonga izy ireo, fa nihodinany izany. Izay ihany ilay zavatra. Ary tsarovinareo, hoy Jesosy, eto, hoe, "Ireo izay nasaina, ka nihodina tamin'izany, dia tsy hanandrana ny Sakafony."

<sup>56</sup> Rehefa maniraka ny Fanahy Masina Andriamanitra ka mandondona eo am-baravararan'ny olona iray, ary minia mihodina amin'Izany izy, indray andro any dia hihodina amin'Izany amin'ny fotoany farany izy, ary amin'izay fotoana izay dia tsy ho toe-panahy iray nahazo tombontsoa ianareo. Afaka mipetraka ao amin'ny fianganana iray ianareo sy mihaino ny Filazantsara, ary manaiky ny Filazantsara. Afaka miteny betsaka mihitsy aza ianareo hoe, "Fantattro fa marina Izany," saingy tsy mametraka rantsan-tànana iray mihitsy eo amin'Izany, hanampy an'Izany, ny tenanareo. Hitanareo? Mihaino an'Izany fotsiny ianareo, satria hoy ianareo hoe, "Mino aho fa marina Izany." Izany no atao hoe mangora-po fotsiny amin'ilay Izzy.

Afaka miteny aho hoe, "Mino aho fa *ity dia* iray alina dolara." Tsy midika izany fa hoe ananako ilay izy. Hitanareo? Afaka miteny aho hoe, "*Ity dia* rano mangatsiaka tsara," nefà mandà ny hisotro an'ilay izy. Fantatrareo ve izay tiako ho lazaina?

Ary *ity* no Fiainana Mandrakizay. Fa ny mandà ny hanao an'ilay izy, indray andro any ianareo dia hiampita an'ilay tsipika manelanelana ny fitsarana sy ny famindram-po, ary amin'izay fotoana izay dia tsy hahazo an'ilay tombontsoa ho avy sy handray Azy ianareo.

<sup>57</sup> Ho anareo olona izay tonga eto. Izaho tsy tompon'andraikitra ho an'ireo izay...na—na izay iresahan'ireo mpitoriteny hafa. Fa, raha marina Izany, atolotrareo ho an'Izany ny fiainanareo. Inona moa no mbola mety ho hitanareo, izay mety ho tombony betsaka ho anareo, ankoatry ny mahafantatra fa afaka mahazo ny Fiainana Mandrakizay ianareo?

<sup>58</sup> Ahoana moa raha mizara pilina aminareo aho eto, izay, voaporofa ara-tsiansa, voaporofa ara-tsiansa fa io pilina io dia hanao anareo ho velona arivo taona? Eny, izaho—izaho dia tsy maintsy haka milisy anankiray eto, ka handroaka azy ireo avy eo amin'ilay toerana. Tsy hila ny hanao antso iray eny amin'ny alitara ianareo ho an'izany. Mila mikapoka azy ireo fotsiny ianareo hiala amin'ilay izy, mba ho velona arivo taona.

Ary, kanefa, voaporofa ara-tsiansa fa ilay Andriamanitra Mandrakizay, ny Herin'ny Fitsangananay rehetra, no mampanantena anareo Fiaianana Mandrakizay, ka hametraka an'ireo legionary eo i Satana ka handroaka anareo hiala amin'Izany. Hitanareo? Kanefa, afaka mijery ianareo, ary manan-tsaina tsara mijery an'Izany mifanatrika ka mahita fa marina Izany, nefo avy eo dia mihodina amin'Izany. Hitanareo?

<sup>59</sup> Zavatra anankiray, karazana fialana iray. "Mafana loatra ny andro. Reraka loatra aho. Hanao aho, rahampitso." Karazana fialana iray fotsiny, dia izay ihany no ataon'izy ireo. Noho ny nandavana an'ilay andron'ny famangiana, dia izany no mampisaraka anareo amin'Andriamanitra.

<sup>60</sup> Ankehitriny, mahamarika isika. Ary, ao amin'ny Testamenta Taloha, dia nanana an'ilay nantsoin'izy ireo hoe taon-jaobily izy ireo. Izany dia rehefa ny olona rehetra, izay andevo, no ho afaka rehefa tsofina ny jobily. Ary amin'izay fotoana izay raha tsy nivoaka ny olona iray, raha nisy fialana iray izay azony nomena, hoe tsy te-hiverina any amin'ny taniny izy, amin'izay fotoana izay dia tsy maintsy asiana marika izy eo amin'ny sofina, amin'ny haolo iray, eo amin'ny andrin'ny tempoly. Ary amin'izay fotoana izay tsy mampaninona na firy na firy izay jobily ho tonga, io olona io dia efa namidy. Tsy afaka hiverina intsony mihitsy ho teratany ao Isiraely izy, intsony. Inona no nataony? Nolaviny ilay fanasany. Tsy nanana na inona na inona naloa izy. Ny troisan'ny fahandevalozany dia efa tapitra. Afaka ny fianakaviany. Afaka niverina avy hatrany tany antanindrazany izy ary naka ny fananany manokana. Fa raha nandà ny hanao an'izany izy, amin'izay fotoana izay dia tsy nanana anjara intsony amin'ny Isiraely izy, ary ny fananany dia nomena ny hafa.

<sup>61</sup> Ankehitriny, zavatra mitovy amin'ny ara-nofo no ampiharina amin'ny ara-panahy. Izany hoe, raha isika, amin'ny maha-mpandova ny Fiaianana Mandrakizay, ka mandre ny Filazantsara isika ary mahafantatra fa marina Izany, nefo mandà an'Izany isika, ary tsy manaiky hanao an'ilay izy na hihaino an'Izany, dia mandray ny mariky ny bibidia isika.

<sup>62</sup> Ankehitriny, nisy olona nanao hoe, "Ankehitriny, dia hisy ny—ny mariky ny bibidia, ho tonga izany indray andro any" Mamelà ahy hiteny aminareo. Efa tonga izany. Hitanareo?

Vantany vao manomboka milatsaka ny Fanahy Masina, dia manomboka miseho ny mariky ny bibidia. Hitanareo?

<sup>63</sup> Zavatra anankiroa ihany no azonareo. Ny iray amin'izy ireo, dia, manaiky an'Izany, mandray ny Tombokasen'Andriamanitra. Ny mandà an'Izany, dia mandray ny mariky ny bibidia. Ny mandà ny Tombokasen'Andriamanitra dia mandray ny mariky ny bibidia. Azon'ny olona rehetra ve? [Hoy ny fiangonana hoe, "Amena."—Mpand.] Ny mandà ny Tombokasen'Andriamanitra dia mandray ny mariky ny bibidia. Satria, hoy ny Baiboly hoe, "Izay rehetra tsy voaisy tombokase tamin'ny Tombokasen'Andriamanitra dia nandray ny mariky ny bibidia."

<sup>64</sup> Rehefa nitsoka ny trompetra, dia ny rehetra izay te-ho afaka dia nahazo nandeha. Ireo izay tsy nanao, dia voaisy marika.

Ankehitriny, hitanareo, ny mariky ny bibidia, raha resahantsika hoe ho an'ny ho avy izany, dia rehefa ho voaseho ilay izy, vao ho fantatrareo fa izany ilay efa natao taminareo. Hitanareo? Ary toy izany koa ny Fanahy Masina, tsy mantsy ho voaseho Izy. Rehefa mahita ny Tompo Jesosy tonga amin'ny voninahitra isika, ka mahatsapa an'ilay herin'ny fanovana, ary mahita ny maty mitsangana avy ao am-pasana, ary mahafantatra, fa afaka iray segondra, dia hovana isika ary hahazo vatana iray tahaka ny Azy. Ho voaseho izany. Amin'izay fotoana izay, dia mahita an'ireo izay nandà Azy, ho tavela, any ivelany.

<sup>65</sup> Tsy nilaza ve Jesosy fa nandeha nivoaka mba hitsena an'i Kristy ireo virijiny? Ny sasany tamin'izy ireo dia resin-tory, tamin'ny fiambenana voalohany, faharoa, fahatelo, fahefatra, fahadimy, fahenina, hatramin'ny fiambenana fahafito. Fa, tamin'ny fiambenana fahafito, dia tonga ilay feo hoe, "Indro, tonga ny Mpampakatra. Mivoaha ianareo hitsena Azy." Ary ireo izay natory, dia nifoha. Ilay taona tany aorianana rehetra, hatrany amin'ny Pentekosta, dia nifoha. Hitanareo? Hatramin'ilay taona fahafito, ilay taonan'ny fiangonana fahafito, hatrany amin'izay rehetra tany aorianana, dia nifoha. Ary ireo izay tao amin'io taonan'ny fiangonana io, velona, dia novana izy ireo. Ary niditra izy ireo.

Tamin'ny fotoana nidiran'izy ireo indrindra, no tonga ilay virijiny natory ka nanao hoe, "Te-hividy kely avy amin'ny Solikareo izahay."

<sup>66</sup> Fa hoy izy ireo hoe, "Izay ampy ho an'ny tenanay ihany no anananay. Mandehana any amin'ireo izay mivarotra Azy."

"Ary raha mbola niezaka ny hahazo an'io Solika io izy ireo, dia tonga ny Mpampakatra." Tsy nisy fotoana iray mihitys ao amin'ny tantaran'izao tontolo izao, izay ireo Episkopaliana, Batista, Metodista, Presbyterana... Feno ny gazety. Midera an'Andriamanitra ireo gazety ara-pivavahana, fa ireo virijiny

natory dia miezaka ankehitriny ny hahazo ny pentekosta, miezaka ny hahazo ny Fanahy Masina. Nefa ny olona ve dia tsy mahalala fa tsy hitranga izany, araka ny Tenin'Andriamanitra? "Raha mbola niezaka ny hiverina izy ireo, dia tonga ny Mpampakatra ary naka ny Ampakarina. Fa izy ireo dia natsipy tao amin'ny aizina tany ivelany, ho an'ny fitsarana," satria nolavin'izy ireo ny fanasany.

<sup>67</sup> Ny olona rehetra dia nasaina ho tonga. Andriamanitra, tao amin'ny taona tsirairay, dia nandefa ny Hazavany, nefo dia nolavina Izany.

<sup>68</sup> Ary, ankehitriny, izao andro izao dia tsy hafa noho ny andro anankiray, mandà an'ilay andron'ny famangiana. Rehefa manao famangiana iray an'ny Fianganana Andriamanitra sy ny olona, dia raiso Izany amin'izay fotoana izay. Aza avela ho an'ny taona manaraka izany, amin'ny fifohazana manaraka. Izao no ora, "Anio no andron'ny fanavotana."

<sup>69</sup> Ary tsarovy, Andriamanitra dia tsy nandefa Hafatra iray mihitsy, tamin'ny andro rehetra, raha tsy efa Nohamarininy miaraka amin'ny ivelan'ny voajanahary Izany. Jesosy no nilaza, Izy tenany hoe, "Raha tsy manao ny asan'ny Raiko Aho, dia aza mino Ahy. Fa raha manao ny asa Aho, dia minoa ianareo an'ireo asa raha tsy afaka ny hino Ahy," ary rehefa tena hitanareo mazava tsara izany ka—ka voaseho.

<sup>70</sup> Ankehitriny tonga ny fotoana izay andavany Azy, koa dia voalavaka amin'ny haolo iray ny sofiny, amin'izay fotoana izay dia tsy handre Azy intsony izy. Ankehitriny mitondra ny tenany ao amin'ilay fiombonamben'ny fianganana izy, miditra avy hatrany amin'ny fandraisana ny mariky ny bibidia.

<sup>71</sup> "Iray amin'ireo faniriana lehibe," nisy olona nanome ahy an'ilay gazety vao izao ankehitriny izao, hoy io papa vaovao io hoe, "dia ny hampiray an'ireo fianganana miaraka." Tena hataon'izy ireo mihitsy izany azo antoka tahaka ahy mitsangana eto izao. Ary ireo Protestanta dia miroboka amin'izany. Hitanareo? Satria, ilay fianganana... Ny Baiboly no nilaza, i Paoly, ilay mpaminanin'ny Tompo, no nanao hoe, "Tsy ho tonga izany andro izany raha tsy tonga ny fihemorana, aloha, ary avy eo ny... alohan'ny hampisehoana an'ilay lehilahin'ota. Ilay mipetraka eo amin'ny tempolin'Andriamanitra, manandratra ny tenany, ho ambonin'izay rehetra atao hoe Andriamanitra; izy, tahaka an'Andriamanitra," mamela heloka eto ambonin'ny tany, sy ny sisa. Toy ny ahoana ny efa nitrangan'izany zavatra izany! Saingy tsy afaka nitranga izany mandra-pahatongan'ilay fihemorana, mandra-pahatongan'ilay fianganana hanomboka hanalavitra an'ilay sakafy ara-panahy, mitarika ny tenany miverina ary mandrafitra ny tenany. Ary noho izany dia tsy afaka nijanona niaraka tamin'ilay fianganana ny fanambarana.

<sup>72</sup> Tsarovy, nandeha Israely, andro aman'alina, tamin'ny alàlan'ny Andry Afo. Rehefa niainga io Andry Afo io, dia niainga niaraka tamin'Izany izy ireo. Ary tsarovy, Afo izany tamin'ny alina, ary Rahona tamin'ny andro. Noho izany dia afaka tonga Izzy, andro na alina, amin'ny fotoana rehetra. Saingy, na taiza na taiza nisy Azy, dia nisy fanaovam-panavotana anankiray vita, mba tsy hahadiso azy ireo amin'ny fahitana Azy. Hazavana Izany tamin'ny alina, ary Rahona tamin'ny atoandro, ary nanaraka an'Izany izy ireo. Eny, tomoko. Zavatra iray ihany!

<sup>73</sup> Nahita Azy i Martin Luther. Inona no nataony? Nivoaka avy tao amin'ny Katolisima izy. Saingy inona no nataon'izy ireo? Nanorina fefy kely nanodidina izy ireo, nanao hoe, "Loterana izahay. Izao no izy."

<sup>74</sup> Avy eo dia nahita Azy nihetsika niala tao i Wesley. Nandeha izy. Inona no nataon'izy ireo? Nanorina fefy kely nanodidina an'izany, nanao hoe, "Izao no izy." Inona no nataon'ilay Hazavana? Niala teo avy hatrany, indray.

<sup>75</sup> Nahita Azy ny Pentekosta. Inona no nataon'izy ireo? Nivoaka avy tao amin'ireo Wesleyana sy Nazarena, sy ny sisa. Inona no ataon'izy ireo? Nanorina fefy kely nanodidina an'izany, antsoina hoe, "Izahay dia an'ny tokana," ary "Izahay dia trinite," ary "Izahay dia ny Mitambatra," sy izao rehetra izao. Inona no Nataony? Niala avy teo amin'izany avy hatrany Andriamanitra. Hitanareo?

<sup>76</sup> Tsy mahazo manao an'izany isika. Tsy maintsy manaraka isika, isan'andro, isaky ny oran'ny andro, isaky ny dingan'ny lâlana. Tsy maintsy tarihan'i Jesosy Kristy Tompo isika. Raha tsy izany isika, dia mandray fiainana ara-rafi-pandaminana iray isika. Ary ny fiainana izay tsy manaraka an'i Kristy, isan'andro, dia tsy mendrika.

<sup>77</sup> Ny olona iray izay Kristiana ny Alahady, ka mandeha any am-pianganana, mipetraka eo aorianeo ary mihevitra izy fa an'ilay fianganana satria izy manao an'ity, itsy, na ny hafa, nefy ny Alatsinainy dia hangalatra sy handainga. Ary ireo vehivavy izay hivoaka eny amin'ireo morom-pasika ho an'ny be sy ny maro, ary-ary mivoaka eny an-dàlambe, manao akanjo tsy maotina!

<sup>78</sup> Mieritreritra aho ny—ny amin'ilay vadin'ny filoha, tsy nanao lokon-tarehy akory aza izy, nandeha teo anatrehan'ilay papa; fa niverina, ary nanao an'ilay taovolo lena nasavoritaka an'ireo vehivavy ao amin'ny firenena. Ary ireo akanjo rehetra, izay, rehefa lasa reny izy, ny vehivavy tsirairay ao amin'ilay firenena dia te-hitafy ny anankiray amin'ireny akanjon'ny bevohoka ankehitriny ireny. Marina izany. Ohatra ireo. Ary fantatr'izy ireo fa hanao an'izany ireo olona ireo. Naka ny fanahin'izao tontolo izao izy ireo. Ary tsy an'ny Fianganan'Andriamanitra velona izany.

<sup>79</sup> Ireo vehivavy dia tokony hijery an'i Jesosy Kristy. Ianareo dia tokony hijery an'i Saraha sy ireo an'ny Testamenta Taloha.

<sup>80</sup> Ankehitriny, izy ireo dia lasa tena... Nitory teny aho indray hariva, tany ho any, mikasika an'ireo vehivavy mankato ny vadiny. Mankato? Hia. Efa niala tao amin'ilay fanao ara-panambadiana izany, efa ela be. Fa tsy hanao an'izany izy ireo. Tsia, tompoko. Miaina ao Amerika izy ireo, ary hampahafantariny anareo izany. Tsy hankato izy ireo. Fa, raha mbola tsy manao an'izany foana ianareo, dia aza miantso ny tenanareo mihitsy ho Kristiana iray, satria tsy izy ianareo. Tsy ahoako na impiry ianareo no mandihy sy miteny amin'ny fiteny tsy fantatra, raha tsy mankato ny vadinareo ianareo, dia any ivelan'ny sitrapon'Andriamanitra ianareo.

<sup>81</sup> Ny vehivavy iray izay manao sorta ary manao an'ireo zavatra izay atao ny eny an-dàlambe, dia aza miantso ny tenanareo ho Kristiana iray. Te-hanana an'izao tontolo izao ianareo sy mbola mihazona ny fanambaranareo. Tsy mahazo manao an'izany eo amin'ny Fanatrehan'Andriamanitra ianareo, rehefa mahafantatra tsaratsara kokoa noho ny fanaovana an'izany ianareo.

<sup>82</sup> Mariho, "voalavaka eo amin'ny sofina," voaisy marika, amin'izay fotoana izay dia tsy handre intsony ianareo. Tsarovy, izany no marika iray an'ny fanetsenan-tsofina. Tsy handre an'Izany intsony ianareo. Tsy hihaino ianareo. Tsy ho afaka intsony indray ianareo, hanao an'ilay izy indray.

<sup>83</sup> Oh! "Tsy mino an'Ity izy." Oh, oadray! "Aza miteny aminy. Mino an'izany izy." Tsia. "Lazainy aminareo avy hatrany...." Tsy fantany Izany. Ahoana no hahafahan'ny—ny ramatoa iray.... Manontany anareo fotsiny aho, ahoana no hahafahan'ny ramatoa iray....

Tahaka an'izay noresahako tamin'ny Alahady, Alahady hariva lasa teo, herinandro androany hariva izay, ny amin'ny "jiro mena iray mipipiaka," hoe ahoana fa ny—ny—ny maro amin'ireo vehivavy dia lasa tsara tarehy noho ny nisy taloha. Ankehitriny, izany dia tsy misy na inona na inona—na inona na inona hanoherana ny vehivavy, ankehitriny, izany fotsiny dia... saingy ahoana no ifehezany an'izany. Hitanareo? Ny.... Lasa toy izany izy, mba hametrahana azy ao amin'ny fakam-panahy iray, tahaka ny nametrahana an'i Eva izay teo anoloan'ilay hazo.

<sup>84</sup> Ny lehilahy rehetra, ny zanakalahy rehetra izay manatona an'Andriamanitra, dia tsy maintsy mandalo amin'izany oran'ny fitsapana izany. Izao no taonan'ny vehivavy, ity firenena ity dia izany, eo amin'izay tsy maintsy handalovany amin'izany fitsapana izany. Raha mety ho vehivavy tsara tarehy iray izy, ka manao tahaka ny anabavy iray, dia eo aminy ireo fitahian'ny Tompo. Fa rehefa afaka mitondra ny tenany mba—mba hahafantatra an'izao izy, nefo mampiseho ny tenany,

izany no maneho tanteraka fa izy dia nahazo fa—fanahy ratsy anankiray eo aminy. Tsy izy no te-hanao an'izany fomba izany, tsy mihevitra aho, ny maro amin'izy ireo dia tsy izany. Fa tsy mahalala an'izany izy ireo.

<sup>85</sup> Azonareo lazaina amiko ve fa ny vehivavy iray maotina, misaina dia hametraka eo amin'ny tenany, an'ireny akanjo kely izay entin'izy ireo mivoaka eto amin'ny lâlambe eto ireny?

<sup>86</sup> Manana zazavavy tanora anankiroa aho mipetraka eto. Tsy fantattro hoe inona no hiafaran'ireo ankizy ireo. Mivavaka ho azy ireo fotsiny aho. Ireo ankizy, amin'izao andro izao, izaho tsy... Tsy hainareo lazaina. Izaho tsy mahafantatra. Tsy maharitra an'izany izy ireo. Tsy maintsy hitsangana amin'ny tongony roa manokana izy ireo, eo anatrehan'i Jesosy Kristy, ary hanome valiny anankiray. Izy ireo dia tsy afaka hiditra amin'izay... amin'ny—amin'izay inoako, sy amin'izay inoan'ireo reniny. Tsy fantattro izay ataon'izy ireo. Fa mino tokoa aho, amin'ity ora ity, fa raha nivoaka eny an-dàlambe ireo zazavavy ireo, manao an'ireny karazana akanjo ireny, ka manevateva azy ireny ny lehilahy iray, ao anatin'ireny karazana akanjo ireny, tsy mino aho, raha nanana an'ilay fanararaotra aho, fa afaka ny hanameloka an'ilay lehilahy akory aza aho. Marina izany. Ireo zazavavy no melohiko. Tsy misy tokony hanaovany an'izany.

<sup>87</sup> Henoy. Raha misaina ny lehilahy, ka mampianatra izy ireo fa, “Ny lehilahy dia manoatra noho ny biby anankiray. Avy amin'ny taranaka biby izy.” Ary jereo, amin'izay fotoana izay, fa ianareo no mametraka azy eo tahaka...

<sup>88</sup> Entinareo ny alika anankiray ho eo amin'ny vavy kely amin'ny fotoana sasany, mandalo eo amin'ilay fefy sy ny sisa hafa, satria ilay vavy kely dia tao amin'izany toerana izany; ireo kisoa, omby vavy, ny biby hafa rehetra. Ary raha fiainam-biby isika; fa, izany isika, ilay ampahany ara-batana. Ary amin'izay fotoana izay rehefa mampiseho ny tenany tahaka an'izany ny vehivavy iray, dia manaporofo izy fa zavatra mitovy amin'ilay alika kely, na zavatra mitovy, marina mihitsy, satria tsy tokony hanao an'izany izy. Mahafantatra izy. Ny zava-boahary dia mampianatra azy fa hijery azy io lehilahy io. Ary hoy ny Baiboly hoe, “Na iza na iza mijery vehivavy iray ka mila azy dia efa nijangajanga taminy sahadys tao am-pony.”

<sup>89</sup> Mametraka fotoam-pitsapana iray izany. Ary manao an'ireo vehivavy ireo ho tsara tarehy ny devoly, sy mampitanjaka azy ireo, ary mametraka azy ireo eny ivelany eny, mba hanome anareo fitsapana iray. Ry lehilahy, ahodino ny lohanareo. Aoka ho zanakalahin'Andriamanitra. Ry vehivavy, miakanjoa ianareo tahaka ny zanakavavin'Andriamanitra. Aza mamaly ny amin'ny fijangajangana any ambony any amin'ilay Andro.

<sup>90</sup> Raha io vehivavy io, tsy mampaninona na tsy manan-tsiny aza... Mety tsy nanao na inona na inona ratsy mihitsy izy, tsy

nanana an'izany tao an-tsainy mihitsy aza hanaovan-dratsy. Saingy rehefa io mpanota izay mijery an'ilay endrika tsara bika an'io vehivavy io, fantatra fa lahy izy; fa ny maha-vavy dia ao anaty tsimoka iray, ary iray, ny lahy, ao amin'ilay hafa; fa io mpanota io dia tsy maintsy hamaly ny amin'izany amin'ny Andron'ny Fitsarana, iza no nanao an'ilay izy, iza no diso? Tsy izy. Ianareo. Eo ianareo izao, ry ratsy fitondran-tena.

<sup>91</sup> Jereo ity firenena ity. Taloha izy, tamin'izy ireo—izy ireo nanana an'ireo akanjo hatreny amin'ny lohalika izay nanaovan'ireo vehivavy, dia tsy maintsy nalefantsika tany Paris mba hahazo azy ireny. Amin'izao andro izao, dia Paris no mandefa aty mba hahazo azy ireny. Tena maloto loatra ilay izy hany ka tsy maharaka an'ilay izy i Paris. Marina izany. Ilay manontolo... Nahoana? Manda ny Filazantsara. Nahoana?

Tsy nanana an'Izany i Paris. Katolisima zato isan-jato izy. Tsy afaka miditra any akory aza ireo Protestanta. Jereo i Billy Graham. Ataoko fa Kristiana enin-jato fotsiny no misy ao Paris manontolo, amin'ireo an-tapitrisany, Kristiana enin-jato, Protestanta. Izany tsy hoe feno ny Fanahy Masina. Izany dia ireo tena Protestanta fotsiny, enin-jato amin'izy ireo, avy amin'ireo an-tapitrisany tapitrisa. Tsy nanana fanararaotra handà an'Izany izy ireo.

<sup>92</sup> Fa ireto olona ireto dia manana ny Filazantsara. Ary rehefa nanalavitra ny Hafatra sy ny Filazantsara izy ireo izay hitany voaseho, dia naneso an'Izany satria fampianaranana mpijangajanga tranainy anankiray no nanambatra azy ireo; sy pasitera iray nitsangana teny amin'ny polipitra, nieritreritra dolara betsaka sy tapakilan-tsakafo mihoatra lavitra noho ny ataony amin'ilay fanahy, ireo olona izay itoriany teny, marina izany, izany no nanao an'ilay izy. Ankehitriny dia izy no mitarika an'izao tontolo izao.

<sup>93</sup> Tsarovinareo, vao tsy ela akory izay, tato amin'ity tabernakla ity. Nitory ny amin'ny lohahevitra iray aho, teo amin'ny roapolo taona lasa teo izay hoe, "Hasehoko anareo ilay andriamanibavin'i Amerika," ary nisy an'ilay karivavy kely tetra, nipetraka teo tamin'izany. Izany ilay izy. Ankehitriny aza izy ireo dia, manana azy. Mahazo an'izay nangatahany izy ireo. Ary ho azon'izy ireo izany. Izay ihany.

<sup>94</sup> Tsia. Tsy hino an'izany izy ireo. Tsia, tompoko. Ataony fantatrareo fa teratany Amerikana izy ireo, ary izy ireo dia manana zo ny—ny hihetsika amin'ny fomba rehetra izay tiany. Maniry fotsiny aho...

<sup>95</sup> Mamelà ahy hiteny aminareo. Hiteny aminareo aho ankehitriny. Tsia, tompoko, tsy hety mihitsy ny politika. Tsia, tompoko, tsy hety mihitsy ny demokrasia. Lo ny demokrasia, hatrany amin'ny taolana. Raha nampiasaina teo anivon'ny andiana Kristiana izany, dia nety ho tsara. Saingy rehefa

apetrakareo any amin'izao tontolo izao any izany, dia lasa sambo nefá tsy misy vatoantsika. Tena marina.

<sup>96</sup> Jereo eto, amin'izao andro izao. Ny zavatra rehetra dia mety hiseho, nefá izy ireo fotsiny dia . . . Ny zavatra rehetra, misintona politika kely, dia ho afaka amin'ny famonoan'olona izy ireo.

<sup>97</sup> Rehefa nitory teny aho tany, tamin'io alina io mba hiezaka ny hamonjy ny ain'ireo ankizy anankiroa. Tena meloka arak'izay maha-meloka azy izy ireo. Hany ka nitsangana taoriako mihitsy aza ilay mpisolvava, ka nanao hoe, "Marina izany." Hoy izy hoe, "Izaho dia tsy mino ny fanalana ain'ny olona." Hoy izy hoe, "Raha hanamarika ny lisitr'ireo famonoan'olona ianareo, dia iza ilay vonoina amin'ireo sezà misy herinaratra sy ny sisa? Tsy ilay manan-karena izany. Izy dia afaka tsara maka mpisolvava anankiray ho azy sy hery iray, karazana fitaka maloto, sy karazana fandehan-javatra *eto*, karazany anankiray *eto*, ary manao kolikoly an'ilay zavatra." Hoy izy hoe, "Ilay izy dia ireo ankizy tahaka an'izao, izay tsy manam-bola ampy mba hividianany sakafô mendrika iray, izany no karazan'ilay mahazo an'izany. Izany ilay karazana izay doran'izy ireo amin'ny herinaratra, olona izay tahaka ny antsoin'izy ireo hoe andian'olona tsy mahay, ary dia azonin'izy ireo eo amin'ny fanasaziana lehibe ny anaran'izy ireo."

<sup>98</sup> Hoy aho hoe, "Ny famonoana olona voalohany izay vita teto amin'izao tontolo izao, dia rahalahy iray namono ny iray hafa, nefá tsy nesorin'Andriamanitra noho ny amin'izany ny ainy. Nasiany marika iray teo aminy, mba tsy hisy olona hanala ny ainy. Marina. Izany no Mpitsara Faratampony."

Hitako fa nesoriny tamin'izy ireo ilay sazy. Ankehitriny dia hahazo fandinohana hafa anankiray izy ireo. Mazava ho azy, ho azon'izy ireo ny aina ankehitriny, izany dia ho iraika ambin'ny folo taona, ary angamba fahafahana vonjimaika. Meloka izy ireo. Azo antoka tokoa. Meloka izy ireo. Tokony nalefa tany am-ponja izy ireo, mandra-pahafaty, saingy tsy nalana ny ain'izy ireo. Tsy misy olona manana zo hanala ny ain'olon-kafa anankiray. Tsia, tompoko. Tsy mino an'izany aho. Tsia, tokoa.

<sup>99</sup> Oh! Hoy izy ireo . . . Nahoana, tsy nino izy ireo hoe izy ireo anie ka any ivelan'ny sitrapon'ny Tompo, satria izay ihany no fantatr'izy ireo ny amin'izany, izay ihany no tian'izy ireo henoina. Nahodin'izy ireo ny sofiny nanohitra ny Fahamarinana, tao.

<sup>100</sup> Na dia Egypta aza dia tsy te-hahafantatra fa io andiana holy-rollers teo io dia ny sitrapon'ny Tompo. Ahoana no itiavan'izy ireo hahafantatra fa karazana lehilahy adala iray no tonga teo, avy tany an-efitra, miaraka amin'ny volom-bava nihantona tahaka an'izao, ka nanao hoe, "Farao, tonga eto aho amin'ny Anaran'ny Tompo. Avelao handeha ireo ankizy ireo."

Mety niteny i Farao hoe, “Iza, izaho ve? Roahy any izy.” Hitanareo? “Izaho ve?”

“Raha tsy manao an’izany ianao, dia hikapoka an’ity firenena ity ny Tompo Andriamanitra.”

<sup>101</sup> Kanefa, “Ilay antitra very saina, avohay any ho any izy. Avelao izy handeha. Ny masoandro no karazany nanendy ny sainy.” Hitanareo? Saingy nitondra fitsarana izany, satria mpaminany iray ilay lehilahy ary nanana ny HOY NY TOMPO HOE. Tena marina. Tsy te-hino an’izany izy ireo.

Roma dia tsy te-hino an’izany, mihitsy koa, saingy nitranga ihany izany.

<sup>102</sup> Isiraely dia tsy te-hino fa io ilay Mesia. “Ahoana no hahafahan’izy ireo, andiana—andiana Galiliana?” Nanao hoe, “Tsy Galiliana ve izy rehetra ireo? Avy taiza izy ireo? Karazan’olona inona no Iarahany? Ilay tena mahantre indrindra izay afaka miraka, izany no olona Nikambanany. Izany no tonga hihaino Azy, dia ny olona mahantre, ireo olona izay tsy mahay na inona na inona. Izay ireo dia tsy voafidy. Izay ireo dia tsy—izy ireo dia tsy ilay karazana mahay toa antsika. Andiana anankiray mahantre izy ireo.” Izany no renareo mikasika ny fifohazana amin’izao andro izao. “Karazan’olona inona no mihaino azy ireo? Karazana inona no mandeha any amin’ireo favoriana ireo? Karazan’olona inona izy ireo?”

<sup>103</sup> Nandre lehilahy iray aho nilaza, vao tsy ela akory izay... Eny, izy dia karazan’ny... Raikelin’i Hope izy. Ary nireshaka taminy ny amin’ny batisan’ny Fanahy Masina aho. Hoy izy hoe, “Ankehitriny, iza no hino zavatra iray tahaka an’izany, afa-tsysty ilay karazana andiany izay anananareo any io?” Hoy izy hoe, “Avelao *Ranona-sy-ranona*, mpandrahahara iray eto amin’ny tanana, tena ratsy fanahy, avelao izy no hiteny fa nandray ny Fanahy Masina izy, amin’izay fotoana izay aho vao hino an’izany.”

<sup>104</sup> Hoy aho hoe, “Aza manahy. Tsy hiteny an’izany mihitsy izy.” Maty tampoka ilay lehilahy, tsy nanana an’Andriamanitra. Hitanareo?

Tandremo tsara izay ataonareo. Tandremo tsara izay lazainareo. Mila fiaianana iray mendrika ny Filazantsara ianareo. Marina.

<sup>105</sup> Tsy nino an’izany Isiraely, an’io andian’olona io. “Io adalalahy io, amin’ny Anarana hoe Jesosy avy any Nazareta, izay teraka,” nihevitra izy ireo hoe, “fahaterahana zazasary.” Dia nino an’izany ny olona. Satria, hoy izy ireo hoe, “Tsy izy izany. Nahoana, Josefa no Rainy, ary mety efa nanana an’io Zazakely io i Maria talohan’izy ireo akory aza... Teraka, nahoana, zazasary ilay izy. Ary inona Izy? Adalalahy anankiray fotsiny. Anankiray amin’ireny tovolahy mahatsikaiky ireny. Aza mandeha mihaino

Azy.” Inona no nataon’izy ireo? Nandefa ny fanahiny tany amin’ny helo izy ireo. Nalain’izy ireo...

<sup>106</sup> Hoy Jesosy hoe, “Avelao izy ireo. Raha ny jamba no mitarika ny jamba, tsy ho latsaka any an-kady ve izy roa?” Marina izany. Tsy fantatr’izy ireo izany. Tsy hino an’Izany izy ireo. Tsy afaka izy ireo.

<sup>107</sup> Tsy afaka nahita izy ireo hoe io olona tsotra miaraka amin’ny Hafatra tsotra io, izay nolavina, no nahatonga firenena lehibe anankiray nilatsaka tao amin’ny fahafonganana. Ankehitriny henoy. Izy ireo dia tsy afaka nahazo an’izany: tsotra, mahazatra, andian’olona efa fahita. Fantatrareo, ny Baiboly no nilaza fa, “Ireo olona efa fahita no nihaino an’i Jesosy tamim-pifaliana.”

<sup>108</sup> Nanana zavatra kely anankiray aho nitranga tany Mexico, vao tsy ela akory izay. Jeneraly Valdena, voafidin’Andriamanitra, namiratra teo amin’ny lâlany ilay Hazavana indray andro, tao amin’ny anankiray tamin’ireo favoriana. Io mpiady mahery Katolika io, anankiray amin’ireo jeneraly ambony ao Mexico, dia nanatona am-panetre-tena teo amin’ny alitara ary nandray ny batisan’ny Fanahy Masina. Niverina tany Mexico izy. Nitomany ahy mafy izy, ho tonga tany. Farany, nanapa-kevitra aho ny handeha. Ny Tompo no nitarika ahy; nanana fahitana iray aho. Nilazako ny vadiko. Nandeha tany aho.

Ary rehefa nandeha izy, izy izay anankiray amin’ireo jeneraly lehibe, jeneraly kintana efatra, nandeha tany amin’ny foibe izy, tany amin’ny governemanta. Ary, izy ireo, izy ireo dia tena nanohitra mafy an’ireo Protestanta tany, fantatrareo. Noho izany dia fantatr’izy ireo fa io dia ho favoriana matanjaka be anankiray, koa dia nandeha tany izy ary naka milisy mpiambina iray. Ary rehefa nandeha izy ireo, dia nitondra an’ilay andian-tafika be. Ary nitondra ahy tao tahaka an’izany izy ireo. Ny governemanta no nitondra ahy tao.

Noho izany, rehefa nandeha izy ireo, ilay-ilay eveka, anankiray amin’ireo eveka lehibe an’ny fiangonana Katolika, no nandeha teo aminy, teo amin’ilay governora, ka nanao hoe, “Tompoko, fantatro fa ianareo dia mitondra tsy Katolika anankiray.”

Hoy izy, “Eny. Maninona izany?”

“Nahoana,” hoy izy, “tsy mahazo mampiditra olona tahaka an’izany eto ianareo. Ity governemanta ity dia tsy mbola nahafantatra mihitsy ny fanaovana zavatra tahaka an’izany.”

<sup>109</sup> “Saingy,” hoy izy, “nataonay ilay izy ankehitriny.” Hoy izy hoe, “Nahoana,” hoy izy, “lehilahy fanta-daza ilay lehilahy. Fantatro fa olona an’arivony no tonga hihaino azy. Jeneraly Valdena, dia sakaizako akaiky.” Hoy izy... Ary nanana ny... Ilay filoha izy tenany dia Protestantana, fantatrareo, Metodista. Koa hoy izy hoe—hoy izy hoe, “Lehilahy fanta-daza ilay lehilahy,

araka ny fantatro.” Hoy izy, “Jeneral Valdena eto, izy dia niova fo noho io lehilahy io.” Hoy izy, “Nahoana, izy dia, araka ny fantatro, olona fanta-daza anankiray.” Hoy izy, “Olona an’arivony, no lazain’izy ireo, fa tonga mihaino azy.”

Ary hoy ity eveka ity, “Karazan’olona inona ilay izy, tompoko? Ilay tsy mahay fotsiny. Ireo ihany no mandeha, handre olona tahaka an’izany.”

<sup>110</sup> Hoy ilay filoha hoe, “Tompoko, efa dimanjato taona no nanananareo azy ireo, nahoana no hoe tsy mahay izy ireo?” Izay dia ampy. Vita teo ilay izy. Oh, oadray! Nanendaka ny tandrok’izy ireo izany. Eny, tompoko. Hia.

<sup>111</sup> Avy eo rehefa nitsangana tamin’ny maty ilay zaza kely, dia naniraka mpihazakazaka tany amin’ilay lehilahy aho. Nilaza ilay ramatoa, tamin’ny teny Espanola hoe, “Maty ilay zaza, aninkeo maraina tamin’ny sivy.” Ary nivatravatra tamin’izany, ny orana. Nisy teo amin’ny iray alina ireo niova fo ho an’i Kristy, isan-kariva.

Ny hariva talohan’io, dia lehilahy antitra anankiray jamba no nahazo ny fahitany teo amin’ny lampihazo. Oh, in-telo na in-efatra amin’ny haben’ity tabernakla ity, ary saiky *izao* ny haavo, an’ireo lamba kely tranaindy sy satroka nippetraka teo. Ary izaho fotsiny . . .

<sup>112</sup> Napetrak’izy ireo teo ambonin’ny tady aho, tao amin’ilay kianja, mba hampidirana ahy. Nandeha teo fotsiny aho ary nanomboka nitory teny, tamin’ny finoana.

Tonga i Billy, nanao hoe, “Dada, tokony hanao zavatra anankiray ianao, ho an’io vehivavy io.” Hoy izy, “Manana mpampiditr’olona telonjato aho mitsangana ery. Tsy afaka nahasakana vehivavy bitika kely anankiray izy ireo, milanja zato livatra, eo ho eo.” Ary tsara tarehy, ramatoa kely saiky *izao* ny halavany, saiky, oh, angamba zanany voalohany io. Hataoko hoe telo amby roapolo na dimy amby roapolo taona izy.

<sup>113</sup> Ary nitsangana teo izy, ary ny volony nidina ambany, ary nihazona zaza kely iray. Ary nanao ankisisika izy ho an’ilay laharana. Nanosika azy hiverina ireo lehilahy. Niakatra teo ambonin’izy ireo izy, ilay zaza teo amin’ny valahany, ny fomba rehetra, nandeha teo anelanelan’ny ranjon’izy ireo, na zavatra iray. Nalain’izy ireo teo ambony teo izy, ary tsy maintsy nesorin’izy ireo teo amin’ilay lampihazo.

<sup>114</sup> Ary tsy nanana karatra fangataham-bavaka homena azy izy ireo. Hoy izy hoe, “Raha avelako hiditra eo izy, dada, miaraka amin’io zaza maty io, tsy misy karatra fangataham-bavaka, sy . . .” Hoy izy, “Ireo hafa izay mitsangana eo, dia efa nitsangana teto roa na telo andro, tao amin’io orana sy masoandro io. Ary ny hamela azy handeha alohan’izy ireo,” hoy izy, “dia hiteraka ta—tabataba iray eo izany.”

<sup>115</sup> Hoy aho hoe, “Tena tsara izany.” Teo i Rahalahy Moore, ary somary sola loha tahaka ahy izy. Ary hoy aho hoe, “Tsy fantany hoe iza no iza, be loatra ny olona.” Hoy aho hoe, “Iraho...” Ary—ary rahalahy vitsivitsy, anankiray tamin’ireo rahalahy avy ato amin’ny tabernakla, izay efa lasa any amin’ny Voninahitra ankehitriny. Tsy mety tsaroako ny anarany amin’izao fotoana izao. Saingy nitsangana tao aoriana tao izy. Koa hoy aho hoe, “Rahalahy Moore, midina, mivavaha ho an’ilay zaza. Tsy ho fantany mihitsy hoe iza, na izaho ilay izy na ianao. Midina fotsiny. Ary tsy nahay niteny Anglisy izy.”

Ary noho izany dia hoy Rahalahy Moore hoe, “Eny àry, Rahalahy Branham.”

<sup>116</sup> Nanomboka nandeha nidina izy. Hoy aho hoe, “Araka ny nolazaiko, ny fi...” Ary hitako ilay zaza kely, zaza kely Meksikana nipetraka teo anoloako, nihomehy fotsiny. Hoy aho hoe, “Andraso iray minitra.” Ary hoy aho hoe, “Avelao handroso ilay ramatoa kely.”

Hoy i Billy hoe, “Tsy afaka manao an’izany aho, dada. Izzy...”

Hoy aho hoe, “Nahita fahitana iray aho, Billy.”

Hoy izy, “Oh, hafa izany.”

<sup>117</sup> Noho izany dia nosokafanay tahaka an’izany ilay vahoaka ary nassainay nandroso izy. Indro izy nanatona, nidaraboka tamin’ny lohaliny, niaraka tamin’ny vakam-bavaka teny antanany. Hoy aho hoe, “Mitsangàna.”

Dia hoy aho hoe, “Ray An-danitra, ankehitriny dia tsy fantattro izay Hataonao. Tsy fantattro na Tiana fotsiny aho hanome fahafaham-po an’ilay vehivavy amin’ny fivavahana ho an’ilay zaza, na inona. Fa,” hoy aho hoe, “Apetrako eo amin’ilay zaza kely ny tànako, amin’ny Anaran’ny Tompo Jesosy.” Ilay zavatra mitovy fotsiny tamin’izay nataoko tamin-dRahalahy Way, nandry teo amin’ilay gorodona, maty, indray andro. Ary nihetsika ilay bodofootsy, ary nanomboka nikiakiaka ilay zaza kely. Ary niverina ny ainy. Rehefa...”

<sup>118</sup> Nandefy mpihazakazaka iray aho, Rahalahy Espinosa, mba handeha hiaraka aminy ho any amin’ilay dokotera, ka haka fanamarinana ara-pianianana avy amin’ilay dokotera hoe, “Maty io zaza io.” Teo amin’ny folo teo izany tamin’io hariva io. “Maty io maraina io tamin’ny sivy, tao amin’ny biraony, miaraka amin’ny aretin’ny avokavoka.” Nahazo filazana ara-pianianana anankiray avy tamin’ilay dokotera izy.

Tsy afaka nampangina an’izany ireo gazety, fantatrareo, noho izany dia tsy maintsy tonga izy ireo. Niresadresaka tamiko izy ireo. Ary niteny tamiko izy ireo, hoy izy hoe, “Mino ve ianao fa ireo masinay dia mahavita an’izao, ihany koa?”

Hoy aho hoe, “Raha velona izy ireo.”

“Oh,” hoy izy hoe, “tsy mety ho lasa masina anankiray ianao raha tsy efa maty ianao.” Eo ianareo izao. Hitanareo? Ary ny olona . . .

<sup>119</sup> Hitanareo ve, indray andro, ilay nananan’izy ireo an’ilay masera izay noresahan’izy ireo, tao amin’ny gazety? Noho izany, masina vaovao iray no maty, oh, zato taona lasa izay, na zavatra tahaka an’izany, ary izy ireo nanao ny . . . nanatsofoka azy ankehitriny, nanao azy ho masina iray. Ary nolazain’izy ireo fa—fa niverina avy tany amin’ny maty izy ary nivavaka ho an’ny olona marary iray izay tratry ny aretin-drà. Sa tsy izany? Tao amin’ny anankiray tamin’ireo magazina izany. Eritrereto fotsiny hoe ahoana no ezahan’izy ireo hiresahana an’izany, nefo misy fisehon-javatra an-jatony sy an-jatony mihitsy eo ambanin’ny oron’ny olona eto. Inona izany zavatra izany? Ho an’ny zavatra iray izay hisarihana an’ilay fiangonana Protestanta mihitsy hiditra ao amin’izany, hitanareo, hanao azy hieritreritra zavatra.

Ary avy eo ireo tena asan’ny Tompo, rehefa voamarina tanteraka tokoa izany, voaporofa, dia tsy sahin’izy ireo ny hametraka an’izany amin’ilay gazety. Eo ianareo izao. Nahazo fanasana iray izy ireo nefo nihodina tamin’izany. Eny, tompoko.

<sup>120</sup> Tsy mety azon’izy ireo hoe ahoana ny Hafatra tsotra iray, olona tsotra iray, ny mandà zavatra anankiray tahaka an’izany no hahatonga azy ireo hiditra ao amin’ny fahapotehana.

<sup>121</sup> Vehivavy iray no niteny tamiko, tany Grant’s Pass, Oregon, fotoana vitsy lasa izay, tonga teo ny zazavavy Katolika iray hanameloka ary hanoratra. Mpanao fanadihadiana amin’ny gazety iray izy, sigara iray fonosana no teny an-tànany. Ary hoy izy hoe, “Te-hiresaka aminao aho.”

Hoy aho hoe, “Inona no tianao ho lazaina?”

Hoy izy hoe, “Te-hametraka fanontaniana vitsivitsy aminao aho mikasika ny fivavahanao.”

Dia hoy aho hoe, “Inona no tianao hanontaniana?”

Dia hoy izy hoe, “Fahefana inona no anaovanao an’izany?”

<sup>122</sup> Hoy aho hoe, “Amin’ny Anaran’i Jesosy Kristy, amin’ny alàlan’ny antso avy amin’Andriamanitra.” Dia nanohy izy, nihetsiketsika fatratra. Hoy aho hoe, “Iray minitra fotsiny.”

Hoy izy hoe, “Raha toa aho ka tsy maintsy hikambana amin’io andiana tsy mahay na inona na inona io,” hoy izy, “dia tsy haniry ny ho Kristiana akory aza aho.” Hoy izy hoe, “Ary raha ireo . . . Lazain’izy ireo fa ireo olona ireo no hitondra ny tany indray andro any.” Hoy izy hoe, “Antenaiko fa tsy ho eto aho.”

Hoy aho hoe, “Aza manahy. Tsy ho eto ianao.” Hoy aho hoe, “Ianao . . . tsy tokony hanahy ny amin’izany.”

“Nahoana,” hoy izy, “io hadalana rehetra sy kiakiaka eo io!”

Hoy aho hoe, “Nefa ianao dia milaza fa Katolika iray?”

Hoy izy hoe, “Izy aho.”

<sup>123</sup> Hoy aho hoe, “Efa fantatrao ve fa ilay Maria virijiny voatahy dia tsy maitsy nandray ny Fanahy Masina sy niteny tamin’ny fiteny tsy fantatra, ary nandihy tao amin’ny Fanahy, nitovy tamin’izay nataon’izy ireo, nialohan’ny nandraisan’Andriamanitra azy? Ianareo miantso azy hoe renin’Andriamanitra.”

Hoy izy hoe, “Hadalana izany.”

Hoy aho hoe, “Iray minitra fotsiny. Izaho . . .”

“Tsy natao hijery ny Baiboly aho.”

<sup>124</sup> Hoy aho hoe, “Noho izany dia ahoana no hahafantaranao na izany no Fahamarinana na tsia?”

Hoy izy hoe, “Ny tenin’ny fiangonako no alaiko.”

<sup>125</sup> Hoy aho hoe, “Ity no Tenin’Andriamanitra. Ity eto ity mihitys Izy. Mihaika anao aho hijery Azy. Fa niaraka tamin’izy ireo i Maria tao amin’ny efitra ambony, ary nandray ny batisan’ny Fanahy Masina tahaka an’izay nataon’ny sisa tamin’izy ireo. Ary ianareo miantso azy hoe renin’Andriamanitra.” Hoy aho hoe, “Avy eo ianareo dia miantso an’izao hoe, ‘Andiana fakofako; zaoridira?’” Hoy aho hoe, “Aza manahy. Tsy ho Any ianao. Tsy mila manahy betsaka ny amin’izany ianao, raha izany fotsiny no hampanahy anao. Tsaratsara kokoa ho anao ny manahy ny amin’ny fanahinao manokana mpanota, ry zazavavy.” Dia navelako nandeha izy.

<sup>126</sup> Ankehitriny eritrereto ny amin’ity rehetra ity, tsotra iray. Ataon’Andriamanitra tena tsotra ilay izy.

Ahoana no nataon’i Ahaba, ahoana no nataon’i Jezebela, ahoana no nataon’ireo olona izay nihevitra fa mpamosavilahy anankiray i Elia, nihevitra fa momba ny fanahy izy? Ahaba aza dia niteny mihitys hoe, “Indro ilay nahatonga an’izao korontana rehetra izao tamin’ny Israely.”

Hoy izy hoe, “Ianao no nanakorontana ny Israely.”

<sup>127</sup> Ahoana no ahafahan’io firenena io hihevitra, fa, ny mandà ny hafatr’ilay lehilahy feno volon-tava tahaka an’io, tsy nanao fitafiam-pisorona, sy ny sisa, dia ho fanamelohana azy?

Ahoana no nataon’i Egypta, ilay mpitondra an’izao tontolo izao, ireo farao, ary ireo kilasiny sy fahambonianay? Tsy tonga eo amin’io toerana io intsony izao tontolo izao, ao amin’ny siansa sy ny sisa. Ahoana no nahafahan’izy ireo nihevitra, fa ny mandà mpaminany antitra iray valopolo taona, miaraka amin’ireo volombava nidina, volo fotsy, nigadogadona tany, mpitsoaka anankiray? Ary nivoaka avy tao niaraka tamin’ny hafatra iray hoe, “Na ianao hamela azy ireo handeha, na ho ravan’Andriamanitra ny firenena.” Ahoana no nataon’i Farao? “Hankato ahy ianao, ry Farao.”

<sup>128</sup> Hoy Farao hoe, “Hankato?” Oh, izy, Farao! Ary lehilahy antitra anankiray, “Antitra iray very saina,” nieritreritra izy ireo hoe, “ny mihodina amin’ny olona iray tahaka an’io ve, dia haharava firenena iray?” Saingy nanao an’izany ilay izy. Oh, oadray!

Ndao isika hijanona, hiatu minitra vitsy ary hanao vavaka iray, dia hieritreritra. Andro inona no iainantsika? Aiza ho aiza isika? Taona anankiray moderina, siantifika. Tsaratsara kokoa amintsika ny mieritreritra. Angamba, raha hijanona ianareo, raha hijanona ny olona ka hivavaka vetivety, ary hieritreritra kely fotsiny, dia hahatsapa ho tsaratsara kokoa aorian’ny hanaovanareo an’izany. Marina izany.

<sup>129</sup> Tsy fitaovana iray ny Kristiana, na karazana fiasana mekanika ho an’ny fombam-pivavahana goavana be anankiray. Marina izany. Ny Kristiana dia tsy fitaovana anankiray izay hanao ny rafi-pandaminana ara-pivavahana iray hihetsika. Ny Kristiana, tsy izany ny Kristiana. Ny Kristiana dia tsy maintsy ho tahaka an’i Kristy. Ary ny Kristiana dia tsy mety ho Kristiana raha tsy miditra ao amin’ilay olona i Kristy, ilay Fiainan’i Kristy no ao aminy. Avy eo dia izany no mamokatra an’ilay Fiainana izay niainan’i Kristy, ary manao an’ireo zavatra izay nataon’i Kristy ianareo.

<sup>130</sup> Inona no resahako? Fiarahana manokana amin’i Kristy. Inona izany? Mendrika ny Filazantsara ve ny fiainanareo?

Ankehitriny dia miezaka ny mametraka an’izany fototra izany eto aho, mba haneho aminareo fa, ireo lehilahy sy vehivavy dia vehivavy nanan-daza, lehilahy.

<sup>131</sup> Ny Baiboly no nilaza. Efa mba voamarikareo ve? Tamin’ny Alahady hariva lasa, zavatra anankiray izay adinoko ny nametraka azy, Genesisy ny toko faha-6 ary ny andininy faha-4. “Ireo lehilahy izay naka an’ireo vehivavy ireo, ho vady, dia lehilahy hatrizay ela izay, nanan-daza.” Lehilahy nanan-daza, voalaza mialoha fa hiverina indray. “Tahaka ny tamin’ny andron’i Noa, dia ho toy izany koa amin’ny Fihavian’ny Zanak’olona.” “Lehilahy nanan-daza no naka vehivavy,” tsy vady, “vehivavy; nanaraka nofo hafahafa.”

<sup>132</sup> Jereo ao Angletera, herinandro vitsy lasa izay. Jereo ao Etazonia. Jereo eny rehetra eny, feno fivarotan-tena. Lehilahy malaza, lehibe, ambony toerana, mitondra fahafaham-baraka eo amin’ny firenena, manenjika vehivavy. Ilay lehilahy malaza any Angletera, karazana mpanjakany ady anankiray, mitovy, nahoana, efa mba voamarikareo ve, nanana vady tsara tarehy anankiray izy. Teto ny sariny, taloha. Jereo ilay mpivaro-tena Rosiana, fa tena niakanjo nampiseho vatana izy, ary namoaka ny tenany teo, mba hampiseho ny nofom-behivaviny. Ary dia lavo tamin’izany ilay lehilahy.

<sup>133</sup> Ny ilaintsika amin'izao andro izao dia zanakalahin'Andriamanitra. Mila lehilahy isika ao amin'ny governemanta, izay zanakalahin'Andriamanitra. Marina izany. Noho izany, mpanjaka tsara iray, masina no hampijanona an'io fahadalana rehetra io. Tsy hisy tady ho sintonina intsony. Tahaka ny nataon'i Davida, nasiany fijanonana teo amin'izany. Azo antoka fa nasiany, satria mpanjaka izy. Ary nisy fotsiny . . .

<sup>134</sup> Ny tena fanao, dia, Andriamanitra ho Mpanjaka, ary Andriamanitra mandefa mpaminany iray. Tsy niteny tamin'izy ireo ve i Samoela talohan'ny nahazoan'izy ireo mpanjaka iray? Hoy izy hoe, "Andriamanitra no Mpanjakanareo. Efa mba niteny zavatra taminareo tamin'ny Anaran'ny Tompo ve aho ka tsy niseho?"

Hoy izy ireo, "Tsia. Marina izany."

"Efa mba nangataka taminareo ny fanananareo ve aho?"

"Tsia. Tsy mbola nangataka fananana iray taminay mihitsy ianao."

"Tsy niteny na inona na inona taminareo mihitsy afa-tsy izay marina aho, teo anatrehan'ny Tompo." Hoy izy, "Andriamanitra no Mpanjakanareo."

<sup>135</sup> "Oh, fantatray izany. Ary fantatray fa lehilahy tsara anankiray ianao, ry Samoela. Mino izahay fa ny Tenin'ny Tompo no tonga aminao, saingy mila mpanjaka anankiray izahay, na izany aza." Hitanareo? Izany no azon'izy ireo.

<sup>136</sup> Nila rafi-pandaminana anankiray ny Pentekosta, na izany aza. Azony izany. Marina izany. Te-hitovy amin'ny sisa amin'ireo fiangonana izy. Mitovy ianareo. Mandehana àry, fa, izany fotsiny ihany no ilaina. Saingy Andriamanitra no Mpanjakantsika. Andriamanitra no Mpanjakantsika. Eny, tompoko.

<sup>137</sup> Inona izany? Satria ny olona, tahaka ny nataon'izy ireo tamin'ny andron'i Kristy, tahaka ny ananan'izy ireo ao amin'ny taona tsirairay, dia mahita fialana iray izy ireo. Manana an'ireo fanekem-pinoany manokana izy ireo. Mety tsy te-hiteny ianareo hoe, "Izaho—izaho efa nividy ombivavy anankiray, ary tsy maintsy handeha hijery aho na izy—izy hiasa na tsia, na hanome ronono, na—na firazanana inona izy." Mety tsy manana an'izany fialana izany ianareo.

Fa izao no karazana fialana izay mety ho lazain'ny olona hoe, "Presbyterana aho. Tsy mino an'Izany izahay. Batista aho. Tsy mino ny zavatra tahaka an'Izany izahay. Eny, Loterana aho." Eny, tsy misy idiran'izany amin'ilay Izy. Tsy midika izany fa hoe Kristiana ianareo. Izany dia midika fa mikambana amin'ny andian'olona iray ianareo izay voarafitra. Ary mikambana amin'ilay sampana Loterana ianareo, ilay sampana Batista, ilay sampana Pentekotista. Tsy misy izany hoe Fiangonana Pentekotista izany. Tsy misy izany hoe Fiangonana Batista

izany. Sampana Batista ilay izy, sampana Pentekotista, sampana Presbyterana.

Fa Fiagonana anankiray ihany no misy. Ary fomba anankiray ihany no hahafahanareo miditra ao amin'Izany, ary izany dia amin'ny alàlan'ny Fahaterhana. Teraka ao amin'ilay Fiagonan'i Jesosy Kristy ianareo, ary mpikambana iray an'ny Vatany, an'ilay solontena ara-panahin'ny Lanitra. Avy eo ireo famantarana, fa hoe momba anareo Kristy, dia velona maharitra ao aminareo.

<sup>138</sup> Ry Kristiana, oh, tsy maintsy manana fiarahana manokana amin'Andriamanitra ianareo. Mba ho lasa zanak'Andriamanitra iray, dia tsy maintsy manana firaisansa amin'Andriamanitra ianareo. Tsy maintsy Rainareo Izy, mba hahatonga anareo ho zanaka iray. Ary ireo Zanakalahiny sy zanakavaviny irey ihany no voavonjy, fa tsy ireo mambran'ny fiagonana iray, fa ireo zanakalahy sy ireo zanakavavy. Zavatra anankiray ihany no hamokatra an'izany, izany dia ny Fahateraham-baovao. Ny Fahateraham-baovao no zavatra tokana izay hamokatra fiarahana amin'Andriamanitra. Marina ve izany? [Hoy ny fiagonana hoe, "Amena."—Mpand.] Ireo zanakalahy sy ireo zanakavavy. Avy eo rehefa miseho izany, amin'izay fotoana izay ireo lehilahy...

<sup>139</sup> Ity ny fanontaniana izay tiako apetraka aminareo. Hoy ilay lehilahy, "Inona àry no ataonay rehefa avy nateraka indray izahay?" Maro no mametraka an'izany fanontaniana izany amiko. "Inona àry no tokony hataoko, Rahalahy Branham?" Raha nateraka indray ianareo, dia ny natioranareo manontolo no niova. Maty amin'ireo zavatra izay nosaininareo taloha ianareo.

<sup>140</sup> "Eny," hoy ianareo, "Rahalahy Branham, rehefa nikambana tamin'ny fiagonana aho, dia nahazo an'izany."

Eny, amin'izay fotoana izay, rehefa, hoy Andriamanitra hoe, "Jesosy Kristy no tsy miova omaly, anio, ary mandrakizay. Mbola manasitrana ny marary Izy. Mbola maneho fahitana Izy."

"Saingy, Rahalahy Branham, ny fiagonako!" Ankehitriny, tsy nateraka indray ianareo. Hitanareo? Tsy mety ho izany ianareo; satria, raha ilay tena Andriamanitra, raha ny Ainy no ao aminareo, tahaka anareo ao amin'ny ain'ny rainareo. Raha ilay tena Ain'Andriamanitra no ao aminareo, ilay tena Fanahy izay tao amin'i Kristy, no ao aminareo, ahoana no hahafahan'ilay Fanahy niaina tao amin'i Jesosy Kristy ka nanoratra an'Ity, nefá avy eo dia miverina indray ao aminareo ka mandà an'Izany? Hitanareo? Tsy afaka manao an'izany izy. Izany dia hanindry mafy ny Teny tsirairay ho marina.

<sup>141</sup> Avy eo, raha hoy ianareo hoe, "Eny, izaho dia mambra tsara anankiray an'ny fiagonana." Tsy misy idiran'izany amin'ilay Izy.

Izaho mahafantatra an'ireo mpanompo sampy. Tany Afrika, teo anivon'ireo rahalahiko mainty tany, dia nahita ny fitondran-tenan'ireo olona ireo aho ambony lavitra noho—noho ny an'ny sivifolo isan-jaton'ny vahoaka Amerikana. Nahoana, tao amin'ireo foko sasany tany, raha tovovavy anankiray no tsy nanambady hatreо amin'ny hahatongavany amin'ny taona anankiray, na rehefa mahazo halehibe anankiray izy ka tsy misy olona mbola naka azy, dia fantatr'izy ireo fa misy zavatra tsy mety ao. Roahin'izy ireo izy. Esoriny ilay lokon'ny foko, dia mandeha any an-tanàna izy, amin'izay fotoana izay dia lasa jiolahim-bavy anankiray fotsiny izy. Ary rehefa manambady izy, dia tsapaina ny maha-virijiny azy. Raha simba ilay voaly kely maha-virijiny, dia tsy maintsy milaza izy hoe iza no nanao an'ilay izy. Ary vonoin'izy ireo izy roa, miaraka. Tsy ho betsaka ve ny famonoana eto Amerika raha izany no niseho? [Hoy ny fiangonana hoe, "Amena."—Mpand.] Hitanareo? Dia ianareo ve no miantso azy ireny ho mpanompo sampy? Oh, oadray! Afaka tonga izy ireo hampianatra ny olona, izay miantso ny tenany ho mambran'ny fiangonana, hoe ahoana no fiainana madio. Marina izany.

<sup>142</sup> Tsy nahita fisehon'aretin'ny fananahana anankiray mihitsy aho tamin'ny diako manontolo tany Afrika Atsimo. Tsy manana an'izany karazan-javatra izany izy ireo. Eo ianareo izao. Hitanareo? Ilay izy dia ireo fomba maloto ratsy antsika manokana mihitsy, amin'ny maha-fotsy hoditra. Marina izany. Nanalavitra an'Andriamanitra.

<sup>143</sup> Rehefa miseho izany, ny zavatra hataonareo avy eo, dia hahita ianareo fa ilay Fanahy izay miditra ao aminareo, avy amin'ilay Fahateraham-baovao, dia hino ianareo ary hanao ny zavatra rehetra izay lazain'Andriamanitra ao amin'ny Teniny fa tokony hataonareo. Ary ny zavatra rehetra izay tononin'ny Baiboly mba hataonareo, dia ho tsindrinareo mafy izany amin'ny "amen." Ary tsy hijanona ianareo, andro aman'alina, mandrapahazoanareo an'ilay izy. Marina izany. Marina izany. Ary amin'izany fotoana rehetra izany, ianareo dia hitondra tokoa, ambonin'ny zavatra rehetra, an'ilay vokatry ny Fanahy.

<sup>144</sup> Hoy ianareo hoe, "Hiteny amin'ny fiteny tsy fantatra ve aho?" Mety hanao an'izany ianareo, ary mety tsy hanao ianareo. "Hiantsoantsvo aho?" Mety hanao an'izany ianareo. Mety tsy hanao ianareo.

Fa misy zavatra anankiray izay azo antoka fa hataonareo. Hitondra ny vokatry ny Fanahy ianareo. Ary ny vokatry ny Fanahy dia fitiavana, fifaliana, fiadianana, finoana, fiaretana, fahamoram-panahy, fahalemem-panahy, faharetana. Ny hatezeranareo dia tsy ho, "Oooh!" Tsarovy fotsiny, raha izany no ataonareo, dia izay no poizina mampanalavitra ny Fanahy Masina aminareo. Hitanareo? Rehefa tonga eo amin'ny toerana anankiray ianareo izay itiavanareo hifamaly amin'ny olona

rehetra izay mihaona aminareo, dia misy zavatra tsy mety ao. Rehefa tonga eo amin'ny toerana anankiray ianareo izay ny... mpitoriteny iray no hamaky avy ao amin'ny Baiboly, hoe ratsy ny manao zavatra anankiray, ary, ianareo dia... Tsarovy fotsiny, tsy misy Kristianisma mihitsy ao amin'izany. Izany ankehitriny dia, hoe, "Ny voany no hahafantaranareo azy ireny." Izany no nolazain'i Jesosy. Hitanareo?

<sup>145</sup> Raha izany no Teny, ary Andriamanitra no niteny an'izany, ilay Fanahy ao anatinareo dia hahatanty an'izany Teny izany, isan'andro. Satria, ny Fanahy Masina tena izy dia hahatanty ny Teny, satria ny Teny dia Aina sy Fanahy. Hoy Jesosy hoe, "Ny Teniko dia Aina." Ary raha manana ny Fiainana Mandrakizay ianareo, ary Izy no Teny, dia ahoana no hahafahan'ny Teny handà ny Teny? Hitanareo? Karazan'olona inona no hanaovanareo an'Andriamanitra? Izany no zavatra anankiray hahafantarana, fa Kristiana anankiray ianareo, dia rehefa manaiky tanteraka ny Tenin'Andriamanitra rehetra ianareo.

<sup>146</sup> Ary mahita ny tenanareo ao anatin'ny fitiavana ny fahavalonareo ianareo. Olona anankiray no nanao hoe, "Eny, tsy misy afa-tsy holy-roller iray izy." Dia ianareo no manomboka lasa... Mitandrema tsara. Mitandrema tsara. Fa rehefa tena hitanareo, ny tenanareo, fa tia azy ianareo! Tsy mijery izay ataon'izy ireo, fa mbola tia azy ireo foana ianareo. Hitanareo?

<sup>147</sup> Amin'izay fotoana izay ianareo no manomboka mahita, ary ny faharetanareo dia manomboka amin'izao halava izao, mandra-pahatongan'ilay izy tsy manam-pahataperana mihitsy. Misy olona miresaka zavatra tsy an-kijanona mikasika anareo, "Eny, tsy ahoako izay lazainao!" Aza taitra. Raha taitra ianareo, dia tsaratsara kokoa ho anareo ny mivavaka aloha, alohan'ny hiresahanareo amin'izy ireo indray. Hia. Hia.

Aza miditra ao anatin'ny fifamaliana mihitsy. Aza tia miditra ao anatin'ny fifamaliana; raha ohatra ka mahita olona iray ianareo mitsangana ao am-pianganana, manao hoe, "Mba fantatrareo moa? Ho lazaiko aminareo, *Ranona-sy-ranona* nanao an'izao-sy-izao."

Lazao hoe, "Ankehitriny, rahalahy, mbà menatra ianao."

<sup>148</sup> Raha hoy ianareo hoe, "Oh, izany ve?" Hihaino an'izany fahatafintohinana izany ve? Mitandrema.

Tsy lavapiringa ny Fanahy Masina. Hitanareo? Tsia, tsia. Tsia, tsia. Ny fo izay onenan'ny Fanahy Masina, dia feno fahamasinana, fahadiovana. "Tsy misaina ratsy, tsy manao ratsy; mino ny zavatra rehetra; miaritra, fiaretana." Hitanareo?

<sup>149</sup> Aza mifamaly. Rehefa miditra ao anatin'ny fifamaliana iray ny fianakaviana, dia aza mifamaly miaraka amin'izy ireo. Raha hoy ny reninareo hoe, "Izaho dia tsy mila anao mandeha any, amin'io fianganana trainainy io, intsony. Eny, ianao, izay rehetra

eritreretinao ankehitriny, hamela ny volonao haniry ianao. Mitovy amin'ny renibe anankiray ianao.” Aza mifamaly aminy.

Manaova hoe, “Eka, neny. Tsara izany. Tiako ianao, tsy miova mihitsy. Ary hivavaka ho anao aho raha mbola velona koa aho.” Hitanareo?

<sup>150</sup> Ankehitriny, aza mifamaly. Hitanareo? Ny hatezerana miteraka hatezerana. Ny zavatra voalohany fantatrareo, dia mampalahelo ny Fanahy Masina manalavitra anareo ianareo, mbola hifamaly indray ianareo. Amin’izay fotoana izay dia handray ny Fanidinany ilay Fanahy Masina. Ny hatezerana miteraka hatezerana.

Ary ny fitiavana miteraka fitiavana. Aoka ho feno fitiavana. Hoy Jesosy hoe, “Izao no hahafantaran’ny olona rehetra fa Mpianatro ianareo, rehefa manana fitiavana ianareo, ny iray ho an’ny hafa.” Izany no vokatry ny Fanahy Masina, fitiavana.

<sup>151</sup> Ary mba efa fantatrareo ve, fa ianareo dia mpamorona kely, ny tenanareo? Fantatratreo ve izany? Izany tokoa. Nahita olona izay tianareo fotsiny ianareo eny amin’ny manodidina. Tsy fantatrareo hoe nahoana. Ilay karazan’olona tiana fotsiny. Efa mba nahita an’izany ve ianareo? [Hoy ny fiangonana hoe, “Amena.”—Mpand.] Tena tsara fanahy fotsiny, eo, izay tianareo ny hiaraka amin’izy ireny. Izany dia... Izy ireo no mamorona an’ilay rivotra iainana, amin’ny alàlan’ilay fiainana izay iainany, ny fomba firesahany, ireo resany.

Avy eo, dia hitanareo ireo izay, isan’andro, ianareo—ianareo dia manalavitra azy ireny. Amin’ny fotoana rehetra, dia tia miresaka mikasika zavatra ratsy izy ireo, ary miresaka mikasika olona anankiray. Hoy ianareo hoe, “Oh, oadray! Indreny izy ireo fa tonga. Hitsikera olona eo indray izy ireo. Eto indray izy ankehitriny, hiresaka mikasika an’ity lehilahy ity indray izy. Ny hany hataon’izy ireo dia ny hiteny vazivazy ratsy, na zavatra mikasika an’ireo vehivavy, na zavatra tahaka an’izany.” Halanareo fotsiny ilay hanakaiky azy ireo. Hitanareo? Mamorona izy ireo. Raha jerena, dia olona tena mahafinaritra, saingy mamorona an’izany rivotra iainana izany izy ireo.

Ary ireo zavatra izay eritreretinareo, ireo zavatra izay ataonareo, ireo fihetsika, ireo zavatra izay resahanareo, dia mamorona rivotra iainana anankiray.

<sup>152</sup> Niditra tao amin’ny biraon’ny lehilahy anankiray aho, eto amin’ity tanàna ity. Ary ilay lehilahy dia mpiandraikitra iray, na diakona iray, izany izy, ao amin’ny fiangonana tsara tarehy anankiray. Niditra tao aho mba hijery an’io lehilahy io momba ny raharaha iray. Ary nisy radio teo, niaraka tamin’ilay rock-and-roll na twist, na inona koa ilay izy, tena mafy be arak’izay tratra. Ary ataoko fa nisy peta-drindrina efapolo tao amin’ilay biraony, an’ireo vehivavy mitanjaka. Ankehitriny, tsy afaka miteny amiko ianareo hoe toy inona ny maha-diakona anareo,

na mihoatra noho ny inona. Avelao aho hahita izay jerenareo, sy izay vakianareo, ary ny karazan'ny mozika izay henoinareo, ireo vahoaka izay ikambananareo, dia holazaiko aminareo hoe karazana fanahy inona no ao anatinareo. Hitanareo? Hia.

<sup>153</sup> Mandre olona iray ianareo manao hoe, “Izaho ve hanao an’izao-sy-izao? Io andiana...” Tsarovy fotsiny, tsy ahoako izay lazainy. Mirenty kokoa ireo teniny. Ireo fihetsiny dia mirenty kokoa noho ny zavatra azony lazaina. Afaka mijoro vavolombelona izy, milaza fa Kristiana anankiray izy, azo antoka, ary angamba manao zavatra. Saingy diniho fotsiny ilay karazam-piainana iainany. Izany no miteny hoe inona ilay izy.

<sup>154</sup> Ankehitriny, azonareo eritreretina ve fa, ny lehilahy anankiray miaraka amin’ny fiainana iray dia hanao hoe, “Ny mino ny fanasitranana avy amin’Andriamanitra, izany dia zavatra ho an’ny vorona. Efa tany amin’ny taona maro lasa izany. Tsy misy zavatra tahaka an’izany amin’izao andro izao”? Izany ve no fiainana iray mendrika ny Filazantsara, fa, “Voalefona Kristy noho ny fahadisoantsika, ary ny dian-kapoka Taminy no nanasitranana antsika”? Hoy ianareo hoe, “Fa diakona anankiray aho.” Tsy ahoako. Mety ho eveka anankiray ianareo.

<sup>155</sup> Rehefa nandre ny Eveka Sheen aho nilaza, teo amin’ny roa taona lasa teo izay, raha tonga teto; tsy nandre azy intsony indray. Rehefa nilaza izy hoe, “Ny lehilahy iray izay hino sy hiezaka ny hiaina araka an’ity Baiboly ity, dia mitovy amin’ny olona miezaka ny mandeha ao amin’ny ranom-potaka.” Eveka Sheen, avy eo dia nihodina, nanao hoe, “Rehefa tonga any An-danitra aho, mba fantatrareo moa? Rehefa mihaona amin’i Jesosy aho, dia hiteny Aminy aho hoe, ‘Izaho no Eveka Sheen,’ ary Izy hanao hoe, ‘Oh, eny, efa nandre ny Reniko niresaka ny aminao Aho.’” Fanompoan-tsampy, ireo olona izay hiteny ratsy an’ity Teny ity. Andriamanitra anie hamindra fo. Tsy izaho no mpitsara. Hitanareo?

Ity Teny ity no Fahamarinana. Marina. Ary ny Fanahin’Andriamanitra dia hahafantatra ny Sorany Manokana. Voatondro amin’ny alàlan’ny Sorany Izy. Izany—Izany—Izany no miresaka ny Aminy. Ary ianareo dia voatondro amin’ny alàlan’ny finoana Azy, ary Izy no manome anareo ny karanondronareo.

<sup>156</sup> Aza mifamaly amin’ny hafa. Ary aza—aza manao an’ireny fifamaliam-pianakaviana ireny, araka ny nolazaiko. Ny fitiavana miteraka fitiavana. Ary ny hatezerana miteraka hatezerana.

<sup>157</sup> Ankehitriny, ankehitriny ndao isika handinika. Jereo Jesosy, mandritry ny iray minitra fotsiny. Izy no ohatra ho anareo. Manantena aho fa tsy reraka loatra ianareo. Jereo. Ndao isika hijery an’i Jesosy, iray minitra fotsiny. Izy no ohatra ho antsika. Izy no niteny an’izany. “Fa ohatra no Nomeko

anareo, mba hanaovanareo amin'ny hafa tahaka an'izay Nataoko taminareo."

<sup>158</sup> Ankehitriny diniho. Rehefa tonga teo amin'izao tontolo izao Izy, rehefa nisy maro, tsy finoana be dia be mihitsy tamin'izany teto amin'izao tontolo izao noho izay efa nisy, tsy nampihena Azy akory aza izany. Nanohy avy hatrany Izy nitory fotsiny tahaka an'izany, ary nanasitrana fotsiny tahaka an'izany. Tsy nanelingelina Azy mihitsy. Nisy ireo mpitsikera teo. Ilay Lehilahy dia voatsikera hatramin'ny fotoana naha-zaza Azy ka hatramin'ny Nahafatesany teo amin'ny hazo fijaliana. Nampijanona Azy ve izany? Tsia, tompoko. Inona ilay Tanjony? "Manao foana an'izay nosoratan'ilay Ray. Manao foana an'izay nahafaly Azy."

<sup>159</sup> Jereo Jesosy. Miresaka ny amintsika manetry ny tenantsika ve? Rehefa Andriamanitra Tenany no lasa zaza anankiray, raha tokony ho tonga tao amin'ny fa-farafaran-jaza kely anankiray tany amin'ny trano mendrika iray tany, dia teraka tao amin'ny antontan-jezika anankiray tao anaty tranon'omby, teo anivon'ireo zanak'omby niantsoantso. Nofonosin'izy ireo lamba rovidrovitra Izy, izay avy teo amin'ny vozon'ny ziogam'omby anankiray. Ilay mahantra indrindra amin'ny mahantre indrindra, fa, kanefa, ilay Mpamorona ny lanitra sy ny tany.

<sup>160</sup> Hariva anankiray nangatsiaka, nanorana, hoy izy ireo hoe, "Mpampianatra, handeha hody hiaraka Aminao izahay."

<sup>161</sup> Hoy Izy hoe, "Ny amboadie manana lavaka, ary ny vorona manana akany, fa Izaho kosa tsy mba manana na dia toerana iray hametrahana ny Lohako aza."

Andriamanitra, Jehovah, nanetry ny Tenany ary tonga Olona iray; naseho tao anatin'ny nofo mpanota, mba hanavotra ahy sy ianareo. Iza isika amin'izay fotoana izay? Izy no ohatra ho antsika. Iza aho? Tsinontsinona.

<sup>162</sup> Niteny tamin'ny olona anankiray aho, izao tolakandro izao, tao amin'ny favoriana kely iray. Hoy aho hoe, "Ny zanaka tsirairay izay naterak'Andriamanitra dia tsy maintsy zahan-toetra, aloha, faizina." Tsaroako rehefa nahazo ny ahy aho, na ny orako lehibe indrindra. Rehefa ny—ny olona no nateraka indray, dia misy teboka iray, tahaka ny halehiben'ny hohony, izay atsosok'Andriamanitra ao anatin'y, fomba, ary milatsaka ao am-pony izany ary mifantsika ao. Avy eo dia asain'i Satana manaporofa an'izany izy. Ary raha tsy ao izany, dia vita ny aminareo.

<sup>163</sup> Tsaroako tany amin'ilay hopitaly, teo amin'ny roa amby roapolo taona teo aho, telo amby roapolo, angamba, tamin'izany, mbola tovolahy iray aho. Ary ny raiko, maty teo an-tsandriko, nefo izaho niteny fa mpanasitrana Andriamanitra. Ary ny raiko manokana dia tao anatin'ny aretim-po, nampandry ny lohany

teo amin'ny sandriko, ary izaho nivavaka ho azy; ary hitako izy nanodina an'ireo masonry ka njery ah, ary nidaraboka, lasa nihaona amin'Andriamanitra. Nentiko izy ary naleviko teo anilan'ny rahalahiko, ary mbola tsy nalazo ireo voninkazo teo amin'ny fasany, ary izaho dia nitory Andriamanitra anankiray izay manasitrana ny marary. Niasa tao amin'ny Orin'Asam-Panjakana, tamin'ny roapolo cents isan'ora, ary ny vadiko niasa teto tao amin'ny orin'asa mpanao lobaka; mba hanampy anay hamelona ny zanakay lahy kely valo ambin'ny folo volana, Billy Paul, ary zaza iray valo volana izay nentiny.

Nahita an-dRanabavy Wilson nanatoka ny lohany aho. Mahatsiaro an'izany izy; Roy Slaughter sy ny sasany amin'ireo tranainy.

<sup>164</sup> Inona no nataoko? Nandeha teny an-dàlambe, niaraka tamin'ny mofo nisy hena iray teny an-tànako, nidina teo amin'ilay andry, ary nijoro vavolombelona teo amin'ny olona rehetra izay nandaloo, ny amin'ny fitiavan'i Jesosy Kristy. Nandeha tany amin'ireo trano fitoeran'ny fiaran'izy ireo ary nanontany azy ireo raha afaka mampiassa an'ilay izy aho, niresaka tamin'ny mpanamboatra fiara. Niditra tao aho, nanao hoe, "Ry lehilahy, efa mba voavonjy ve ianareo? Nahita zavatra anankiray tato am-poko aho." Niditra tao amin'ny trano kely fivarotana aho tamin'ny andro alina. Nody tamin'ny roa na tamin'ny telo ny maraina, rehefa avy nitsidika marary ny alina manontolo. Tsy afaka... Nipetraka fotsiny aho, nisolo akanjo ary nametraka an'ireo akanjo fitondrako miasa. Ary nipetraka teo amin'ilay sezà ary niala sasatra hatramin'ny fiposahan'ny andro, nitsangana dia nandeha. Ary tena nahia, noho ny fifadian-kanina sy ny vavaka, hany ka tsy maintsy nivavaka aho mba hametraka an'ireo fantsy eo amiko, mba hiakarana amin'ny andry anankiray. Nitory teny, ary nitory teny, "Andriamanitra dia lehibe, Andriamanitra dia famindram-po, Andriamanitra dia fitiavana," tamin'ny olona.

Ary, teto, ny dadako no maty teo an-tsandriko. Ary ireo rahalahiko maty, novonoina raha mbola nitsangana teo amin'ny polipitra aho teto tao amin'ilay fiangonana kely, Pentekotista an'ny maitytso hoditra, nitory teny. Nisy nilaza tamiko hoe, "Novonoina any amin'ny lâlana lehibe ny rahalahinao. Fiara iray no nandona azy ary namono azy." Ny rân'ilay rahalahiny manokana nitete teo amin'ny lobany, rehefa naka azy teo amin'ilay lâlana lehibe izy. Vao avy nandevina azy mihitsy aho, dia maty ny dadako. Avy eo, dia io nandry tao io ilay vadiko.

<sup>165</sup> Dia nandeha aho, tonga teto amin'ity tabernakla ity. Avy eto amin'ity, izay ijoroan'ity lampihazo ity, no nilazako tamin'ny olona, enim-bolana talohan'ny nitrangan'izany hoe, "Hisy tondra-drano ho tonga. Ary nahita Anjely iray aho nandray tehina anankiray, ary nandrefy, 'Roa amby roapolo dian-tongtra ny any Spring Street.'"

Sandy Davis sy ireo izay nipetraka teo, dia nihomehy, nanao hoe, “Teo amin’ny valo na folo zehy teo izany tamin’ny 1884, ry tovolahy. Inona no nireshaka taminao?”

<sup>166</sup> Hoy aho hoe, “Ho tonga izany. Satria, nahita ny anankiray tamin’ireo tsindrimandry ireo aho, ary izany no Nolazainy tamiko. Ary ho tonga eo izany.” Ary misy marika iray any Spring Street, amin’izao andro izao, teo amin’ny rano roa amby roapolo dian-tongotra. Hoy aho hoe, “Nandeha teo amin’ny tampon’ity tabernakla ity aho tao anaty lakana anankiray.” Ary nataoko izany.

<sup>167</sup> Nandritr’izany fotoana izany, dia narary ny vadiko. Nivavaka ho azy aho. Ary tonga tao amin’ny tabernakla aho, niandry azy ny olona. Hoy aho hoe, “Eo an-dàlam-pahafatesana izy.”

“Oh, tena ny vadinao mihitsy, izany.”

<sup>168</sup> Hoy aho hoe, “Eo an-dàlam-pahafatesana izy.”

Nandeha tany aho ary nivavaka dia nivavaka dia nivavaka. Ary natsotrako ny tànako. Noraisiny ny tànako. Hoy izy hoe, “Billy, hihaona aminao aho amin’ilay maraina, hitsangana Any.” Hoy izy, “Angony miaraka ireo ankizy ary mihaonà amiko ao amin’ilay Vavahady.”

<sup>169</sup> Hoy aho hoe, “Manomboha fotosiny miantsoantso hoe, ‘Bill.’ Ho Any aho.” Hitanareo? Ary dia lasa izy. Napetrako tao amin’ilay tranom-paty izy.

Nandeha tany an-trano aho, mba handry. Ary rehefa nanao aho... Nijanona niaraka tamin-dRtoa. Broy sy izy ireo i Billy Paul kely, tena narary. Niandry azy ho faty amin’ny fotoana rehetra ilay dokotera. Izaho nivavaka ho an’i Billy. Ary indro tonga Rahalahy Frank ary naka ahy. Hoy izy, “Eo an-dàlam-pahafatesana ny zanakao, ilay zazavavy kely.”

<sup>170</sup> Nandeha tany amin’ny hopitaly aho. Tsy namela ahy hiditra i Dokotera Adair, nanao hoe, “Tratry ny meningite izy. Hamindra an’ilay izy amin’i Billy Paul ianao.” Nangataka an’ilay mpanampy izy hanome ahy karazana fanafody menamena iray halaina, mba ho karazana anestezika iray, zavatra anankiray mba hampitony ahy. Ary niandry azy ireo handao an’ilay efitra aho, nanipy an’ilay izy tany amin’ny varavarankely. Nivoaka moramora tao amin’ilay varavarana taoriania aho, nidina tany ambany rihana.

Teo no nandry ilay zaza, teo anoloan’ilay hopitaly, ilay efitrano voatokana, ireo lalitra rehetra teo amin’ireo maso keliny tahaka an’izany. Nalaiko ilay fiarova-moka trainaing, nokopahako hiala izy ireo, ary napetrako teo aminy ilay izy. Nitolefika aho, hoy aho hoe, “Andriamanitra, mandry ao ireo dadako sy rahalahiko, any, sy ireo voninkazo eo amin’ireo

fasany. Mandry ao i Hope, mandry any. Ary ity ny zanako, eo andàlam-pahafatesana. Aza alaina izy, Tompo.”

<sup>171</sup> Nampidininy fotsiny ilay lambam-baravarana, toy ny miteny hoe, “Mangina. Izaho tsy te-handre anao, intsony mihitsy.” Tsy te-hiresaka tamiko akory aza Izy.

<sup>172</sup> Tamin’izay fotoana izay, raha tsy te-hiresaka tamiko Izy, dia izany no fotoan’i Satana. Hoy izy hoe, “Ary izaho dia nihevitra fa ianao no nilaza fa Andriamanitra tsara anankiray Izy. Inona ity antsoantsoinao ity? Tovolahy iray fotsiny ianao. Jereo ny manodidina, eran’ny tanàna. Ny zazavavy tsirairay sy ny zazalahy tsirairay izay nikambananao dia mihevitra fa very ny sainao. Very saina ianao.” Ankehitriny, tsy afaka niteny tamiko izy hoe tsy misy Andriamanitra, satria izaho efa nahita Azy. Fa nilaza tamiko izy hoe tsy niraharaha ahy Izy.

<sup>173</sup> Nipetraka aho ny alina manontolo, ny andro manontolo. Izao no nolazaiko tamin’Andriamanitra, “Inona no nataoko? Asehoy ahy, Tompo. Aza avela hijaly noho ny amiko ilay tsy manantsiny, raha nanao ratsy aho.” Tsy fantatro fa nizaha toetra ahy Izy. Saingy ny zanaka rehetra izay manatona an’Andriamanitra dia tsy maintsy zahan-toetra. Hoy aho hoe, “Lazao ahy izay nataoko. Hahitsiko izany. Inona no nataoko afa-tsy ny mitory teny ny andro manontolo, ny alina manontolo, ary manome Azy ny fiainako, tsy an-kitsahatra? Inona no nataoko?”

Hoy Satana hoe, “Marina izany. Hitanao, ankehitriny, rehefa tonga eo aminao ilay izy, ary ianao no niteny tamin’izy rehetra ireo fa ianao dia mino fa Izy dia mpanasitrana lehibe, nefà io mandry eo io ny zanakao, an-dàlam-pahafatesana. Mandà ny hihaino mihitsy aza Izy. Ny vadinao dia matin’ny raboky ny havokavoka. Ianao nilaza fa afaka manasitrana homamiadana Izy, ary io Izy eo. Ankehitriny, ianao no nilaza Azy ho tsara, ary tsara toy ny inona Izy eo amin’ny olona. Ahoana ny aminao?”

<sup>174</sup> Avy eo dia nanomboka nihaino azy aho. Izany ilay mandanjalanja. Nieritreritra aho hoe, “Marina izany.”

Hoy izy, “Afaka miteny Izy. Tsy milaza ny Teny Izy. *Mijery* fotsiny an’ilay zanakao, dia ho velona izy.”

Hoy aho hoe, “Marina izany.”

“Ary arakaraka ny habetsahan’izay nataonao ho Azy, kanefa dia izao no Ataony ho anao.”

<sup>175</sup> Hoy aho hoe, “Marina izany.” Nanomboka nieritreritra aho. “Eny, inona?” Hitanareo? Manomboka potika ny zavatra rehetra, rehefa tonga eo amin’ireo fiheverana ilay izy. Fa, rehefa tonga eo amin’Ity, dia Ity no mampitsahatra. Nijanona teo ilay izy. Efa saiky vonona mihitsy aho ny hiteny hoe, “Noho izany dia hiala aho.”

Saingy rehefa tonga eo amin’ilay fahapotehan’ireo herin’ny fiheverana rehetra ilay izy, amin’izay fotoana izay dia tonga

amin'ilay Fiainana Mandrakizay izany, ilay Fahateraham-baovao. Ahoana moa raha tsy teo Izany? Ahoana moa raha tsy teo Izany? Tsy ho nifankahafantatra isika tamin'ny fomba izay ifankahafantarsika ankehitriny. Tsy ho teto tahaka an'izao ity fiangonana ity, ireo an'arivony sy an-tapitrisany dia any amin'izao tontolo izao any. Saingy, misaotra an'Andriamanitra, teo Izany.

<sup>176</sup> Tamin'izay fotoana izay rehefa nieritreritra aho hoe, "Inona? Iza moa aho, na izany aza? Iza moa aho, no hanontany ny Fiandrianany? Iza moa aho, no hanontany an'ilay Mpamorona izay nanome ahy ny tena fiainako eto an-tany eto? Taiza no nahazoako an'io zaza io? Iza no nanome azy ho ahy? Tsy ahy io, na izany aza. Nampindraminy ahy fotsiny izy, vetivety."

Hoy aho hoe, "Satana, mialà amiko." Nandeha aho, nametraka ny tânako teo amin'ilay zaza. Hoy aho hoe, "Andriamanitra hitahy anao, malalan'ny foko. Afaka iray minitra, dia haka anao i dada, hametraka anao eo an-tsandrini'i mama. Ireo Anjely no hitondra ny fanahy kelinao. Ary hihaona aminao aho amin'ilay maraina."

Hoy aho hoe, "Tompo, Ianao no nanome azy ho ahy. Ianao no maka azy. Na dia Vonoinao aza aho, tahaka ny nolazain'i Joba, dia mbola, tia Anao aho ary mino Anao aho. Raha Alefanao any amin'ny helo aho, dia ho tia Anao aho, na izany aza. Tsy afaka hiala amin'ity aho." Eo ianareo izao.

Ny ho lasa manam-pahaizana fotsiny, ho foana izany rehetra izany. Fa tsy maintsy manana fiarahana manokana ianareo. Tsy maintsy ateraka indray ianareo.

<sup>177</sup> Izany no antony ialan'ireo mpitoriteny, enta-mavesatra lehibe sy ny sisa. Hoy izy ireo, "Tsy misy izany fanasiranana avy amin'Andriamanitra izany. Tsy misy zavatra tahaka an'izany zavatra izany." Tsy mbola teo amin'ilay tany masina mihitsy izy ireo, araka ny noresahako aninkeo maraina. Tsy misy fantatr'izy ireo ny amin'Izany. Ahoana no hahafahan'izy ireo milaza fa zanak'Andriamanitra izy ireo, nefà mandà ny Tenin'Andriamanitra? Ahoana no hahafahanareo manao an'izany, nefà mandà an'ilay tena Fanahy Masina izay nividymareo?

<sup>178</sup> Oh, tsarovy fotsiny, Jesosy dia nanetry ny Tenany, hatrany amin'ny fahafatesana, ho anareo. Tsy nifamaly Izzy. Rehefa nororan'izy ireo ny Tavany, tsy namaly nandrora Izzy. Rehefa nosintonin'izy ireo ny Volombavany, tsy nisintonia ny azy ireo Izzy. Rehefa nofelahan'izy ireo ny Ilan-tavany, ny iray hafa, tsy namelaka azy ireo mihitsy Izzy. Nivavaka ho azy ireo Izzy, nandroso, am-panetre-tena. Izzy no ohatry ny fanetre-tena.

<sup>179</sup> Feno finoana Izzy. Nahoana? Fantany fa tsy mety diso ny Teniny. Tena nivelona tamin'ny Teny Izzy hany ka lasa Teny Izzy.

O Andriamanitra! Avelao aho hihazona an'Andriamanitra amin'ny tànako roa, eo anatrehan'ity mpanatrika ity. Avelao aho haina tahaka an'izany. Avelao ity Teniny ity ho lasa toy izany, mba hahafahako sy ity Teny ity ho zavatra iray ihany. Avelao ireo teniko ho ity Teny ity; aoka ny fisaintsainan'ny foko. Aoka Izzy ho ao am-poko, ho ao an-tsaiko. Afatory eo amin'ny andrin'ny fahalalako ireo Didiny. Afatory eo amin'ny andrin'ny foko izy ireo. Avelao fotsiny aho hahita Azy. Rehefa mipoitra ny fakampanahy, avelao aho hahita an'i Kristy. Rehefa miha-ratsy ireo zavatra, avelao fotsiny aho hahita Azy. Rehefa vonona aho, ka miezaka ny hanao ahy ho tezittra ilay fahavaloo, dia avelao aho hahita an'i Jesosy. Inona no Hataony?

<sup>180</sup> Tena tao anatin'ilay Teny loatra Izzy, hany ka Izzy sy ny Teny dia lasa zavatra iray manokana. Diniho.

<sup>181</sup> Tsy nila nifamaly Izzy. Fantany fa Izzy sy ny Teny dia iray ihany. Fantany fa Izzy no Tenin'Andriamanitra tonga voaseho, ary izany didin'Andriamanitra izany no handresy an'izao tontolo izao amin'ny farany. Fantany izany, ny Teniny. Nanana finoana Izzy. Fantany hoe taiza Izzy. Tsy nila niady hevitra Izzy, ka nanaao hoe, "Eto, afaka tonga *eto* ianareo."

<sup>182</sup> Hoy ny devoly hoe, "Ankehitriny, jereo, afaka manao fahagagana Ianao. Fantatrao fa manana finoana lehibe Ianao. Afaka manao fahagagana Ianao. Hanorina tranobe anankiray ho Anao aho, avo roa heny nohon'ny an'i Oral Roberts ny halehibeny. Satria, ny olona rehetra... Ny-ny zavatra tokana tsy maintsy Hataonao fotsiny, dia asehoy azy ireo. Mitsambikinaavy amin'ity tranobe eto ity, midina fotsiny any ambany any, satria voasoratra hoe, hitanao, 'Ireo Anjely no hitondra Anao hiakatra, fandrao ho tafintohina amin'ny vato ny tongotrao.'" Hitinanareo?

Fantany fa nanana hery Izzy. Fantany fa afaka nanao an'izany Izzy. Fantany fa tao Aminy izany, saingy tsy te-hampiasa an'izany Izzy raha tsy Andriamanitra no niteny Taminy hanao. Hitinanareo? Tiany ho Andriamanitra ao Aminy ilay izy, ho ny Teny amin'ny rehetra. Ary Fantany izany, rehefa niteny zavatra iray Izzy, fa izany no Tenin'Andriamanitra; fa na dia levona aza ny lanitra sy ny tany, dia izany Teny izany no handresy indray andro any.

<sup>183</sup> Tsy nifamaly sy niahiahy Izzy. Nilaza fotsiny ny Tenin'Andriamanitra Izzy. Ny Teny rehetra izay nivoaka ny Molony dia Tenin'Andriamanitra voahosotra.

Tsy hahafinaritra ve raha afaka hiteny isika hoe, "Ny teniko sy ny Tenin'Andriamanitra dia iray ihany. Izay lazaiko, dia Omeny voninahitra izany, satria tsy manao na inona na inona aho raha tsy Izzy no miteny Amiko aloha"? Oh, io ny ohatrareo. Io no fiainana iray mendrika ny Filazantsara.

<sup>184</sup> Fa tsy ireo pretra izay tena nianatra loatra sy namiratra, ary manana an'ireo fahamboniana lehibe, ka mitsangana dia manao

vavaka lava, ary mandrombaka ny tranon'ireo mpitondratena, sy mandrombaka an'ireo toerana ambony ao amin'ny—ao amin'ny fiangonana, sy ireo zavatra rehetra ireo. Izy ireo dia . . . Tsy izany no fiainana iray mendrika ny Filazantsara.

Fa mendrika ny Filazantsara Izy, hany ka, hoy Andriamanitra hoe, "Ity no Zanako Malalako, Izay Sitrako. Izy no henoy. Ny Teniko dia Izy. Izy no Teniko. Izaho sy Izy dia iray ihany."

<sup>185</sup> Fantaro, diniho izany ankehitriny. Fantany fa ny Teniny no handresy an'izao tontolo izao amin'ny farany. Fantany hoe avy taiza ny Teniny. Fantany fa tsy nety diso mihitsy Izany, izany no antony Nilazany hoe, "Ny lanitra sy ny tany ho levona, fa ny Teniko tsy ho diso mihitsy." Hitanareo? Afaka niteny an'izany Izy. Izany ilay Lehilahy Izay Izy sy ny Tenin'Andriamanitra dia lasa iray ihany. Hoy Izy tamin'ireo . . .

"Ianao dia tokony hanao an'*ity* sy *itsy*."

<sup>186</sup> Hoy Izy hoe, "Iza no afaka hanameloka Ahy amin'ny ota? Iza no afaka hiampanga Ahy?" Ny *ota* dia ny "tsy finoana." "Raha Izaho, tamin'ny alàlan'ny rantsan-tànan'Andriamanitra, no mandroaka devoly, dia iza no androahan'ireo zanakareo azy?" Hitanareo? Tsy izany ilay izy, noho izany dia tsy maintsy zavatra hafa anankiray ilay izy. Hitanareo? "Raha Izaho . . ."

Hoy izy ireo hoe, "Eny, nandroaka devoly izahay."

<sup>187</sup> Hoy Izy hoe, "Raha amin'ny alàlan'ny rantsan-tànan'Andriamanitra no Anaovako an'izany, Teny voamarin'Andriamanitra, dia iza kosa àry no androahan'ireo zanakareo azy? Noho izany dia ianareo no aoka ho mpitsara."

<sup>188</sup> Ireo olona tamin'ny Androny, sy ireo olona izay naneso Azy, dia niresaka ny Aminy. Saingy, Izy, nalain'izy ireo baraka Izy, tamin'ny fomba rehetra izay vitan'izy ireo. Niteny Taminy an'ireo karazan-javatra ratsy rehetra, nanoherana Azy, saingy nandroso Izy.

Ankehitriny te-hamarana ao anatin'ny iray minitra aho, amin'ny filazana an'izao.

<sup>189</sup> Ireo olona amin'izao andro izao dia andiana marary saina iray. Ireo olona amin'izao andro izao dia andiana marary saina iray. Matahotra ny haka an'ireo teny fikasan'Andriamanitra izy ireo. Ireo olom-pianganana, ny fiangonana rafi-pandaminana, ireo fiangonana rafi-pandaminana dia matahotra ny handray ny fihaiken'ny Soratr'Andriamanitra ho an'izao andro izao. Mahafantatra izy ireo. Mahafantatra izy ireo fa ireo toerana moderiny sy ireo filazantsara sosialiny izay toriany dia tsy hiatrika an'ilay fihaikena an'izao ora izao, manoatra noho i Samsona izay tsy afaka niatrika an'izany tao amin'ilay toerany. Nila an'Andriamanitra izany.

Ary izao ilay fandaharana izay nampanantena an'izany. Ho tonga eo amin'izany aho ao anatin'ny iray minitra fotsiny.

<sup>190</sup> Te-hihazona an'izany teny izany aho, iray minitra. Na dia miantso ny tenany ho Kristiana aza izy ireo, dia manangana fanekem-pinoana, fanekem-pinoana nataon'olona, mba haka ny toeran'ny Tenin'Andriamanitra. Noho izany, dia afaka mandray an'ilay fanekem-pinoana izy ireo, satria ny olona no nanao an'ilay izy. Saingy izy ireo dia matahotra ny hametraka ny finoany amin'ilay Andriamanitra izay lazain'izy ireo fa tiany. Marina izany. Ary avy eo ve ianareo dia hilaza fa mendrika ny Filazantsara izany fiainana izany? Tsy mety, na dia mambran'ny fiangonana aza izy ireo. Fa tsy mendrika ny Filazantsara izany. Tsia, tokoa.

<sup>191</sup> Ny Filazantsara! Hoy Jesosy hoe, “Mandehana any amin’izao tontolo izao ka mitoria ny Filazantsara amin’ny olombelona rehetra. Izao famantarana izao no hanaraka an’ireo mino.”

Ary rehefa lavinareo fa izany no manaraka an’ireo mino, dia ahoana no hahafahanareo banana fiainana iray... Tsy mampaninona, na dia mety tsy nilaza teny ratsy anankiray mihitsy aza ianareo, mety nitandrina ny didy folo rehetra ianareo, tsy hisy hidiran’izany amin'ilay izy. Mbola tsy mendrika ny Filazantsara foana izany. Hitanareo? Tsy hety izany.

Ireo mpisorona dia nitandrina an'izany, nefà mbola tsy mendrika foana. Hoy Izy hoe, “Ianareo dia avy amin’ny rainareo, ny devoly.” Iza no afaka nanondro ny anankiray tamin’ireo lehilahy ireo? Tasim-pahadisoana anankiray fotsiny, dia voatora-bato tsy nisy famindram-po izy ireo. Lehilahy masina! Nefà hoy Jesosy hoe, “Ianareo dia avy amin’ny rainareo, ny devoly,” rehefa tonga ilay Filazantsara.

<sup>192</sup> Na dia miantso ny tenany ho Kristiana aza izy ireo, dia tian’izy ireo ny hihazona an’ireo fanekem-pinoana, ireo fanekem-pinoany. Oh! Ireo fanekem-pinoana dia manorina sy manatanteraka an'ilay fisainana moderin'ireo olona amin'izao andro izao. Ary ny lehilahy anankiray izay te-ho lasa fahombiazana iray amin'izao andro izao, dia tsy maintsy manaraka an'ilay firehana moderin’ny fisainana. Mamelà ahy hilaza an'izany tsara sy mazava. Hitanareo? Ny lehilahy iray, raha te-ho lasa fahombiazana anankiray ianareo, dia tsy maintsy manaraka an'ilay fisainana moderin'izao andro izao ianareo. Izany... Mandeha eo izy ireo, manao hoe, “Oh, tsy malala anankiray ve izy? Tsy mahafinaritra ve izy? Afaka mijoro tsara fotsiny izy, ary tsy mihazona anay mihoatra ny dimy ambin’ny folo minitra mihitsy izy. Ary ny pasiteranay tsy mba mikiakiaka foana an’ireo zavatra ireo.”

Mbà menatra izany pasitera izany. Izay lehilahy afaka mijoro eo amin’ny polipitra ka mijery ny fahotan’izao andro izao, nefà tsy miteny mafy, dia misy zavatra tsy mety amin'izany lehilahy

izany. Tsy mendrika ny Filazantsara izay lazainy fa toriany izy. Marina izany. Noho izany, amin'ny fanaovana an'izany, dia manao ny tenany ho fialana izy ireo, amin'ny filazana hoe, "Ankehitriny, jereo, ilay fiangonako!"

<sup>193</sup> Ny—ny lehilahy iray izay tonga teto, vao tsy ela akory izay, tao amin'ny fiangonana malaza anankiray, ary nanoratra laha-kevitra iray izy. Ary hoy izy hoe, "Manoratra ny amin'ny fanasitranana avy amin'Andriamanitra aho." Hoy izy, "Rahalahy Branham, tianay ianao, ao amin'ny anaram-piangonanay." Iray amin'ireo anaram-piangonana malaza indrindra, iray amin'ireo malaza an'ny firenena, na eran'izao tontolo izao. Ary hoy izy hoe, "Tianay ianao, ao amin'io anaram-piangonana io." Teto mihitsy izy tao Jefferson Villa. Fa, hoy izy, "Hitako ny amin'io fanasitranana avy amin'Andriamanitra io." Hoy izy hoe, "Misy fahadisoana anankiray fotsiny izay tena hitan'ny fiangonako." Hitanareo? Hoy izy hoe, "Ianao dia mikambana amin'ireo Pentekotista be loatra."

Hoy aho hoe, "Eny, ankehitriny, fantatrao, fa marina izany." Hoy aho hoe, "Marina izany. Fantatrao, niriako foana ny fanararaotra anankiray mba ialako amin'izy ireny." Hoy aho hoe, "Ho lazaiko anao hoe inona. Ho avy any amin'ny tanànanao aho, dia ento ny fiangonanao hanohana ahy."

"Oh," hoy izy, "tsy hanao izy ireo."

Hoy aho hoe, "Izany ilay noeritreretiko. Izany ilay noeritreretiko."

<sup>194</sup> Hoy izy, "Hitanao fa ny anaram-piangonako dia tsy hanohana an'izany." Izany mihitsy ilay fialana, toy ny hoe, "Efa nampakatra vady iray aho," na "nividy omby." Tsy ahoako na diplomañan'ny dokotera firy no anananareo, sy ny hoe toy ny ahoana no ankasitrahana anareo, amin'ny alalan'ilay anaram-piangonanareo. Izany karazana asam-panompoana izany dia tsy mendrika ny Filazantsara izay voasoratra ato amin'ity Boky ity. Marina.

<sup>195</sup> Ny mambran'ny fiangonana izay hirona amin'ny karazanjavatra tahaka an'izany, ary miantso ny tenany ho Kristiana! Nefa nivoaka avy eto ka miaina... Ary ireo vehivavy manapaka ny volony, sy manao an'ireo akanjo izay lazainy Baiboly amin'izy ireo fa tsy azo anaovana. Ireo lehilahy manohy ny fomba izay ataon'izy ireo ankehitriny, "endriky ny toe-panahy araka an'Andriamanitra," misotro sy mifoka sigara, ary manambady im-betsaka nefo lasa diakon'ilay fiangonana ary pasitera mihitsy aza, sy ny sisa. Ary ireo olona izay mandefitra ny zavatra toy izany, izany karazam-piañinana izany dia tsy mendrika ny Filazantsara.

<sup>196</sup> Ny vehivavy iray izay handeha, ka haka ny telefona dia hitakoritsika, sy hanomboka hifamaly ao am-piangonana, sy ny sisa tahaka an'izany, tsy izany no fiañinana mendrika

ny Filazantsara izay hasehontsika. Ny olona izay hamaky fiangonana iray, ka manomboka valifaty anankiray eo amin'ny olona, ary ireo zavatra tahaka an'izany, dia tsy mendrika ny Filazantsara izay toriantsika. Marina tokoa. “Endriky ny toe-panahy araka an'Andriamanitra izany, mandà ny heriny,” ilay herin’Andriamanitra izay mampihatata anareo amin’izany.

<sup>197</sup> Mariho, ankehitriny, tsy manao an’izany izy ireo. Tsy hanao an’izany mihitsy izy ireo. Manana an’io fialana io izy ireo, hoe, ny fiangonan’izy ireo dia tsy mino an’Izany. Izy ireo . . .

Eny, saingy, Jesosy dia mety hiteny—hiteny amin’ny lehilahy iray, izao hariva izao, hiresaka amin’ny fony ka hanao hoe, “Tiako ianao handeha, history ny Filazantsara feno.”

“Ny fiangonako tsy manohana an’Izany, Tompo. Miala tsiny Aminao aho, raha Sitrakao. Mahazo karama tsara aho. Izaho—izaho—izaho, Fantatrao, izaho dia pasitera iray, an’ny anankiray amin’ireo fiangonana malaza indrindra eto amin’ity tanàna ity, Tompo. Oh, midera ny Anaranaao izahay any! Eny, tompoko. Azo antoka fa midera izahay. Tsy afaka manao an’ilay izy aho.” Ilay fialana mitovy ihany, zavatra mitovy. Noho izany dia tsy tonga ao amin’ilay fety ara-panahy an’ny Teniny nampanantenaina, voamarina izy ireo.

<sup>198</sup> Tsy niteny ve Jesosy hoe, “Any amin’izay misy ny faty, no hiangonan’ny voromahery”? “Voromahery,” fa tsy voltora, ankehitriny. Voromahery! Any amin’izay misy ny zaoridira, sy ny—sy ny—ny fatim-biby, any no miangona ny voltora. Fa any amin’izay misy an’ilay Hena vaovao, madio, no hiangonan’ny voromahery. Hitanareo? Izany tokoa. Izay misy ny Teny, Sakafom-boromahery, no hiangonan’izy ireo.

<sup>199</sup> Noho izany izy ireo dia tsy tonga tao amin’ilay fety ara-panahy izay nanasana azy ireo. Mino ve ianareo fa efa nanome fanasana iray an’i Amerika Andriamanitra, tamin’ny dimy ambin’ny folo taona farany, ho an’ny fifohazana iray lehibe, ho an’ny fety ara-panahy iray? [Hoy ny fiangonana hoe, “Amena.”—Mpand.] Tonga ve izy ireo? Tsia, tompoko. Tsia, tompoko. Noho izany, ny mandà ny ho tonga, izany fiainana izany ve dia mendrika ny Filazantsara, na dia miantso ny tenany ho izany aza izy ireo?

<sup>200</sup> Rehefa nanatona ahy ny lehilahy iray, vao tsy ela akory izay, ary nipetraka teo amin’ny latabatra iray, ka nanao hoe, “Rahalahy Branham, te-hanolo-tànana eto amin’ny latabatra aho,” lehilahy malaza iray, “Te-handray ny tànanaao aho. Tiako ianao.” Tao amin’ny fiangonana anankiray aho ary efa nandre azy nitory teny. Hoy izy, “Tiako ianao. Izaho dia mino fa mpanompon’Andriamanitra ianao.”

Hoy aho hoe, “Misaotra anao, dokotera. Izaho dia tia anao, ihany koa.”

Hoy izy hoe, “Te-hiteny aminao aho hoe toy ny inona ny itiavako anao, amin’ny maha-rahalahy anankiray.” Dia hoy izy, “Hitanao ve ny mpanjakavaviko kely mipetraka eto, ny vadiko? Tadidinao ve izy?”

Hoy aho hoe, “Tadidiko.”

Hoy izy, “Ny dokotera dia nanome azy roa herinandro hahavelomana, niaraka tamin’ny homamiadana mafina. Ary tonga tao an-tanàna ianao ka nivavaka ho azy. Ary niandrandra, ka nahita fahitana anankiray. Nitodika dia niteny tamiko hoe, ‘HOY NY TOMPO HOE, ho sitrana izy.’” Lavaka lehibe no tao an-damosiny, lalina tahaka an’izao, tahaka ny goavana be anankiray . . . toy ny ila-nonon’ny vehivavy iray no nisitrika tao anatin, tao amin’ny lamosiny, teo amin’ny hazon-damosiny mihitsy. Tsy misy na dia marika iray an’izany intsony mihitsy aza, androany. Hoy izy, “Io mipetraka io ny mpanjakavaviko, velona androany.” Hoy izy, “Inona no zavatra azoko atao afatsy ny mitia anao, noho ny nivavahanao an’ilay vavaky ny finoana? Ahoana no handavako anao tsy ho—ho mpanompon’ny Tompo, rehefa nahita ahy ianao, ka nilaza tamiko tanteraka an’izay hitranga?” Hoy izy hoe, “Ankehitriny manana zavatra anankiray ho anao aho, Rahalahy Branham.” Hoy izy hoe, “Izaho dia mikambana amin’ilay fivondronana Pentekotista lehibe indrindra izay misy.”

Hoy aho hoe, “Eny, tompoke. Fantatro izany.”

Hoy izy hoe, “Niresaka tamin’ireo rahalahy aho, vao tsy ela akory izay, ary niteny tamiko izy ireo mba hifandray aminao, sy hiteny aminao fa henatra anankiray ilay nitondranao an’io asam-panompoana fanomezan’Andriamanitra io tany amin’ny andian’olona iray any am-pitan’ilay renirano sy ny manodidina tahaka an’izany.”

Hoy aho hoe, “Marina ve izany?”

Hoy izy, “Eny.” Hoy izy, “Andriamanitra dia nandefa an’io asam-panompoana io hahatratra an’ireo faritra avo, faritra lehibe, faritra ambony.”

<sup>201</sup> Nahita ny devoly niresaka teo mihitsy aho. Nieritreritra aho hoe, “Hia. ‘Mitsambikina avy eto amin’ity tendrombohitra ity, dia manaova fampisehoana, fantatrareeo, avy eto amin’ity tranobe ity.’” Hitanareo? Hitanareo?

Nieritreritra aho hoe, “Hitarika azy lavidavitra kely aho.” Ny reniko antitra dia niteny taloha hoe, “Omeo tady betsaka ny omby vavy, fa hanakenda ny tenany ihany izy.”

Hoy aho hoe, “Marina ve izany?”

“Eny.” Hoy izy, “Henatra izany, saingy inona no ataonao?” Hoy izy, “Inona moa ianao? Androany dia zara ianao raha mahavidy sakafo ho an’ny tenanao.” Dia hoy izy, “Jereo i Oral Roberts sy ny sisa, nanomboka, ary tonga teo niaraka tamin’ny

iray ampaha-zaton'ny asam-panompoana nanananao. Jereo hoe lasa inona izy ireo."

Hoy aho hoe, "Hia. Marina izany." Hitanareo?

Dia hoy izy hoe, "Handray anao ny vondroko. Handray anao hiditra avy hatrany izahay, toy ny-toy ny anankiray amin'ireo rahalahinay. Izy rehetra dia hanolotra anao ny tānana havanan'ny fiombonana, ary hanofa fiaramanidina iray izahay, sy hanome anao karama dimanjato dolara isan-kerinandro, na mihoatra raha tianao izany. Ary halefanay any amin'ny tanàndehibe rehetra eto amin'ny firenena ianao." Izany dia nitranga tany Phoenix mihitsy, Arizona, nanodidina an'ilay latabatra mihitsy. Ary hoy izy hoe, "Ary izahay dia handoa ny..." Hoy izy, "Noho izany dia avelao ilay izao tontolo izao, ilay izao tontolo izao any ivelany, avelao ireo manan-kaja, ireo olona lehibe, ireo avo-dia-avo..." Hoy izy, "Ianao dia miresaka foana ny amin'ilay ambany. Izahay manana an'ireo ambony." Hoy izy, "Avelao izy ireo no mba hahita ny tānan'ny Tompo. Amin'izay fotoana izay dia avelako izy ireo hitondra ny vadiko, sy ireo hafa, mba afaka hanaporofa an'ireo zavatra izay lazainao fa hiseho ireo."

<sup>202</sup> Hoy aho, "Eny, tompoko. Tena hahafinaritra izany."

Ankehitriny, hitanareo, ilay lehilahy, ao amin'ny toeran'ny D.L., L.L.D., mpanoratra boky, hitanareo, dokoteran'ny haisoratra, mpanoratra mahay, lehilahy mahay. Hitanareo? Tsy nahafantatra ny Soratra izy.

Efa fantatrareo ve fa ilay Anjely izay nanao an'ireo karazan'asa ireo dia tsy nandeha tany Sodoma mihitsy? Nijanona niaraka tamin'ilay vondrona nantsoina hivoaka Izzy, Abrahama.

Tsy fantany mihitsy ilay izy. Navelako nipetraka tsara fotsiny izy, nipetraka vetivety fotsiny teo aho. Te-hahita fotsiny aho hoe inona ilay fandrika. Hoy aho hoe, "Eny, inona no tokony hataoko?"

Hoy izy, "Eny, Rahalahy Branham, zavatra anankiray ihany no nolazain'izy ireo... Niadianay hevitra izany, zavatra kely anankiray, ireo zavatra bitika kely izay ampianarinao, mba esorinao fotsiny izy ireny."

Hoy aho hoe, "Ohatra hoe, inona, rahalahy?"

"Oh," hoy izy, "ilay batisanao, fantatralo. Fantatralo, ianao toa manao batisa tahaka an'ireo an'ny tokana, zavatra tahaka an'izany." Hoy izy, "Ireo zavatra kely tahaka an'izany."

Hoy aho hoe, "Oh?" Nanohy aho.

Dia hoy izy hoe, "Ilay porofo tany am-boalohany; sy ireo vehivavy mpitoky teny; ary ireo zavatra kely fotsiny tahaka an'izany."

<sup>203</sup> Hoy aho hoe, “Ah-hah?” Hoy aho hoe, “Fantatrao, tena gaga aho fa mpanompon’Andriamanitra anankiray no hangataka amin’ny mpanompon’Andriamanitra iray hafa, rehefa avy nanome voninahitra ahy tahaka ny nataonao, sy miantsao ahy ho mpaminany anankiray, ary mahafantatra fa ny Tenin’ny Tompo, na ny fanambarana ny Teny, dia tonga amin’ny mpaminany. Nefa dia ihodinanao, Dokotera Pope, (tsy miteny ny amin’ny fahaizanao tsara izany), ka hiteny sy hangataka, amin’ny mpanompon’Andriamanitra anankiray, ianao ve no mangataka amin’ny mpanompon’Andriamanitra anankiray hafa hanao marimaritra iraisana amin’ilay zavatra izay...?... midika aminy fa mihoatra lavitra noho ny aina mihitsy.” Hoy aho hoe, “Tsia, tompoko, Rahalahy Pope. Na ahoana na ahoana dia tsy hanao an’izany mihitsy aho. Tsia, tompoko.”

Inona izany? Misy voa iray an’ny Fiaianana Mandrakizay ao; na maty na velona, na olona malaza iray ianareo na tsy olona malaza iray.

<sup>204</sup> Nandalo aho, indray andro... Tsy hoe tsy manaja an’ireto lehilahy anankiroa ireto. Niijery teo aho, ary nisy sary lehibe anankiray teo tany Tulsa, Oklahoma; ny toerana vaovao ho an’ny ho avy an’i Oral Roberts, seminera iray hampianarana an’ireo mpitoriteny. Mety ho lafo ilay izy. Ary fantattro i Demas Shakarian, Rahalahy Carl Williams, sy ireo izay ao amin’ny filan-kevitry ny mpitantana an’izany. Dimampolo tapitriza dolara, miaraka amin’ny tranobe iray telo tapitriza dolara; tovolahy Pentekotista anankiray, izany no anjara lehibe izay nataon’Andriamanitra ho azy.

<sup>205</sup> Mieritreritra aho hoe, “Izaho, miaraka amin’ny seminera iray? Manohitra an’izany aho, eto am-panombobhana.”

<sup>206</sup> Ary izao no voalaza, “Ilay fonenana ho avy an’ny seminera lehiben’i Oral Roberts.” Nanohy nandeha teny amin’ny lalana aho, dia nisy zavatra anankiray lehibe moderina. Ary Oral Roberts, tao amin’ny trano lay kely rovidrovitra, dia tonga tao amin’ny favoriako tany Kansas City, Kansas.

Izao no voalaza, “Ilay fonenana ho avy an’i Tommy Osborn,” oh, ry lehilahy, toerana teo amin’ny telo-na efatra tapitriza dolara niakatra avo tahaka an’izao.

Ary teo, i Tommy Osborn, anankiray amin’ireo lehilahy Kristiana mahay indrindra. Tena lehilahy anankiray izy, tena lehilahy nirahin’Andriamanitra. Nitsangana teo am-pitan’ilay lalambe teo mihitsy izy; tovolahy kely, taitaitra, tovolahy kely sy zazavavy tao anaty fiara iray; nihazakazaka teo, nivoaka. Hoy izy, “Rahalahy Branham, teo aho rehefa nahita an’ilay adala nihazakazaka. Ary hitako ianao nanondro ny fanondronao teo amin’ny tavany, ka nanao hoe, ‘Amin’ny Anaran’i Jesosy Kristy, mivoaha ao aminy.’ Hitako izy niankohoka teo antongotrao; rehefa avy nanao ny faminaniany izy, nanao hoe,

'Izao hariva izao, dia ho vitaiko tanteraka ianao eto afovoan'ity mpanatrika misy olona dimampolo sy eninjato ity.'" Dia hoy izy, "Hitako ianao nitsangana teo, tsy nampiaka-peo mihitsy, fa nanao hoe, 'Amin'ny Anaran'ny Tompo, satria nihaika ny Fanahin'Andriamanitra ianao, izao hariva izao, dia hiankohoka eto an-tongotro ianao.' Hoy izy hoe, 'Hasehoko anao hoe tongotr'iza no hiankohofako.'"

<sup>207</sup> Dia hoy aho hoe, "Mivoaha ao aminy, Satana." Nianjera nitsilany fotsiny izy ary notereny teo amin'ny gorodona mihitsy ny tongotro.

Hoy izy hoe, "Andriamanitra no Andriamanitra, Rahalahy Branham. Izay ihany." Hoy izy, "Efa namantsika ny tenako tao amin'ny trano anankiray aho nandrity ny roa na telo andro." Tsy nihambahamiba mihitsy izy. Hilaza mikasika an'izany izy. Tsy menatra ny amin'izany izy. Hoy izy, "Mihevitra ve ianao fa manana fanomezam-pahasoavana manasitrana aho?"

<sup>208</sup> Hoy aho hoe, "Adinoy izany, Tommy. Nirahina history ny Filazantsara ianao. Mandehana, torio Izany. Mandehana miaraka amin'i Rahalahy Bosworth eo io."

<sup>209</sup> Nijery teo aho, ary nahita. Izaho no nanomboka talohan'izy roa ireo.

Nieritreritra aho hoe, "Io i Oral Roberts miaraka amin'ny milina dimanjato, mba tsy hikasihan'ny tànan'olombelona an'ireo litera mihitsy aza; efatra tapitrisa dolara tao amin'ny gazety, tamin'ny taon-dasa." Efatra tapitrisa; ny iray am-pahefatrty ny vola rehetra izay voangona, ao amin'ny tontolon'ny Fiombonamben'ny Kristiana rehetra, manerana. Ny iray am-pahefatrty ny vola an'ny Fiombonamben'ny Kristiana rehetra no miditra amin'ny lehilahy anankiray. Toerana toy ny inona! Nandeha tany aho mba hijery an'ilay izy.

<sup>210</sup> Ary, ankehitriny, Oral dia rahalahiko. Oadray! Tiako izy. Tena olona anankiray izy, tena lehilahy, ary tiako izy. Ary tena manolotra fanajana ahy izy, ary izaho manao aminy, ihany koa. Tsy mifankahazo fotsiny izahay eo amin'ny—eo amin'ny Soratra.

Ary, Tommy Osborn, tsy latsak'izany. Manolotra fanajana azy mihitsy aho. Izy no anankiray amin'ireo lehilahy mahay izay nihaonako, Tommy Osborn.

"Fa ireo lehilahy ireo," nieritreritra aho hoe, "rehefa niditira tao amin'ny biraon'izy ireo aho ka nahita an'izay nananan'izy ireo, dia mieritreritra aho fa ho menatra raha ho tonga izy ireo, hahita ny ahy: milina fanoratana kely anankiray, ary miezaka izahay ny manoratra taratasy. Ary zavatra toy ny ahoana! Nipetraka teo aorian'ny trano-fiara iray, tamin'izany fotoana izany. Nieritreritra aho hoe, "Ho toy ny inona izany?"

Koa dia nivoaka aho. Nieritreritra aho hoe, "Eny, 'Fonenana ho avy an'i Oral Roberts.' Ny Fonenana ho avy an'i Tommy

Osborn.' Ny anankiray anefa tsy mifampiteny amin'ilay anankiray hafa."

Noho izany, dia nidina ny lèlana aho. Nieritreritra aho hoe, "Fa mba ahoana ny amiko?"

<sup>211</sup> Ary nisy Zavatra niteny hoe, "Miandràndrà."

<sup>212</sup> Nieritreritra aho hoe, "Eny, Tompo, avelao aho hametraka ny harenako any An-danitra, fa any no misy ny foko." Ankehitriny, tsy miteny an'izany mba hitserana aho. Miteny an'izany fotsiny aho satria nitranga izany, ary Andriamanitra no mahafantatra fa marina izany. Hitanareo?

<sup>213</sup> Aiza ny harenanareo? Te-ho lasa olona malaza anankiray ve ianareo? Raha izany ianareo, dia tsinontsinona ianareo. Tongava eo amin'ny toerana iray izay tsy itiavanareo ny ho lasa olona malaza anankiray. Tianareo ny ho lasa mpanompon'i Kristy manetry tena kely. Izany no lèlana. Izay ihany.

<sup>214</sup> Nanao fiangonana iray tany Chicago Rahalahy Boze sy izy ireo. Tsy maintsy nomen'izy ireo an'ilay anaram-piangonana ny fiangonana Filadelfiana. Ankehitriny dia niresaka izy ireo ny amin'ny nahitana olona iray niaraka tamin'ny palitaony nivadika tahaka an'izao, DD iray. Hoy aho hoe, "Eo amin'ny lèlanareo mivoaka ianareo. Raha te-hahita tena pasitera iray ho an'io fiangonana io ianareo, dia olona iray mahantra manetry tena kely alaina izay zara raha afaka hanoratra ny anarany, fa ny fony mirehitra ho an'Andriamanitra. Izany olona izany alaina. Izany no anankiray tianareo ho azo, olona iray izay tsy mahafantatra an'ireo zavatra rehetra ireo, olona izay tsy hanao didy jadona sy hanery, ary hampiditra anareo ao amin'ireo karazana trosa rehetra, ny sisa hafa, fa hamahana anareo fotsiny ny Tenin'Andriamanitra. Izany no karazan'olona alaina."

Noho izany, tsy ho tonga ao amin'ilay sakafao ara-panahy izy ireo. Tsy maintsy hamarana aho. Efa nihoatra ny fotoana aho ankehitriny. Ao anatin'ny enina minitra eo ho eo, dia hirava isika, raha sitraky ny Tompo.

<sup>215</sup> Mandre anankiray aho nanao hoe, "Fa, Rahalahy Branham, tsaratsara kokoa ho anao ny manohana an'ilay filazana." Manao hoe, "Tsy marary saina ny olona. Tsy marary saina ity olona ity. Nianatra fotsiny izy ireo." Marary saina nianatra izy ireo, raha izany. Marina izany. Hia. "Tsy marary saina izy ireo. Nianatra izy ireo."

Noho izany dia te-hametraka fanontaniana iray aminareo aho. Hitanareo? Azonareo. Te-hametraka fanontaniana iray aminareo aho raha izany. Azafady mba azavao ireo fihetsik'izy ireo amin'izao andro izao, raha tsy marary saina izy ireo. Lazao ahy hoe inona no manao an'izy ireo hanao tahaka ny ataony, raha tsy marary saina izy ireo; hitanareo, ny rehetra mitarika ho an'ny anaram-piangonany, tendan-kanina. Tsy tahaka an'izany

Jesosy. Tsy maika tamin'ny inona na inona Izy. Hitanareo? Tsy tendan-kanina Izy. Izy no ohatra ho antsika.

<sup>216</sup> Ny heloka bevava, ny firenena, nanana heloka bevava be lavitra noho ny nananany hatramin'izay ny firenena. Inona no tsy mety? Ireo adolantsento, ireo mambran'ny fiangonana, manala aina, ireo lehilahy mitifitra ny vadiny sy ny ankohonany, ary mandoro an'ireo zanany. Dia jereo ny fitosak'ilay heloka bevava. Tsy marary saina ve izy ireo? Raha izany dia inona ilay olana? Inona ireo fihetsik'izy ireo?

Firenena adalam-pahefana, ny tsirairay te-haka ny rehetra...ny sisa ary manao an'ilay izy ho saina tokana, firenena tokana, mba ho lasa sainan'izy ireo sy ho firenen'izy ireo. Adalam-pahefana!

<sup>217</sup> Faharatsian-toetra, nahoana, izao tontolo izao dia ratsy toetra be lavitra noho izay naha-izy azy hatramin'izay. Vehivavy mitanjaka eny an-dàlambe, vehivavy mitanjaka, dia lazaina ve fa ao amin'ny sainy tsara izy ireo? Tsy mety ho izany izy ireo. Tsy mety ho izany mihitsy izy ireo.

<sup>218</sup> Henoy. Nisy olona anakiray tao amin'ny Baiboly izay nanala ny akanjony, Legiona izany. Tsy tao amin'ny sainy izy. Rehefa nahita azy Jesosy ka nanome azy ny sainy tsara, dia nanao ny akanjony izy. Marina.

Inona no manao anareo hanala ny akanjonareo? Ny devoly. Marina izany. Avy eo dia lazaina ve fa tsy marary saina izy ireo? Manomboha midina eny an-dàlambe eto, ary mamilia fiara mandalo amin'ny vondron-trano efatra ka tsy mahita vehivavy anankiray mitanjaka, dia miverena ka lazao amiko. Eny àry. Mitadiava.

<sup>219</sup> Avy eo dia lazainareo fa tsy marary saina izy ireo? Inona àry no tsy mety? Tsy mety ho ao amin'ny sainy tsara izy ireo. Ny vehivavy misaina tsara dia tsy hanao an'izany; manana saina tsaratsara kokoa izy. Fantany hoe amin'ny inona no hampisehoany ny tenany. Ny vondrona iray an'ny filàndevoly any ivelany any, tena lo, maloto, maharikoriko, lehilahy mpisotro, mpamono olona, sy ny sisa hafa. Milaza ianareo...

<sup>220</sup> Misotro toaka mahery betsaka izao tontolo izao ankehitriny. Mandany vola betsaka kokoa amin'ny toaka mahery izy ireo, eto Etazonia, noho ny laniany amin'ny sakaf. Heveriko fa izany dia...Adinoko hoe firy ny fiakaran'ny trosan'ny alikaola isan-taona, ato amin'ny firenena, noho izay nisy. Ary inona no ataon'ny alikaolisma? Mandefa anareo any amin'ny tranon'adala.

<sup>221</sup> Ny homamiadana. Nefa ireo dokoteran'ny fitsaboaana avy amin'izao tontolo izao dia manoratra ao amin'ny magazina, ka miteny aminareo hoe, "Homamiadana isaky ny entana." Ireo sigara. Napetrak'izy ireo teo amin'ny voalavo izany, ary nanaporofa fa manome anareo ny homamiadan'ny

avokavoka ilay izy. Ny fitopolo isan-jaton'izy ireo dia tratry ny homamiadan'ny avokavoka noho ny fifohana sigara. Ary ireo vehivavy sy lehilahy dia hisintona azy ireny mihitsy ka hitsoka azy eo amin'ny tavanareo. Raha tsy izany no marary saina, dia inona no atao hoe marary saina?

<sup>222</sup> Fa, voatory sy voaporofo ny Filazantsaran'i Jesosy Kristy, ary ilay Andriamaniry ny Lanitra tamin'ny endriky ny Andry Afony no nanomba teo ambonin'ny olona ka naneho fa Jesosy Kristy dia eo amin'ny fe-potoana faran'ny Fihaviany, manome azy ireo an'ilay famantarana farany. Dia maneso an'Izany sy manaraby an'Izany, nefä dia miantso ny tenany ho mambran'ny fiangonana; ary avy eo dia hilaza ve fa tsy marary saina izy ireo? Azavao izany. Mihalasa foana ny fotoanako. Fa anontanio fotsiny raha tsy marary saina izy ireo. Azo antoka. Marary saina nianatra izy ireo. Izay marina tokoa. Azavao ny toeran'izy ireo. Tsy vitanareo.

<sup>223</sup> Tapahan'izy ireo ny volony, manao akanjon'izao tontolo izao, mandeha eny an-dàlambe tahaka an'izany. Nefa ny Baibolin'Andriamanitra dia mampitandrina hanoherana an'izany, mandrara mihitsy aza ny vehivavy iray tsy hahazo hivavaka miaraka amin'ny volo tapaka. Ary miteny fa ny lehilahy... Nefa ataony izany. Izy no milaza, ny tenany, amin'ny vadiny, fa ratsy toetra izy, ny tenany, ary manana zo tanteraka izy hanome azy fisaoram-bady anankiray ka handroaka azy hiala eo aminy. Tena marina mihitsy izany. Ny Tenin'Andriamanitra no miteny an'izany, ary mandre an'izany ny vehivavy, dia manohy mitondra volo fohy, nefä miantso ny tenany ho Kristiana. Raha tsy izany no marary saina anankiray, dia inona no atao hoe marary saina? Tiako ny olona anankiray hiteny amiko hoe inona no atao hoe marary saina anankiray, raha izany. Eny. Marary saina izy ireo.

<sup>224</sup> Nianatra be loatra, ireo diplaoma, sekoly ambony! Mametraka fotoana betsaka kokoa isika amin'ny fampianarana ny zanatsika, ho an'ny—ho an'ny alzebra sy ny zava-manana aina, noho ny ananantsika ho an'ny Baiboly sy Jesosy Kristy. Tsy misy ankizy eto amin'ity firenena ity ka tsy afaka hiteny aminareo hoe iza moa David Crockett. Tsy misy ampahatelon'izy ireo anefa no afaka hiteny aminareo hoe Iza moa Jesosy Kristy. Noho izany, tsy marary saina ve izany? Izany tokoa, izy izany. Toy ny ahoana no hahafahantsika manohy dia manohy dia manohy, hoe ahoana no ataon'izy ireo!

<sup>225</sup> Tsarovy fotsiny. Ary ny fiangonana dia manohana an'izany, nefä ny Baiboly manameloka an'izany. Marary saina ve ireo mpitoriteny? Marary saina nianatra. Izany marina tokoa. Manohana an'izany ny fiangonana.

<sup>226</sup> Tsarovy i Lota. Lehilahy mahay anankiray izy. Jereo izy, iray minitra fotsiny ankehitriny. Aza—aza... Ndao isika tsy... .

Mamelà ahy noho ny fangalako minitra vitsy amboniny fotsiny. Ity dia—ity dia tena zava-dehibe loatra. Izany dia ho eo amin'ny . . . Tonga handre ahy ianareo manao an'ity horonam-peo ity.

<sup>227</sup> Jereo. Jereo. Ankehitriny, mijanona iray minitra fotsiny. Mivavaha iray segondra fotsiny, ao amin'ny fonareo hoe, “Tompo, avelao aho hahita an’izany.” Sokafy ny fahalalanareo. Enga anie Andriamanitra hanao an’izany. Jereo ilay . . . Raiso fotsiny ity firenena ity, izy irery. Ndao isika hilaza an’izay nolazain’Andriamanitra.

<sup>228</sup> Ny Baiboly no nilaza, hoe, “Ny fahotan’i Sodoma no nampijaly an’ilay fanahy marina an’i Lota isan’andro.” Tsy nanana fahasahiana betsaka ny hijoro hanohittra an’izany izy. Marina ve izany? [Hoy ny fiangonana hoe, “Amena.”—Mpand.] Tsy nahavita an’izany izy, satria izy no ben’ny tanàna. Tsy vitany. Fa ny Baiboly no nilaza, hoe, “Ny fahotana an’ireo—an’ireo Sodomita no nampijaly ny fanahiny.” Fantany fa ratsy ilay izy, saingy tsy nanana fahasahiana izy hanao an’ilay izy, hijoro hanohittra an’ilay izy.

<sup>229</sup> Ankehitriny jereo. Lota firy eto Amerika, omaly, no namaky ny Baiboliny, hanomana ny hafany ho an’ny androany, ka tojo eo amin’ny batisan’ny rano amin’ny Anaran’i Jesosy Kristy? Firy amin’izy ireny no tojo eo amin’ny batisan’ny Fanahy Masina? “Jesosy Kristy tsy miova omaly, anio, ary mandrakizay”? Marka 16, “Izao famantarana izao no hanaraka an’ireo izay mino”? Jaona 14:12, “Izay mino Ahy, ireo asa izay Ataoko no hataony koa”? “Raha mitoetra ao Amiko ianareo, ary ny Teniko ao aminareo, dia angataho izay tianareo fa ho tanteraka izany”? Lota firy no nahita an’Izany? Saingy, noho ny fialany, avy amin’ireo anaram-piangonany! Izany . . . Tadiavo dia jereo ao amin’ny Baiboly.

<sup>230</sup> Jereo ireo fiangonan’ny vehivavy manapa-bolony, nefà fantatr’izy ireo fa manameloka an’izany ny Baiboly. Jereo fa mandeha eny an-dàlambe, ireo mambran’ny fiangonany manokana no mandeha eny an-dàlambe, manao sorta, nefà fantatr’izy ireo fa manohittra an’izany ny Teny. Saingy tsy manana fahasahiana hiantsoantso hanohittra an’izany izy ireo. Fa, kanefa, ilay lehilahy dia milaza fa Kristiana anankiray, ny fanahiny ao anatiny anefa miantsantso manohittra an’izany, saingy tsy manana fahasahiana izy. Raha tsy izany no Sodoma moderina, dia aiza izany ilay izy?

Andriamanitra, omeo olona anankiray izahay izay hiantsoantso hanohittra an’izany. Marina izany. Tahaka ny nolazain’i Jaona Mpanao-batisa hoe, “Efa mipetraka eo amin’ny fototry ny hazo ny famaky.” Izany no ilaintsika amin’izao andro izao.

<sup>231</sup> Diniho. Sodoma moderina izy ireo. Tsarovy. Hitanareo? Ny firenena manontolo dia lasa Sodoma sy Gomora moderina. Lota miaina eo amboniny indray. Tsy . . . Miaina ambonin'izy rehetra, fa ny faharesen-dahany marina dia miteny aminy amin'ny alàlan'ny Teny fa diso izy.

<sup>232</sup> Jereo ao Chicago, Chicago malaza indrindra, rehefa nipeetraka teo ireo mpitoky teny telonjato. Dia niteny tamiko ny Tompo tamin'io hariva io hoe inona no hataon'izy ireo. Nametraka fandrika ho ahy izy ireo. Izaho, nandeha tany. Nandeha aho ary niteny tamin-dRahalahy Carlson. Hoy aho hoe, "Tsy hanao an'ilay izy ao amin'io hotely io ianareo. Tsy maintsy maka toerana hafa anankiray ianareo, ary ho efitra maitso-maitso izany. Ary nametraka fandrika ho ahy izy ireo, sa tsy izany, Rahalahy Carlson?" Nanondrika ny lohany izy.

Nipeetraka tao amin'ny biraoko izy, andro vitsy lasa izay, mba handehanako, any amin'ny fivorian'i Chicago. Hoy izy, "Tsy ho hadinoko mihitsy izany, Rahalahy Branham."

Dia hoy aho hoe, "Nametraka fandrika ho ahy izy ireo. Nahoana, Rahalahy Carlson? Matahotra ve ianareo ny hiteny amiko hoe nahoana, ianao sy Tommy Hicks?" Nanondrika ny lohany izy ireo. Hoy aho hoe, "Tommy, maninona ianao no tsy miteny?"

Hoy izy, "Tsy afaka manao an'izany aho."

Hoy aho hoe, "Ataoko fa ianao no nilaza fa ianao dia hanome ahy fankasitrahana."

<sup>233</sup> Hoy aho hoe, "Omaly hariva dia niteny tamiko ny Tompo. Handeha any ianareo androany, ary ho hitanareo fa tsy hahazo an'ilay tranobe ianareo. Hahazo tranobe anankiray hafa ianareo. Hipetraka eto amin'ity ilany ity Dokotera Mead. Ilay lehilahy mainty hoditra, ny vadiny, izay mihira, dia hipetraka eto mihitsy, sy ny sisa, izay hipetrahan'izy rehetra." Hoy aho hoe, "Hisy pretra Buddha anankiray eo." Ary hoy aho hoe, "Ankehitriny jereo. Nataon'izy ireo izany mba hanoherana ahy satria aho mitory ny batisa amin'ny Anaran'i Jesosy Kristy Tomponsika. Nataon'izy ireo izany hanoherana ahy satria aho mitory ny taranaky ny menarana; ary manohitra an'ilay porofo, hoe, ny olona rehetra izay miteny amin'ny fiteny tsy fantatra dia nahazo ny Fanahy Masina, sy ny sisa." Hoy aho hoe, "Avia dia jereo Andriamanitra."

<sup>234</sup> Niditra tao izahay, nandeha tany izy ireo, ary adiny roa mihitsy taorian'izany, na mihoatra, tamin'ny fotoana anankiray tamin'io tolakandro io, dia niantso an-dRahalahy Carlson izy ireo. Dia hoy izy hoe, "Ilay lehilahy izay namela azy hahazo an'ity, sy nandoa ny ampaham-bola ho an'izany, no nanao hoe, 'Tsy maintsy foananay, satria ny mpitantana no nilaza fa efa nampanantena an'ity ho an'ny andiany anankiray izy ho an'io hariva io, na io maraina io.'" Dia tsy afaka nahazo azy izy ireo.

<sup>235</sup> Koa dia nandeha tao amin'ny Town and Country izahay. Ary tamin'io maraina io rehefa niditra tao izahay, dia nitsangana teo. Ary—ary hoy Rahalahy Carlson hoe, “Misy zavatra anankiray. Ianareo rahalahy ireo dia mety tsy hifanaraka amin-dRahalahy Branham, saingy,” hoy izy, “tsy matahotra ny milaza an’izay inoany izy.” Hoy izy hoe, “Niteny tamiko izy fa izao zavatra izao no hitranga tena marina araka ny fomba isiany.” Hoy izy hoe, “Ankehitriny indro izy. Avelao izy no hiteny ho an’ny tenany.”

<sup>236</sup> Nalaiko ny Soratra hoe, “Tsy mba tsy nankato ny fahitana avy any an-danitra aho,” araka ny nolazain’i Paoly. Hoy aho hoe, “Nampidirinareo tamin’izany aho, noho ny batisan’ny rano amin’ny Anaran’i Jesosy Kristy. Mihoatra noho ny telonjato aminareo no nampahafantatra ny tenanareo hoe Dokotera *Ranona-sy-ranona*, ary Dokotera *Ranona-sy-ranona*.” Hoy aho hoe, “Izaho tsy manana na dia fahaizana grameran-tsekoly anankiray akory aza. Saingy mihaika ny olona rehetra eto aho hitondra ny Baibolinareo ka hitsangana eto akaikiko, ary handà ny anankiray amin’ireo Teny izay voalaza.”

Manana an’izany ao amin’ny horonam-peo eto ianareo, raha tianareo ny handre an’izany. Ary izany no vahoaka nangina idrindra tsy mbola renareo. Hoy aho hoe, “Inona ilay olana?” Misy olona ve eto, izao hariva izao, izay tao amin’ilay favoriana maraina, aoka mba ho hitanay ianareo manangana ny tanganareo. Hia. Eny, azo antoka, jereo ny manodidina rehetra.

Hoy aho hoe, “Noho izany, raha tsy mahazaka an’izany ianareo, dia mialà ao aoriako ao.” Marina. Betsaka ny fitabatabana, rehefa any amin’ny zorony any izy ireo. Fa ny tonga mifanatrika amin’ilay olana, dia hafa ilay izy. Marina izany. Izany dia . . . Nivoaka ireo lehilahy ireo.

<sup>237</sup> Hoy Tommy Hicks hoe, “Mila telonjato amin’ireo horonam-peo ireo aho, halefako any amin’ireo mpilaza fa mpitory teny triniterana izay fantattro ireo.”

Nandray ny tanganako ireo lehilahy ireo, nanao hoe, “Ho tonga any amin’ny tabernakla izahay ary hatao batisa any.”

Aiza izy ireo izao? Fialana. “Tsy afaka manao an’ilay izy aho. Tsy hamela ahy hanao an’izany ny anaram-piangonako. Nampakatra vady aho. Nividy omby iray aho, na omby, raha ny marina. Izaho—izaho nividy sombin-tany. Tsy maintsy mandeha mijery azy aho.” Hitanareo? Ny sasany amin’ireo zavatra ireo, mitovy, fialana. Tsy marina ve izany? [Hoy ny fiangonana hoe, “Amena.”—Mpand.] Mendrika ny Filazantsara ve izany fiainana izany? [“Tsia.”]

Raha marina ny Filazantsara, dia ndao isika hivarotra ny zavatra rehetra izay ananantsika ka hiaina ho an’Izany. Aoka ho Kristiana iray. Eny, tompoko. Amen. Mariho ankehitriny, raha mamarana isika.

<sup>238</sup> Fa ny fialan'izy ireo dia ireo fanekem-pinoany sy ireo anaram-piangonany.

Izany dia tahaka ny hazo anankiray. Nijery an-dRahalahy Banks aho, indray andro. Izaho dia nanana ha—hazo kesika iray, izay namboleko rehefa nifindra voalohany teo aho, teo amin'ny, oh, teo amin'ny dimy ambin'ny folo taona lasa teo izay, na mihoatra. Ary navelako ireo zava-maniry mandady, ireo sampana haniry teo amin'ilay hazo kesika, fa tsy afaka ny hampiditra an'ilay fanetezam-bozaka ao ambanin'izany isika. Ary tsy nisy singam-bozaka anankiray aza tao, na izany aza. Ary nandeha teo aho, naka tsofa anankiray ary nanatsofa an'ireo rantsana, mandra-pahatongan'ilay hazo kesika hiakatra *eto*, izay hahafahanareo mandeha eo ambanin'ny miaraka amin'ny fanetezam-bozaka anankiray. Ary andiam-bozaka tsara indrindra izay mbola tsy hitanareo no ao ambanin'ny ankehitriny. Inona ilay izy? Tao ilay voa. Mila mahazo ny hazavana izy.

<sup>239</sup> Ary raha mbola ilay anaram-piangonana foana, ireo fialanareo, no miezaka hanaloka an'ilay Voa izay fantatrareo tokoa fa mipetraka ao, dia maka ny ampanhan'i Lota izay ianareo. Ario any izany zavatra izany, ary avelao ny Hazavan'ny Filazantsara hamiratra eo amboniny eo, ilay herin'i Jesosy Kristy. Eny. Ny manakana an'ilay Hazavana tsy ho eo aminy, dia hanakana azy tsy ho velona. Satria, raha tena hamely azy ilay Hazavana, dia hitsiry ho amin'ny Fiainana izy.

Izany no antony ilazan'ny olona hoe, “Aza mandeha any amin'ny anankiray amin'ireo karazana favoriana ireo.” Matahotra izy ireo ny handonan'ilay Hazavana ny anankiray amin'ireo mambrany.

<sup>240</sup> Tsarovy ilay vehivavy teo amin'ny fantsakana. Mpivarotena anankiray izy.

Nitsangana teo ireo mpisorona. Nahita an'i Jesosy izy ireo niteny tamin'i Natanaela hoe, “Nahita anao Aho, rehefa teo ambanin'ny hazon'aviavy ianao.”

Dia hoy ireo mpisorona hoe, “Belzeboba Izy. Mpanao hatsarana Izy. Ny devoly izany.”

<sup>241</sup> Ity vehivavy kely ity, rehefa nandeha teo izy, tao amin'ny toetra ratsiny, niaina niaraka amin'ny lehilahy enina. Ary rehefa nandeha teo izy tao amin'io toetra io, io toetra izay nisy azy io. Dia hoy Jesosy hoe, “Omeo rano Aho.” Nanomboka ilay fifampiresahana. Hoy Izy hoe, “Mandehana alaivo ny vadinao dia tongava *eto*.”

Hoy izy hoe, “Tsy manana aho.”

Hoy Izy, “Nilaza ny fahamarinana ianao. Efa nanana dimy ianao, ary ny anankiray izay iarahanao, dia tsy vadinao.”

Hoy izy hoe, “Hitako izao fa mpaminany Ianao, Tompoko. Fantatro fa ny Mesia no hanao an’izany rehefa tonga Izzy.”

Hoy Jesosy hoe, “Izaho no Izzy.”

<sup>242</sup> Vita hatreo ilay izy. Rehefa nanelatratra teo amin’ilay Voa izay nипetraka tao anatin’io mpijangajanga ratsy io ilay Hazavana, dia tapitra ilay andron’ny fijangajangana. Nandeha teny andàlambe izy, nanome voninahittra an’Andriamanitra, nanao hoe, “Avia, hijery Lehilahy iray Izay niteny tamiko an’ireo zavatra izay nataoko. Tsy Izao ve no Mesia?” Inona ilay izy? Ilay Hazavana no nandeha tao amin’ilay voa izay tao ambanin’ny aloky ny fialokalofam-pijangajangana iray. Eny, tompoko.

Ankehiritriny ndao isika hamarana, amin’ny filazana an’izao. Tsy fantattro hoe mbola misy pejy firy no ananako, fa izaho—izaho dia azoko antoka fa tsy haka an’izy rehetra ireo. Eo amin’ny folo eo, izany dia eo amin’ny antsasany no vita. Fa ndao isika hamarana, amin’ny filazana an’izao.

<sup>243</sup> Ndao isika hampitaha zavatra anankiray, indray mandeha, ny amin’ny fiaianana iray mendrika. Ndao isika hampitaha ny fiaianan’i Masindahy Paoly amin’ilay mpanapaka tanora manan-karena. Ilay Hazavana iray ihany no nandona an’ireo lehilahy anankiroa ireo. Izy roa dia samy nanana fanasana avy tamin’i Jesosy Kristy. Marina ve izany? [Hoy ny fiangonana hoe, “Amena.”—Mpand.] Izy roa dia samy tsara hofana tamin’ny Soratra. Izy roa dia samy teolojiana. Tsarovy, Jesosy dia niteny—niteny tamin’ilay mpanapaka tanora manan-karena hoe, “Tandremo ny didy.”

<sup>244</sup> Hoy izy, “Efa nataoko izany, hatramin’ny fahakeliko.”

Lehilahynofanina anankiray izy. Toy izany koa i Masindahy Paoly. Izy roa samy tsara hofana tamin’ny Soratra. Fa, izy roa ireo dia samy nanana ny Teny. Ny anankiray nahazo Azy avy tamin’ny fahalalana iray; ny anankiray hafa nahazo an’ilay tsirin’Aina tao anatiny. Rehefa nanelatratra ilay Hazavana, teo alohan’i Paoly, hoy izy hoe, “Tompo, Iza moa Ianao?”

Hoy Izzy, “Izaho no Jesosy.”

“Inty aho, raha izany.” Efa vonona izy.

<sup>245</sup> Nandona an’ireo lehilahy anankiroa ireo ilay Hazavana. Ny anankiray nahavokatra; ny anankiray hafa tsy nahavokatra. Izany ilay fomba izay misy amin’izao andro izao: fiangonana ara-panahy, fiangonana ara-nofo.

<sup>246</sup> Nanana ny fialany ilay lehilahy manan-karena. Tsy afaka nanao an’izany izy. Navesatra loatra izy niaraka tamin’ireo sakaiza be loatra avy amin’izao tontolo izao. Tsy nety niala tamin’ny fikambanana izy.

Izany ilay olana amin’ny olona marobe amin’izao andro izao. Mihevitra ianareo, hoe satria mikambana amin’ny sampana iray ianareo, dia tsy afaka mihitsy handao an’izany firahalahiana

izany. "Misotro daholo izy ireo sy ny zavatra tahaka an'izany. Izy ireo manao an'ity." Eny àry, manohiza miaraka amin'izany; tsy misy na inona na inona hanoherana ny sampana, tsy misy na inona na inona hanoherana an'ilay fiangonana. Ny aminareo no resahiko. Hitanareo? Hia. Hitanareo? Tsy misy na inona na inona hanoherana an'izany. Satria, ny enina amin'ny anankiray, ary antsasaky ny roa ambin'ny folo amin'ny iray hafa. Nanao fotsiny aho izay nitenenana taminareo fa ny fiangonana dia tsy inona fa sampana iray fotsiny, ny anaram-piangonana, raha mandà ny Tenin'Andriamanitra izy ireo.

<sup>247</sup> Mariho. Nanana ny fialany ilay lehilahy manan-karena. Tsy nilaozany mihitsy ny filazany, na izany aza. Hitantsika fa nandeha teo amin'ny fandraharahana lehibe izy. Nanana fahalalana izy. Ary tonga teo amin'ny toerana iray hany ka tsy maintsy nampitombo betsaka tokoa izy, hany ka tsy maintsy nanorina fitehirizam-bokatra vaovao izy hametrahany an'ireo zavany. Ary rehefa maty izy; dia manana bakalorea anankiray, niaraka tamin'ny vozon'akanjony nivadika, no nitory teny tamin'ny fandevenana azy, tsy isalasalana. Ary rehefa nanao an'izany izy, mety niteny izy... Nampisaona ny saina izy ireo, ary nanao hoe, "Ny rahalahy malalantsika, ny ben'ity tanàna ity, dia eo an-tsandrini'ny Tsitoha, satria mambra malazan'ny fiangonana izy. Izy nahavita an'izao-sy-izao, ary izao."

Fa ny Baiboly no nilaza hoe, "Tao amin'ny helo izy no nanandratra ny masonry, tao anatin'ny fampijaliana." Hitanareo?

<sup>248</sup> Ary tsarovy, mbola naniry ny hihazona foana ny filazany izy tao amin'ny helo. Nahita an'i Lazarosy izy, teo an-tratran'i Abrahama, dia hoy izy hoe, "Abrahama Ray, iraho mankety i Lazarosy." Mbola niantso azy hoe "ray." Hitanareo?

Nalainy ny fahalalany, dia nentiny tao amin'ny fiangonana ara-tsaina anankiray. Rehefa nandona azy ilay Hazavana, dia nihodinany Izany.

Raha tsy izany no fironana moderin'ny fiangonana amin'izao andro izao, dia tsy fantatro ilay izy. Tsy mampaninona izay ampanjelaran'Andriamanitra ny lâlan'izy ireo, ny Andry Afo na mety ho inona koa ilay izy; dia izy ireo mbola, miaraka amin'ireo fahalalany, hain'izy ireo ny manazava an'Izany, sy mandeha any amin'ilay vondrona manam-pahaizana, ho an'ny toerana aratsosialy.

<sup>249</sup> Fa i Paoly dia efa tao amin'ilay toerana ara-tsosialy, niaraka tamin'ny fahalalana lehibe, mahay anankiray teo ambanin'i Gamaliela, tânana ankavan'an'ny mpisoronabe, hany ka nandeha tany amin'ireo mpisorona izy ary nahazo alàlana hametraka an'ireo holy-rollers rehetra ireo any am-ponja. Saingy rehefa nandona ny lâlany ilay Hazavana, ka hitany fa io Andry Afo iray ihany izay nitarika ny Isiraely tao an-efitra io dia Jesosy

Kristy, dia nilaozany izay rehetra hainy. Tonga teo amin'ny Fiainana izy.

<sup>250</sup> Afaka miantsosy ny fiainan'ilay lehilahy manan-karena ve ianareo hoe fiainana iray mendrika ny Filazantsara izay reny? Na dia mpino anankiray aza izy, dia afaka miantsosy an'izany karazana fiainana izany ve ianareo... Teo anivon'ireo manam-pahaizana sy famalifaliana, tamin'io alina tany io teo amin'ny... rehefa nilentika ny masoandro, nanao fifandonam-bera iray, ary angamba mpisorona anankiray no nanonona vavaka iray, teo an-tampon'izany. Ary nanana an'ireo famalifaliana izy, ary mpangataka anankiray no nipetraka teo amin'ny vavahadiny teo. Ary nanao fifandonam-berany izy, ary niresaka ny amin'ny finoany lehibe fa nanana an'Andriamanitra izy. Fa talohan'ny nipozak'andro, ny ampitso maraina, talohan'ny nahafahan'ny masoandro hiakatra, dia efa tany amin'ny helo izy. Marina izany. Io ilay manam-pahaizanareo.

<sup>251</sup> Fa i Paoly, rehefa nandona azy ilay Hazavana, ndao ampitahantsika ny fiainany dia hojerentsika raha mendrika izany. Inona no nitranga? Rehefa, i Paoly, nandona azy ilay Hazavana, dia nilaozany ny fahalalany rehetra ary niala lavitra an'ilay vondron'ny manam-pahaizana izy, ary nandeha tao amin'ny Fanahin'i Jesosy Kristy izy. Voninahitra ho an'Andriamanitra! Na dia nahay tokoa aza izy, dia tsy mba nampiassa teny goavana mihitsy akory aza izy.

Rehefa tonga teo anivon'ireo Korintiana izy, dia hoy izy hoe, "Tsy tonga aminareo mihitsy aho miaraka amin'ny fahendren'olona. Tsy tonga aminareo mihitsy aho miaraka amin'ny teny mirehareha, satria tao amin'izany no nametrahanareo ny finoanareo. Fa tonga aminareo aho ao anatin'ny fahatsorana, amin'ny herin'ny fitsanganan'i Jesosy Kristy, mba hahatonga ny finoanareo ho eo amin'izany." Io no fiainana anankiray. Diniho izany.

<sup>252</sup> Tsy nampiassa ny fahaizany mihitsy izy. Tsy nandeha niaraka tamin'ilay andiany mahay mihitsy izy. Nandeha niaraka tao amin'ny Fanahin'i Kristy izy, nanetry tena, nankato ny Tenin'Andriamanitra, rehefa nifanohitra betsaka tamin'ny fanekem-pinoan'izy ireo Izany. Fa nahita an'ilay Hazavana i Paoly ary nandeha tao amin'Izany (marina ve izany?), namela ny Fiainan'i Kristy hanome taratra an'i Jesosy Kristy ho an'ilay taona izay niaianany, mba hahafahan'ny olona hahita an'ilay Fanahin'Andriamanitra tao aminy.

Ary ilay manetry tena no nino an'izany, betsaka tokoa, hany ka tian'izy ireo mihitsy aza ny nitondra mosara. Nalain'izy ireo avy teo amin'ny vatany izy ireny. Ary nino an'izany izy ireo, betsaka tokoa, hoe izy no solontenan'i Jesosy Kristy, hany ka, izay rehetra nokasihany, dia ninoan'izy ireo, fa voatahy. Eny.

Lehilahy inona izany, nanolotra ny fiainany, ireo harenany, sy ny zavatra rehetra izay nananany! Ny fahaizany; nadinoiny ny rehetra, mba handehanana miaraka amin'ireo mpanjono, sy mpitalaho ary mpangataka an-dàlambe, mba hamela an'ireo hazavany hanome taratra ny fitiavan'i Jesosy Kristy.

Hoy izy hoe, “Nokapohina ny lamosiko, in-tsivy amby efapolo; aza manelingelina ahy.” Hoy koa izy, “Mitondra an'ireo marik'i Jesosy Kristy amin'ny vatako aho.” Ilay lehilahy kely mahantre ao amin’izany toerana mahatsiravina izany, hoy izy hoe, “Mitondra an'ireo marik'i Jesosy Kristy amin'ny vatako aho.” Toy inona ny fahasamihafana amin’io voninahitra be miaraka amin'ireo mpisorona rehetra nanodidina azy.

<sup>253</sup> Ary rehefa tany Roma izy, dia tsy nisy olona nanohana azy. Ary nanamboatra boloky iray izy ireo, mba hanapahana ny lohany, tany. Teo no nilazany an’izany. Oh, oadray! Hoy izy hoe, “Misy satroboninahitra iray voatahiry ho ahy, ka ny Tompo, ilay Mpitsara Marina no hanome an’izany ho ahy amin’io Andro io; ary tsy izaho irery ihany, fa ankehitriny dia ireo rehetra izay tia ny Fisehoany.” Izany no fiainana iray mendrika ny Filazantsara, na, zanaka iray.

<sup>254</sup> Nijoro ho an’i Kristy izy. Navelany hanome taratra teo aminy ny Filazantsara. Talohan’ny nanaovany an’izany, dia nandeha izy ary nianatra ny Filazantsara. Nandeha tany Arabia izy ary nitoetra tany telo taona, ka nandray ny Testamenta Taloha. Ary nasehony, tamin’ny alalan’ny Testamenta Taloha, fa Izy no Jesosy Kristy. Ary navelany Izany hanome taratra teo aminy, teo amin’ny andian’olona iray manetry tena. Izany, izy, rehefa... Hoy izy hoe, “Haiko ny manana kibo voky, ary haiko ny ho noana sy ny tsy fisiana.”

Lehilahy anankiray miaraka amin’ny fahaizana anankiray tahaka azy, ary mahay anankiray tahaka azy, nijoro teo akaikin’ny...niaraka tamin’ny fampianarana avy tamin’i Gamaliela, anankiray amin’ireo mpampianatra malaza indrindra izay nisy tamin’ilay andro, ary nijoro nifampitantana tamin’ilay mpisoronabe. Rahalahy, afaka nahazo an-tapitrisany dolara izy ary nanana ny karazana tranobe rehetra. Marina izany. Saingy hoy izy hoe, “Izaho...”

<sup>255</sup> Tsy nanana afa-tsy kapoty anankiray akory aza izy. Ary Demasy no nahita lehilahy anankiray niaraka tamin’ny asampanomoana iray tahaka an’izany! Timoty Faharoa, ny toko faha-3, hoy izy hoe, “Nandao ahy Demasy, sy ireny lehilahy hafa ireny, tia an’izao fiainana izao.” Hoy izy, “Rehefa ho avy ianao, dia ento aty amiko ilay kapoty izay navelako tany. Mangatsiaka ny andro.” Lehilahy iray miaraka amin’ny asampanomoana tahaka an’izany ve, dia kapoty anankiray ihany no mba nananany? Voninahitra ho an’Andriamanitra!

<sup>256</sup> Mampahatsiahy ahy an'i Masindahy Martin izany, rehefa niezaka nanohana ny Filazantsara izy, sy ny sisa, talohan'ny niovany fo. Tao amin'ny—tao amin'ny Talohan'i Nise, na ny fivoriamben'i Nise, ireo *Pretran'i Nise*, ao amin'ny tantara. Indray andro, nandalo teo amin'ireo vavahady teo izy. Avy tany Tours izy, Frantsa. Ary teo ireo olona... Mpangataka anankiray no nipetraka teo, teo an-dàlam-pahafatesana, tsy nisy akanjo. Ary nandalo fotsiny ireo olona, izay afaka nanome akanjo ho azy, nefy tsy nanao an'izany izy ireo. Nandalovan'izy ireo fotsiny izy ary tsy noraharahiany ilay lehilahy antitra. Ary nitsangana teo i Masindahy Martin dia njery azy. Nilaza izy ireo fa izy...

<sup>257</sup> Ny miaramila tsirairay dia nanana le—nanana lehilahy iray mba hanao ny kirarony hangirana. Fa izy no nampangirana ny kiraron'ny mpanompony.

Ary nesoriny ny kapotiny, dia naka antsy anankiray izy ary notapahany izany, ny antsasany, ho anankiroa, tamin'ny sabany. Norakofany an'izany ilay mpangataka antitra, hoy izy, "Afaka ny ho velona isika roa."

Nandeha nody izy ary nandeha natory. Nandry teo, nieritreritra an'ilay lehilahy izay nitomany. Avy hatrany, nisy Zavatra namoha azy. Nijery izy. Nitsangana tao amin'ilay efitra, teo Jesosy Kristy no nitsangana nirakotra an'ilay tapadamba iray ihany izay nandrakofany an'ilay mpangataka. Hoy izy, "Araka izay nataonareo tamin'ny anankiray amin'ireto madinika ireto, no nataonareo Tamiko koa." Izany no fiainana iray mendrika ny Filazantsara. Fantatrareo hoe ahoana no nanisiany tombokase ny fiainany, ihany koa, sa tsy izany?

<sup>258</sup> Jereo i Polycarp, nanohana ny batisa amin'ny Anaran'i Jesosy, nanohitra an'ilay fiangonana Katolika Romana. Ary nodoran'izy ireo teo amin'ny tsato-kazo iray izy; nendahana ny trano fandroana iray dia nodorana izy. Jereo i Irenée, ny sisa tamin'izy ireo, izay niaritra ho an'ity antony ity. Izany no fiainana mendrika.

<sup>259</sup> Jereo izay nolazain'i Paoly ao amin'ny Bokin'ny Hebreo, ny toko faha-11. Hoy izy, "Notsofana nisaraka izy ireo, natokamoina; nirenireny, nitafy hoditr'ondry sy hoditr'osy, ary tany an-efitra, efa lao sy ny sisa; fiainana izay ity izao tontolo izao ity aza tsy mendrika azy." Eo ianareo izao. Izany fiainana izany no mendrika ny Filazantsara. Hanao ahoana ny ahy sy ny anareo hitsangana ao amin'ilay Andron'ny Fitsarana, miaraka amin'ireo olona tahaka an'izany?

<sup>260</sup> Jereo i Paoly ankehitriny. Ho tonga eo amin'ny farany isika. Nijoro ho an'ny Filazantsara izy, namela an'i Jesosy hikorianana teo aminy. Tsy mampaninona na ahoana, inona, tsy njery an'izay niheveran'ny olona an'ilay izy. Fa, ilay mpisoronabe, nahoana, nandeha izy ary namela ny lohany ho tapahana, ho an'Izany. Izy no solontena iray mendrika ny Filazantsara. Namela...

Jereo eo. Tsy njery an'izay noheverin'ny olona, namela an'ilay fandehan'ny Fiainana Mandrakizay hikoriana teo aminy, araka ny nolazainy hoe, "Naniry ny ho voaozona sy tafasaraka tamin'i Kristy aho, ho an'ireo rahalahiko."

Ankehitriny dia fantatrareo izay hataonareo rehefa manana ny Fiainana Mandrakizay ianareo. Io ilay fanontanianareo. Io ilay valiny anareo. Maka an'ilay lafiny mahay ianareo; na, maka an'*Ity* lafiny ity, raha tena manana ny Fiainana Mandrakizay ianareo. Izany no mitranga.

<sup>261</sup> Izany no niseho. Paoly, vonona ny ho voaozona sy tafasaraka tamin'i Kristy, mba hamela ny olony... Ilay olona jamba, tsy mahay izay tsy nety nihaino ny Filazantsarany!

Mieritreritra aho, fa henatra iray ho an'ny tenako manokana. Efa vonona ny handao azy ireny aho, satria tsy nety nihaino ahy izy ireo. Naniry ny hibebaka aho. Dia nibebaka aho. Hitanareo?

<sup>262</sup> Mariho. Tsy mijery an'izay heverin'ny hafa, izany karazam-piaianana izany no mendrika ny Filazantsara.

Ankehitriny dia hamarana aho.

<sup>263</sup> Ilay lehilahy manan-karena, tahaka ny maro amintsika amin'izao andro izao, nisakana sy nandà an'ilay Tenin'ny Fiainana, ary lasa mambra anankiray an'ny fiangonana; ary naneho fiainana iray, izay voaporofa ao amin'ny Baiboly, fa tsy mendrika ny Filazantsara izay nangatahana taminy mba ho raisina. Marina ve izany? [Hoy ny fiangonana hoe, "Amena."—Mpand.] Ahoana no hahafahan'ny Filazantsara hamiratra ao amin'ny jiro maizina tahaka an'izany, mandà ny herin'Andriamanitra?

<sup>264</sup> Ankehitriny, ny fomba tokana hiaianana fiainana iray mendrika, dia ny mamela an'i Kristy sy ny Teniny (fa, Izy no Teny) hanome taratratra ny Tenany tena tanteraka ao aminareo hany ka Andriamanitra no manamarina an'izay Nolazainy ao amin'ilay Teny. Fa, maty Kristy mba Hahafahany manolotra ny Tenany eo anatrehan'Andriamanitra, ho Fanatitra iray. Ary niverina indray Izany tao amin'ny endriky ny Fanahy Masina, mba hanome taratratra ny Tenany eo amin'ny Olony, mba hanohy ny Asany; manome taratratra ny Tenany eo aminareo, mba hanatanteraka ny Teniny nampantanenaina ho an'ny andro ho avy.

Tahaka ny ren'i Jaona Mpanao-batisa, rehefa nandre izy fa tonga Kristy. Ary nidina tao anaty rano Kristy. Dia hoy Jaona hoe, "Indro ny Zanak'ondrin'Andriamanitra."

Tsy nisy olona hafa nahita Azy. Fa izy no nahita Azy, ilay Hazavana nidina avy tany An-danitra, tahaka ny voromailala. Ary Feo anankiray no nanao hoe, "Ity no Zanako malalako Izay Sitrako honenana." Nahita Azy tonga izy.

Ary nidina tao anaty rano Jesosy, Imanoela, teo anatrehan'ny—ny mpitory teny iray izay noheverina ho mpanaraka fototra anankiray. Nidina tao anaty rano, teo anatrehan'ny olona, ary nanao hoe, “Tiako hataonao batisa Aho.”

<sup>265</sup> Hoy Jaona hoe, “Tompo, izaho no mila Hataonao batisa. Nahoana Ianao no tonga eto amiko?” Nifanena ny mason’izy roa ireo, mpaminany iray sy ilay Andriamaniny. Amena. Azonareo... Izaho... Tsy ho tiako ve ny hijoro ka handinika an’izany? Mijery an’ireo maso henjana, lalina an’i Jaona niondrika ary mahita an’ireo maso henjana, lalina an’i Jesosy; zanaky ny mpiray tam-po, amin’ny ara-nofo.

<sup>266</sup> Hoy Jesosy hoe, “Jaona, ekeo ihany izao ankehitriny, fa izao no mety amintsika. Isika no Hafatr’ity ora ity. Izao no mety amintsika mba hahatanteraka ny fahamarinana rehetra.”

<sup>267</sup> Nieritreritra i Jaona hoe, “Eny, Izy no ilay Fanatitra. Ilay Fanatitra dia tsy maintsy sasana alohan’ny hanolorana Azy.” Avy eo dia hoy izy hoe, “Avia.” Dia nataony batisa Izy. Amena. Amin’ny teny hafa dia, “Izao no mety amintsika mba hahatanteraka ny fahamarinana rehetra.”

Jesosy, nahafantatra fa io lehilahy io no tena izy, dia nanao hoe, “Tsy misy mihitsy olona izay natera-behivavy, tahaka azy. Mihoatra lavitra noho ny mpaminany iray izy; raha afaka mandray an’izany ianareo, io dia mihoatra lavitra noho ny mpaminany iray.” Ary Jesosy, njery ny tao am-pony, ary nahafantatra an’izany. Ilay mpiray tam-po Aminy manokana no nihaona Taminy teo, nifanatrika.

<sup>268</sup> Hoy Jaona hoe, “Tompo, izaho no mila Ataonao batisa. Fa nahoana Ianao no tonga eto amiko?”

<sup>269</sup> Hoy Izy, “Ekeo ihany izany, Jaona. Fa, tsarovy, izao no mety amintsika mba hahatanteraka an’izay nampanantenain’Andriamanitra rehetra. Ary Izaho no ilay Fanatitra. Tsy maintsy sasana Aho alohan’ny atolotra.” Oh, oadray! Oadray!

<sup>270</sup> Ary, amin’izao andro izao, rehefa mamiratra ireo Hazavan’ny hariva, rehefa tsy misy olona iray ao amin’ny sainy tsara nefy tsy afaka miteny; ny mpahay Baiboly, izay njery tao amin’ny Baiboly, dia mahafantatra fa izao no andro farany. Noho izany, dia mety amintsika ny mianjera avy amin’ireo rindrina lehibe ireo, na manalavitra an’ireo zavatra ireo, mba hidirana ao amin’ny fahamarinan’i Jesosy Kristy amin’izao andro farany izao, sy mandray ny Tombokasen’Andriamanitra alohan’ny hanomezan’ny devoly antsika an’ilay mariky ny bibidia. Oh, oadray. Eny.

<sup>271</sup> Mivavaha amin’Andriamanitra mba hamelana an’ilay Hazavan’izao andro izao hiposaka ao aminareo, mba ho mpanompon’Andriamanitra anankiray mankato. Ary avy

eo dia avelao ilay vokatry ny Fanahy hitoetra ao amin'ny fiainanareo mandrakariva. Fa izany no fiainana iray mendrika ny Filazantsara.

<sup>272</sup> Mamelà ahy hiteny an'izao, eto am-pamaranana. Ny fomba tokana, ny fomba tokana hahafahanareo miaina fiainana iray izay mendrika ny Filazantsara, dia ny mamela ny Filazantsara Izy tenany, ny sombiny tsirairay avy ao amin'ny Filazantsara, hiditra ao anatinareo ka hanome taratra indray an'ireo Fampanantenany, manao azy ireo ho voamarina. Avelao Andriamanitra hiaina ao anatinareo, mba hanamarina an'ireo teny fikasan'izao andro izao.

Tahaka an'i Jaona mihitsy, tahaka ny nolazain'i Jesosy tamin'i Jaona hoe, "Ekeo ihany izao, Jaona. Marina izany. Fa isika no irak'izao andro izao, ary isika no tsy maintsy manatanteraka ny fahamarinana rehetra."

Ary raha isika no Kristian'izao andro izao, dia aoka isika handray an'i Jesosy Kristy ao am-pontsika. Ary izy no Teny. Aza mandà ny anankiray amin'Izany. Manaova hoe, "Izany no Fahamarinana." Ary apetraho ao am-ponareo Izany, diniho ilay vokatry ny Fanahy eo aminareo, sy manatanteraka ny teny fikasana tsirairay izay Nataony ao amin'ny Baiboly. Tehanatanteraka ny Teniny Andriamanitra, ary tsy manana tanana afa-tsy ny ahy sy ny anareo Izy. Tsy manana maso afa-tsy ny ahy sy ny anareo Izy. Tsy manana lela afa-tsy ny ahy sy ny anareo Izy. "Izaho no Voaloboka. Ianareo no sampana." Ireo sampana no mitondra an'ilay voa. Ilay Voaloboka no manome aina an'ilay sampana. Izany no fiainana izay mendrika.

<sup>273</sup> Ny fivavako dia, ho an'ireo izay ao amin'ny radio na ao amin'ny...ao amin'ny firenena misy horonam-peo, ary ireo izay manatrika. Enga anie ilay Andriamaniry ny fahasoavana rehetra, an'ny Lanitra, hampamiratra ny Fanahiny Masina voatahy eo amintsika rehetra, mba ho isika, manomboka izao hariva izao, manomboka izao, no afaka hiaina fiainana iray izay hilazan'Andriamanitra hoe, "Sitrako tsara. Midira amin'ny fifaliana Mandrakizay izay efana nomanina ho anareo hatramin'ny fanorenana an'izao tontolo izao." Aoka ilay Andriamaniry ny Lanitra handefa an'ireo Fitahiany ho aminareo olona rehetra.

<sup>274</sup> Mivavaka aho mba hitahian'Andriamanitra anareo vehivavy, izao hariva izao, izay manana volo fohy, amin'ny fomba iray izay hahitanareo, ka hanalaviranareo an'ity fironana moderin'ny andro ity, ary hahafantatra fa ny Baiboly dia milaza fa tsy tokony hanao an'izany ianareo. Ary raha meloka amin'ny fanaovana akanjo tsy mendrika ianareo, dia ilay Andriamaniry ny Lanitra anie handraraka ny Fahasoavany ao am-ponareo, mba tsy hanaovanareo an'izany intsony indray, mba tsy ho meloka amin'izany zavatra izany intsony indray ianareo. Enga anie ny Fanahy Masina hanokatra fotsiny an'ilay izy aminareo

ka haneho aminareo. Enga anie ianareo, izay tsy manana ny batisan'ny Fanahy Masina . . .

<sup>275</sup> Enga anie ianareo lehilahy izay manana ny vadinareo, ka namela azy ireny ho lohan'ny tokan-trano ary mitarika anareo, enga anie ilay Andriamanitra ny Lanitra hanome anareo fahasoaavana hametraka ny tongotrareo amin'ny tany ka hamerina an'izany vehivavy izany ho eo amin'ny sainy tsara indray, hia, ka hahafantatra fa izany no toeranareo ao amin'i Kristy. Tsy ho loha anankiray, ankehitriny, fa ianareo no lohan'ny tokan-trano. Tsarovy, fa tsy tao amin'ilay famoronana tany am-boalohany akory aza izy. Vokatra nivoaka avy tao aminareo fotsiny izy, nomen'Andriamanitra, ho anareo, mba hikarakara anareo, mba hanao ny akanjonareo hadio sy hanamboatra ny sakafonareo, sy ny sisa. Tsy mpanao didy jadona anareo izy.

<sup>276</sup> Ianareo vehivavy Amerikana izay mihazakazaka eny rehetra eny miaraka amin'ny karazana loko tarehy eny amin'ny tavanareo, sy ireo oronareo miainga eny amin'ny rivotra (raha avy ny orana, dia hahafaty an-drano anareo izany), ary avy eo dia mihevitra fa karazana mpanao didy jadona anankiray ianareo. Izany ianareo, ho an'ny sarimbavy anankiray, fa tsy ho an'ny tena zanak'Andriamanitra anankiray. Marina.

<sup>277</sup> Enga anie Andriamanitra hanome fahasoaavana anareo lehilahy, amin'ny maha-zanakalahin'Andriamanitra, mba hanajanona an'izany karazana fahadalana izany. Marina izany. Enga anie Izy hanome anareo fahasoaavana, hanary an'ireny sigara ireny, hampijanona ny fihainoana an'ireny vazivazy maloto ireny, io fahadalana rehetra io. Aoka isika ho zanakalahin'Andriamanitra, mba hahafahantsika mandeha amin'ny fiainana iray mendrika ny Filazantsara.

Ary mandeha eny an-dàlambe ny olona anankiray, hanao hoe, "Raha tena misy Kristiana iray, dia iny mandeha iny ny anankiray. Iny mandeha iny ny anankiray izay hanehoan'Andriamanitra ny Tenany mihitsy, ary iny lehilahy iny no tena Kristiana anankiray, raha mbola nisy koa ny Kristiana iray. Mety mieritreritra ianareo hoe toa ntaolo be izy. Izy no ramatoa tena izy anankiray." Izany ilay izy.

<sup>278</sup> Aoka ho Kristiana tsara laza anankiray, satria vahiny isika eto. Tsy ity no Tranontsika. Ny Tranontsika dia any Ambony. Isika dia zanakalahy sy zanakavavin'ny Mpanjaka iray, an'ilay Mpanjaka. Aoka isika hanao ny fiainantsika ho—ho fiainana iray tsara laza. Aoka isika hiaina fiainana iray izay hanome voninahitra an'ilay zavatra izay lazaintsika fa maha-izy antsika, Kristiana anankiray. Ary raha tsy afaka miaina an'izany karazam-piaianana izany ianareo, amin'izay fotoana izay dia ajanony ny ho antsoina hoe Kristiana anankiray, satria mitondra henatra fotsiny eo amin'ilay Antony ianareo.

<sup>279</sup> Misaotra anareo, olona, amin'ity hariva mafana ity, nipayetraka teto. Matoky aho fa tsy hisy anankiray aminareo ho very, amin'io Andro io. Izaho—izaho—izaho dia matoky fa izaho sy ianareo, miaraka, dia hahita fitia eo anatrehan'Andriamanitra, mba hahafahako manohana foana an'izay atao hoe Fahamarinana, tsy mandratra anareo mihitsy, nefo tsy mihambahamba aminareo mihitsy. Hitanareo? Raha nataoko izany, tsy ho karazana dada anankiray tsara aho, raha mamela ny zanako hanao ny zavatra rehetra fotsiny. Hanitsy azy ireo aho. Ny fitiavana rehetra dia hanao an'izany. Manitsy ny fitiavana. Tsaroako ianao nanoratra tamiko an'ilay naoty, tamin'io andro io, Pat. Mbola ananako foana ilay izy. Ary manitsy ny fitiavana. Ny Baiboly no niteny an'izany. Ary raha tsy marina izany, izany no antony hanitsian'Andriamanitra antsika. Tiany isika.

<sup>280</sup> Enga anie isika haina fiaianana iray, manomboka izao, izay mendrika, miaraka amin'ny fahalemem-panahy sy fahatsaram-panahy. Aza variana mihitsy, manao hoe, "Eny isaorana Andriamanitra, fantatro fa azony ilay Izy. Niteny tamin'ny fiteny tsy fantatra izy. Nandihy tao amin'ny Fanahy izy." Tsara daholo izany. Saingy raha tsy manana ny vokatry ny Fanahy izy, dia tsy ao anatin'izany ilay Fanahy. Naka tahaka karazana fihetseham-po iray fotsiny izy, na zavatra anankiray, satria ny Fanahy Masina dia afaka miaina fotsiny ny fiaianan'ilay vokatry ny Fanahy. Izany no fomba tokana Azony atao.

<sup>281</sup> Andriamanitra hitahy anareo. Ndao isika hanondrika ny lohantsika, vetivety fotsiny.

Aoka ny... Andriamanitra, izay nandatsaka ny Hazavany amin'izao andro farany izao, Ity mipetraka eto anoloako ity, ny Baiboliny; sy ilay sarin'ireo Anjely ireo, io Hazavana mahagaga io amin'ny endrika piramida anankiray, izay na dia ireo siantifika aza tsy mahafantatra hoe ahoana no nahatongavan'Izany eto. Tsy hain'izy ireo hazavaina Izany. Saingy, Ray, mankasitraka izahay. Ianao no niteny taminay, volana maro talohan'ny nitrangany, ary mankasitraka Anao izahay.

<sup>282</sup> Aoka ny olona, izay nantsoina tamin'ny Anaranao, hiala amin'ny fahotana, izao hariva izao, Tompo, ny tsy finoana. Enga anie, araka... Tsy maintsy niteny mafy tokoa nanohitra an'ireo anabavinay aho, tsy hoe satria tsy tiako izy ireo, Tompo, fa tsy tiako ny mahita an'ilay devoly hamatotra azy ireo mandra-pahafatiny, indray andro any, ka avy eo dia hihaona Aminao amin'izany karazan-toerana izany, rehefa nandre ny Fahamarin'an'Andriamanitra, tahaka an'izao. Enga anie izy ireo hahatsapa fa izy ireo mihitsy no tsy maintsy manao ny tenany, handeha hizaha ny Soratra, ka hahita raha marina izany. Handohalika amin'ny lohaliny amin'izay fotoana izay, am-pahatsoram-po, ka hanao hoe, "Andriamanitra, izany ve no

Fahamarinana?" Koa dia izay ihany no ho zavatra tena ilaina, Tompo, raha ho tso-po amin'izany izy ireo, fa ny Teninao no Fahamarinana.

<sup>283</sup> Mipetraka ny olona. Maro amin'izy ireo, angamba, no nanana zavatra izay mandratra azy ireo. Saingy ny Fanahin'Andriamanitra no niresaka tamin'izy ireo, ary nipetraka tsara izy ireo ka nihaino. Miha-tara ny ora. Tara ny ora ao amin'ilay hariva, ary tara ihany koa izy ao amin'ilay andro izay iainanay. Milentika ny masoandro. Miha-mangatsiaka izao tontolo izao. Andriamanitra, hitoetra tsy ho ela ny aizina, ary avy eo dia ilay Fihavian'ny Tompo, mba haka ny Fianganony. Toy ny ahoana no isaoranay Anao ny amin'izany, Tompo!

<sup>284</sup> Mivavaka izahay ankehitriny mba Hitahianao ny olona tsirairay ao amin'ny Fanatrehanao Masina. Ny tsirairay izay mandre an'ity horonam-peo ity, Tompo, manerana an'izao tontolo izao, enga anie izy ireo hiala amin'ireny fanekekem-pinoana tranainy sy ny sisa ireny, ka ho tonga sy hanompo an'ilay Andriamanitra velona, ho tonga ka hampiasa vola amin'Izany, hanao tahaka an'izay nataon'ilay mpanjakavavin'ny Atsimo. Tonga izy, nila telo volana izy nandehanana tany amin'ny lehilahy anankiray izay naneho an'i Jesosy Kristy, na ilay Andriamanitry ny Lanitra; Solomona. Hoy Jesosy hoe, "Tonga avy any am-paran'ny tany izy, mba handre ny fahendren'i Solomona, ary indro misy lehibe noho i Solomona eto." Ary fantatray fa "ilay lehibe noho i Solomona" dia eto, ilay Fanahy Masina lehibe Izy tenany no eto, miasa amin'ny alàlan'ny olona. Toy ny ahoana no isaoranay Anao ny amin'izany, Ray. Mivavaka ho an'ireo fitahiana aho ankehitriny.

<sup>285</sup> Tahio ny pasitera malalanay, Rahalahy Neville. Tompo, fa izaho—fa izaho raha mijery azy ka mieritreritra an'ireo asam-pitiavany, dia mitroatra fotsiny ny foko. Tiako izy. Mijery azy rehefa misahana ny vadiny sy ireo zanany kely izy, izaho—izaho dia mivavaka, Andriamanitra, mba Hampaherezanao azy. Omeo herim-po izy. Tahio izy ho an'ny taona maro, maro ho an'ny asa, ao amin'ity saham-pijinjana izay iainanay ity.

<sup>286</sup> Tahio ireto rahalahy mpitoriteny rehetra izay mipetraka eto ireto izao hariva izao. Maro amin'izy ireo no vahiny avy any amin'ny toeran-kafa. Mivavaka aho mba Hombanao azy ireo eo, Junie sy Rahalahy Ruddell, ary ireo lehilahy sarobidy izay avy amin'ireo fiangonana rahavavin'ity fiangonana eto ity, mijoro sy mihazona ny Hazavan'ny Filazantsara any amin'ireo ampanantanàna samihafa manodidina, ho an'ity Hazavana iray ity ihany, miady ho an'Izany. Misaotra Anao ny amin'ireo lehilahy ireo, Tompo. Ampaherezo izy ireo. Ary omeo azy ireo ny fahasoavana mba hahatanty an'ireo fizahan-toetra lehibe sy ny sisa izay tonga eto ambonin'ny tany mba hizaha toetra ny Kristiana rehetra.

<sup>287</sup> Sitrano ny marary sy ny ory, Tompo. Mombà anay mandritra an'ity herinandro ho avy ity ankehitriny. Omeo herim-po izahay. Enga anie ireo lesona kely, voakapakapa an'ny sekoly Alahady androany tsy hiala ao am-pon'izy ireo mihitsy. Enga anie izy ireo hisaintsaina, andro aman'alina. Ekeo ireo fitahiana ireo, Ray. Amin'ny Anaran'i Jesosy Kristy, no angatahako an'izany. Amena.

<sup>288</sup> Tianareo ve Izzy? [Hoy ny fiangonana hoe, "Amena."—Mpand.] Mino an'Izany ve ianareo? ["Amena."] Ndaô isika hihira an'ilay hirantsika tsara indray, "Tiako Izzy, tiako Izzy," raha manakambana ny tenantsika miaraka isika. Aiza i Ranabavy Ungren? Eto ve izy, ny anankiray amin'izy ireo, na ilay anabavy izay mitendry ny piano, ny anankiray amin'ireo ramatoa eto? Tsy hitako ilay izy. Hia, io izy, ilay ramatoa eto io. Marina izany.

<sup>289</sup> Naniry aho, izao hariva izao, miaraka amin'ny fanajana rehetra, saingy tsy nahita an-dRahalahy Ungren aho. Naniry aho ny hihirany ho ahy, izao hariva izao, *Fa Lehibe Ianao!* Ataoko fa lasa nody ilay rahalahy. Hitanareo? Nandre an'izany hira izany aho aninkeo maraina, ary tena nankasitraka an'izany tokoa aho. Oadray, oh, oadray! Namelovelo tato am-poko mihitsy izany. Ary izaho—izaho—izaho dia naniry ny handre azy hihira ny *Fa Lehibe Ianao!*

<sup>290</sup> Ankehitriny dia ndao isika hihira ny *Tiako Izzy*, ny rehetra, miaraka. Ankehitriny dia akimpio fotsiny ny masonareo. Ary ndao isika hijery Azy ankehitriny, hanao hoe, "Tompo, raha mbola misy an'io ara-nofo io ato amiko, dia endaho izany, izao ankehitriny izao. Endaho izany." Ary ianareo, any ivelany any, izay mandre an'ity horonam-peo ity, rehefa mandre an'ity hira ity ianareo, dia mihirà miaraka aminay, àry, eo ambonin'ny sezza izay ipetrahanareo eo mihitsy.

Raha misy izany, raha voaheloky ny Teny ianareo, raha tsy neverinareo fa Izany no Teny, dia zahao ny Soratra, jereo raha marina Izany. Izany no mahamety anareo. Izany dia midika Fiainana na fahafatesana.

Ary noho izany dia hihira an'ity hira ity isika, raha misy aranofo ao amin'ny fiainanareo, dia tsy hanangana ny tànananareo ve ianareo, eo amin'ny sezanareo. Asaivo manangana ny tànany ireo zanakareo sy ny vadinareo, ireo olon-tianareo manodidina anareo. Hirao ny *Tiako Izzy*, ary omeo Azy ny fiainanareo. Manaova hoe, "Diovy aho, Tompo, hiala amin'ny ratsy rehetra."

Raha mbola mihira isika ankehitriny, dia ndao isika hitsangana.

Tiako Izzy, izaho . . .

Tompo Jesosy, mivavaka aho mba Hanasitrananao ny olona, ireo izay hitondra an'ireto mosara ireto. Mitso-drano azy ireo aho, amin'ny Anaran'i Jesosy Kristy. Amena.

Ka nividy ny famonjeko  
Teo amin'ny hazon'i Kalvary.

<sup>291</sup> Ankehitriny, ao amin'ity fitahiana lehibe ity! Tohizo tendrena fotsiny ilay izy, ranabavy. Akimpio fotsiny ny masonareo dia mieritrereta, iray minitra ankehitriny. Ndaو isika hivavaka, ao amin'ny fontsika hoe, "Tompo Jesosy, diniho aho. Tena tia Anao tokoa ve aho? Hoy Ianao hoe, 'Raha tia Ahy ianareo, dia hitandrina ny Didiko ianareo. Raha tia Ahy ianareo, dia hitandrina ny Teniko ianareo.'" Ary dia ao amin'ny fonareo, manaova hoe, "Tompo, avelao aho hitandrina ny Teninao. Avelao aho hanafina an'Izany ao am-poko, tsy hanota Aminaо intsony indray, izany hoe, tsy mino an'izay rehetra Nolazainaо."

<sup>292</sup> Ankehitriny raha mbola mihira ny *Tiako Izы* isika, dia ndao isika handray tànana ny olona izay eo akaikintsika. Atsory fotsiny, manaova hoe, "Andriamanitra hitahy anao, rahalahy, na ranabavy." Tena moramora mihitsy ankehitriny.

"Izaho . . ." Andriamanitra hitahy anao, rahalahy. "Izaho . . ." Andriamanitra hitahy anao, ranabaviko. Andriamanitra hitahy anao, ranabavy. Andriamanitra hitahy anao. Andriamanitra hitahy anao, ranabavy. "Ka niv- . . ." Andriamanitra hitahy anao, ranabaviko. Andriamanitra hitahy anao. Andriamanitra hitahy anao. Andriamanitra hitahy anao. " . . . -zon'ny."

<sup>293</sup> Ankehitriny ndao isika hanangana ny tànantsika Aminy.

Ti—tiako Izы  
Satria . . .

Misy zavatra hafa, ankoatr'izay, ve tianareo hatao? Tiako ny hampirava anareo.

. . . ahy  
Ka nividy ny famonjeko  
Teo amin'ny hazon'i Kalvary.

<sup>294</sup> Tianareo ve Izы? [Hoy ny fiangonana hoe, "Amena."—Mpand.] Tsy mahafinaritra ve Izы? ["Amena."] Mivavaka ho an'ny tsirairay avy aminareo aho, rankizy. Inona moa ny soa azoko mitsangana eto sy miteny an'ireo zavatra ireo raha izaho, ao am-poko, izaho no tsy nieritreritra fa hanampy anareo izany? Fa, reraka aho ary vizana. Zara raha afaka mitsangana eto fotsiny aho. Marary ny tongotro. Ary ireo kiraroko, nitsangana tao amin'izy ireo aho hany ka tsemboka ilay izy ao anatiny ao, sy ny sisa, hany ka kotsa ny tongotro. Ary tena reraka loatra aho! Tsy ankizy aho, tsy izy intsony. Ary nitory teny aho telo-na toriteny adiny efatra, ary mivavaka ho an'ny marary, ary mandeha andro aman'alina. Nahoana aho no mitsangana eto, manao an'izany?

Fantatrareo, ireo telopolo taona rehetra ireo, raha ho an'ny laza izany, dia nalaviriko izany. Fantatrareo fa tsy maka vola

aho. Fantatrareo izany. Tsy manana aho. Efa mba nilaza zavatra taminareo tamin'ny Anaran'ny Tompo ve aho afa-tsy izay niseho? Fantatrareo fa marina izany.

Tiako ianareo. Ny fitiavan'Andriamanitra no ao am-poko ho an'ny tsirairay avy aminareo. Maniry aho ny hahafahako... Maniry aho ny hahafahako hijoro eo anatrehan'Andriamanitra, ka hanao hoe, "Andriamanitra, avelao—avelao—avelao aho hanampy azy ireo. Avelao—avelao aho hanao an'ity." Tsy vitako ilay izy. Ny olona tsirairay avy dia tsy mainttsy hijoro irery. Hitanareo?

<sup>295</sup> Izaho—izaho—izaho dia mino fa isika rehetra dia hiakatra ankehitriny, indray andro any. Ary raha sendra matory isika alohan'izany fotoana izany, esorina aminareo aho, dia tsarovy, fa hihaona aminareo aho Any. Fantatro fa misy Izany. Ireo fahitana mihitsy izay nilaza taminareo ny zavatra rehetra, tena tanteraka, dia niseho mihitsy araka an'izay Nolazainy. Tsy misy olona anankiray, nandritr'ireo taona rehetra ireo, no afaka hilaza mihitsy fa efa mba nilaza zavatra taminareo izay hiseho aho afa-tsy izay niseho. Izao tontolo rehetra izao, mahafantatra an'izany. Tsy nahita an'izany teto amin'ny lampihazo mihitsy ianareo, izay nolazaina tamin'ny olona rehetra dia ny Fahamarinana tanteraka. Hitanareo? Izany foana ilay izy. Io Andriamanitra io ihany no namela ahy hijery ny any ambadiky ny lamban'ny fotoana. Nahita an'ireo vehivavy sy lehilahy nampanodidina ny sandrinry teo amiko aho ary namihina ahy, nanao hoe, "Oh, Rahalahy Branham."

<sup>296</sup> Izaho—izaho tsy afaka mipetraka. Noho izany, raha reraka aho, dia mandeha aho, na izany aza. Marary ny lamosiko. Ary izaho, isan'andro... Izaho dia—izaho dia—izaho dia efatra amby dimampolo taona. Fantatrareo, tratry ny fanaintainana mafy ianareo isan'andro.

Ny fivavako dia, "Andriamanitra, tazony hatrany aho. Tazony hatrany aho, mba hitory ny Teny, hijoro eo amin'izao Fahamarinana izao, mandra-pahitako ny zanako lahy, Joseph, ho tena lehibe, sy feno ny Fanahy Masina; afaka mandray an'ity Baiboly trrainainy ela niasana ity aho, hametraka Azy eo antanany, hanao hoe, 'Anaka, ento Izzy hatrany amin'ny fiafarano ny fiaiananao. Aza manao marimarintra iraisana Aminy.'"

<sup>297</sup> Nihevitra aho fa i Billy angamba no hitory ny Filazantsara. Tsy niantso azy mihitsy Andriamanitra.

Fa mino aho, fa i Joseph, na dia zazalahy kely masiaka aza izy, mino aho fa Andriamanitra no niantso azy. Izany no antony tsy hahafahan'ireo ankizy mifankahazo aminy, mpitarika anankiray izy. Ary izaho—izaho—izaho dia mahafantatra fa Andriamanitra no niantso azy. Te-hanazatra azy ao amin'ny lalan'ny Teny aho, ny lalan'ny Tenin'ny Tompo, mba tsy handaozany an'izao Teny izao. Te-hanao an'izany aho, ny

tenako, raha sitrak'Andriamanitra. Ary rehefa antitra aho ka hipetraka ery aoriana ery, sy afaka hahita azy eo, mijoro eo amin'ny polipitra, manao hoe, "Ity Filazantsara iray ity ihany, no notohanana'ny dadako. Io mipetraka etsy io izy, antitra sy trotraka, izao hariva izao. Fa izaho no maniry haka ny toerany hameno ny kirarony, hitsangana eo."

<sup>298</sup> Amin'izany fotoana izany dia hiandrandra aho, ka hanao hoe, "Tompo, aoka ny Mpanomponao handeha am-piadanana." Izany no mba tiako ho hita, indrindra tokoa. Mandrapahatongan'izany fotoana izany . . .

<sup>299</sup> Koa ahoana moa raha nitsangana tao amin'ny taranaka anankiray hafa aho? Tsy vitako izany. Tsy maintsy tonga miaraka amin'ity taranaka ity aho. Tsy maintsy mitsangana miaraka aminareo aho. Ianareo ihany no tsy maintsy ijoroako, ary hanaovako tatifra eo anatrehan'Andriamanitra, ny amin'ny Filazantsara izay notoriako. Mihevitra ve ianareo fa hitsangana eto aho ary hiezaka ny hanodinkodina anareo, avy ao amin'ny Zavatra anankiray izay noheveriko fa marina? Hamporisika anareo aho handeha hanao an'Izany. Saingy fantatro fa, rehefa diso ilay izy, dia tiako ny hanala anareo amin'izany, hiditra ao amin'izay marina. Am-pahamarinana, avy ao am-poko, Andriamanitra no ho vavolombeloko, fa tiako ianareo, ny tsirairay avy, miaraka amin'ny tena, fitiavana Kristiana Masina. Andriamanitra hitahy anareo. Mivavaha ho ahy.

<sup>300</sup> Tsy fantattro izay tehirizin'ny ho aviko, fa fantattro hoe Iza no mitahiry ny ho aviko, noho izany dia mitoetra eo amin'izany aho.

<sup>301</sup> Averiko ny, ity polipitra ity amin'ny lehilahy anankiray izay ananako toky faratampony, amin'ny maha-mpanompon'i Jesosy Kristy, ny pasiterantsika, Rahalahy Neville.



*MENDRIKA NY FILAZANTSARA VE NY FIAINANAREO?* MAG63-0630E  
(Is Your Life Worthy Of The Gospel?)

Ity Hafatr'i Rahalahy William Marrion Branham ity, izay notoriana tany amboalo hany tamin'ny teny Anglisy ny Alahady hariva, 30 Jona, 1963, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2014 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)